

禱頌贊箴銘碑記墓碑誌狀
誄祭

駢體文鈔中編下



駢體文鈔卷二十二

雜頌讚箴銘類

董仲舒山川頌

山則龍從巋摧崑崔靡巍久不崩隤似夫仁人志士孔子
曰山川神祇立寶藏殖器用資曲直合大者可以爲宮室
臺榭小者可以爲舟輿浮澗大者無不中。小者無不入。持
斧則斫折鎌則艾。生人立禽獸伏。死人入多其功而不言
是以君子取譬也。且積土成山無損也。成其高無害也。成
其大無虧也。小其上。泰其下。久長安後世無有去就儼然
獨處。惟山之意。詩云節彼南山惟石巖巖赫赫師尹民具
爾瞻。此之謂也。

水則源泉混混沄沄晝夜不竭。既似力者盈科後行。既似
持平者循微赴下。不遺小間。既似察者循谿谷不迷。或奏
萬里而必至。既似智者鄣防止而能清淨。既似知命者不

自成章法



躬即肱

清而入潔清而出既似善化者赴千仞之壑而不疑既似勇者物皆困于火而水獨勝之既似武者咸得之而生失之而死既似有德者孔子在川上日逝者如斯夫不舍晝夜此之謂也

換見華陽國志

并序

王稚紀司隸校尉楊孟文石門頌

即科谷

以質得古出于凡將滂喜者也

惟以靈定位川澤股躬澤有所注川有所通余谷之川其

澤南隆散關八方所達益域為充高祖受命與于漢中道由子

午出散入秦建定帝位以漢即氏詆焉後以子午塗路齒難更

隨圍谷復通堂先凡此四道即關堦即關九艱至于永平其有四

年詔書開余鑿通石門中遭元二西夷虐殘橋梁斷絕子

午復循上則縣峻屈曲流顛下則入冥即唐廡寫輪淵平阿泉

泥常即隄陰鮮晏木石相距利磨確盤臨危即唐槍礪履尾心寒空

元二謂元年二年
見王充論衡

滄即滄惡也
稽數古同字

真輕騎即遶即弗前惡虫齧狩虵蛭毒蠆未秋截霜稼苗天

殘終年不登匱餒之患卑者楚惡尊者弗安愁苦之難焉

可具言于是明知故司隸校尉榿為武陽揚君厥字孟文

深執忠佞數上奏請有司議駁君遂執爭百遼咸從帝用

是聽廢子由斯得其度經功飭爾要敞而晏平清涼調和

烝烝艾寧至建和二年仲冬上旬漢中太守榿為武陽王

升字稚紀涉歷山道推序本原嘉君明知美其仁賢勒石

頌德以明厥勲其辭曰

君德明明炳煥彌光刻過拾遺厲清八荒奉魁承杓綏億

衙疆春宣聖日秋貶若霜無偏蕩蕩真雅以方寧靜烝庶

政與乾通輔主匡君循禮有常咸曉地理知世紀綱言必

忠義匪石厥章恢宏大節讜而益明揆往卓今謀合朝情

醴艱即安有勲有榮禹鑿龍門君其繼縱上順斗極下荅

皇自南自北四海攸通君子安樂庶土悅雍商人咸懷
農夫永同春秋記異今而紀功垂流億載世世嘆誦
序曰明哉仁智豫識難易原夫天道安危所歸勤勤竭誠
榮名休麗

漢故穀城長蕩陰令張君表頌 并序

君諱邁字公方陳留己吾人也君之先出自有周周宣王
中興有張仲以孝友為行披覽詩雅煥知其祖高帝龍興
有張良善用籌策在帷幕之內決勝負千里之外析珪於
留文景之間有張釋之建忠弼之謨帝遊上林問禽狩所
有苑令不對更問嗇夫嗇夫事對於是進嗇夫為令令退
為嗇夫釋之議為不可苑令有公卿之才嗇夫喋喋小吏
非社稷之重上從言孝武時有張騫廣通風俗開定畿寓
南苞八蠻西羈六戎北震五狄東勤九夷荒遠既賓各貢

是占氏通

韓勅後碑於是作
於氏漢書地理志
云正元孫氏為莊公
師古曰氏占是同三國
志吳有氏儀孔融嘲
之曰氏乃民無上儀遂
改姓是

所有張是輔漢世載其德爰暨於君蓋其纏纏續續或鴻緒
牧守相係不殞高問孝弟於家中嘗於朝治京氏易聰麗
權畧藝於從政少為郡吏隱練職位常在股肱數為從事
聲無細聞徵拜郎中除穀城長蠶月之務不閉四門臚正
之際休囚歸賀八月算民不煩於鄉隨就虛落存恤高年
路無拾遺犁種宿墅黃巾初起燒平城市斯縣獨全子賤
孔茂其道區別尚書五教君崇其寬詩云愷悌君隆其恩
東里潤色君垂其仁邵伯分陝君懿于棠晉陽珮璋西門
帶弦君之體素能雙其勛流化八基遷蕩陰令吏民頡頏
隨送如雲周公東征西人怨思奚斯讚魯考父頌殷前喆
遺芳有功不書後無述焉於是刊石豎表銘勒萬載三代
以來雖遠猶近詩云舊國其命惟新
於穆我君既敦既純雪白之性孝友之仁紀行來本蘭生

韓非子觀行篇云
西門豹之性急故佩
韋以緩己蓋安子之
心緩故佩任以自急
碑云晉陽佩璋西門
帶弦期用之定別
有傳耶

有芬。克岐有兆。綏御有助。利器不覲。魚不出淵。國之良幹。垂愛在民。蔽芾棠樹。溫溫恭人。乾道不繆。唯淑是親。既多受祉。永享南山。千祿无疆。子子孫孫。

蔡伯喈祖德頌 有序

昔文王始受命武王定禍亂至於成王太平乃治祥瑞畢降夫豈后德熙隆漸浸之所通也是以易嘉積善有餘慶詩稱子孫保之非特王道然也賢人君子修仁履德者亦其有焉昔我烈祖暨于子考世載孝友重以明德率禮莫違是以靈祇降之休瑞免擾馴以昭其仁木連理以象其義斯乃祖禰之遺靈盛德之所貺也豈我童蒙孤雅所克任哉乃爲頌曰

穆穆我祖世篤其仁其德克明惟懿惟醇宣慈惠和無競伊人巖巖我考蒞之以莊增崇丕顯克構其堂是用祚之休徵惟光厥徵伊何於昭于今園有甘棠別榦同心墳有擾兔宅我柏林神不可誣僞不可加析薪之業畏不克荷矧貪靈貺以爲己華惟予小子豈不是欲干有先功匪榮伊辱

蔡伯喈京兆樊惠渠頌

洪範八政一曰食周禮九職一曰農有生之本於是乎出貨殖財用於是乎在九土上沃爲大田多稔然而地有墾墾川有墊下漑灌之便行趨不至明哲君子創業農事因高卑之宜驅自行之勢以盡水利而富國饒人自古有焉若夫西門起鄴鄭國行秦李冰在蜀信臣治穰皆此道也陽陵縣東其地衍隩土氣辛螯嘉穀不植草萊焦枯而涇水長流漑灌維首編戶齊氓庸力不供牧人之吏謀不假給蓋常興役猶不克成光緒五年京兆尹樊君諱陵字德

雲勤恤人隱。悉心政事。苟有可以惠斯人者。無聞而不行焉。遂諮之郡吏。申於政府。僉以爲因其所利之事者。不可已者也。乃命方畧大吏。趨遂令伍瓊。揣度計慮。揆程經用。以事上聞。副在三府。司農遂取財於豪富。借力於黎元。樹柱累石。委薪積土。基跂工堅。體勢強壯。折湍流。欵曠陂。會之於新渠。疏水門。通窬瀆。灑之於畝。畝。清流浸潤。泥潦浮游。昔日鹵田。化爲甘壤。稔黍稼穡之所入。不可勝算。農民熙怡悅豫。相與謳談。疆畔斐然成章。謂之樊惠渠。云其歌曰。

我有長流莫或遏之。我有溝洫莫或達之。田疇斥鹵莫修莫釐。饑饉困悴莫恤莫思。乃有樊君作人父母。立我畝。畝黃潦膏凝。多稼茂止。惠乃無疆。如何勿喜。我壤旣營。我疆斯成。泯泯我人。旣富且盈。爲酒爲釀。蒸彼祖靈。貽福惠君。壽考且寧。

劉伯倫酒德頌

何義門曰。據莊生之句。爲有韻之文。仍不美。漢西自得之趣。真逸才也。竹林七賢論。伶亦嘗措意文章。終其身凡著酒德頌一篇而已。

有大人先生。以天地爲一朝。萬物爲須臾。日月爲扁牖。八荒爲庭衢。行無轍跡。居無室廬。幕天席地。縱意所如。止則操卮執觚。動則挈榼提壺。惟酒是務。焉知其餘。有貴介公子。搢紳處士。聞吾風聲。議其所以。乃奮袂攘衿。怒目切齒。陳說禮法。是非鋒起。先生于是方捧罌承槽。銜杯漱醪。奮髯箕踞。枕麴藉糟。無思無慮。其樂陶陶。兀然而醉。豁爾而醒。靜聽不聞。雷霆之聲。孰視不覩。泰山之形。不覺寒暑之切。肌利欲之感情。俯觀萬物。擾擾焉如江河之載浮萍。二豪侍側焉。如蜾蠃之與螟蛉。

陸士衡漢高祖功臣頌

此士衡所謂文繁理富。意必指適者也。優游彬蔚。精微

朗暢兩者兼之

孫執升曰品藻諸
臣無漏表亦無區
詞琢白也秦碑漢
篆工勁蒼老自有
精氣存乎其間

相國鄼文終侯沛蕭何相國平陽懿侯沛曹參太子少傅
留文成侯韓張良丞相曲逆獻侯陽武陳平楚王淮陰韓
信梁王昌彭越淮南王六鯨布趙景王大梁張耳韓王韓
信燕王豐盧縮長沙文王吳芮荆王沛劉賈太傅安國懿
侯王陵左丞相絳武侯沛周勃相國舞陽侯沛樊噲右丞
相曲周景侯高陽酈商太僕汝陰文侯沛夏侯嬰丞相穎
陰懿侯睢陽灌嬰代丞相陽陵景侯魏傅寬車騎將軍信
武肅侯靳歙大行廣野君高陽酈食其中郎建信侯齊劉
敬太中大夫楚陸賈太子太傅稷嗣君薛叔孫通魏無知
護軍中尉隨何新城三老董公轅生將軍紀信御史大夫
沛周苛平國君侯公右三十一人與定天下安社稷者也
頌曰茫茫宇宙上塲下躡波振四海塵飛五嶽九服徘徊

此段摠起以下
分頌

三靈改卜赫矣高祖肇載天祿沈跡中鄉飛名帝錄慶雲
應輝皇階授木龍興泗濱虎嘯豐谷彤雲晝聚素靈夜哭
金精仍頽朱光以渥萬邦宅心駿民效足堂堂蕭公王跡
是因綢繆敵后無競惟人外濟六師內撫三秦拔奇夷難
邁德振民體國垂制上穆下清名蓋羣后是謂宗臣平陽
樂道在變則通爰淵爰嘿有此武功長驅河朔電擊壤東
協策淮陰亞跡蕭公文成作師通幽洞冥永言配命因心
則靈窮神觀化望影揣情鬼無隱謀物無遁形武關是闢
鴻門是寧隨難榮陽卽謀下邑銷印蕙廢推齊勸立運籌
固陵定策東襲三王從風五侯允集霸楚寶喪皇漢凱入
怡顏高覽彌翼鳳戢託跡黃老辭世却粒曲逆宏達好謀
能深游精杳漠神跡是尋重元匪奧九地匪沈伐謀先兆
濟響于音奇謀六奮嘉慮四迴規主於足離項於懷格人

乃謝楚翼實摧韓王窘執胡馬洞開迎文以謀哭高以哀
灼灼淮陰靈武冠世策出無方思入神契奮臂雲興騰跡
虎噬凌險必夷摧剛助脆肇謀漢濱還定渭表京索既扼
引師北討濟河夷魏登山滅趙威亮火烈勢踰風掃拾代
如遺偃齊猶草二州肅清四邦咸舉乃眷北燕遂表東海
克滅龍且爰取其旅劉項懸命人謀是與念功惟德辭通
絕楚彭越觀時弦迹匿光民具爾瞻翼爾鷹揚威凌楚域
質委漢王靖難河濟卽宮舊梁烈烈黥布眈眈其眇名冠
疆楚鋒猶駭電觀幾蟬蛻悟主革面肇彼梟風翻爲我扇
天命方輯王在東夏矯矯三雄至於垓下元凶旣夷寵祿
來假保大全祚非德孰可謀之不臧舍福取禍張耳之賢
有聲梁魏士也罔極自貽伊愧俯思舊恩仰察五緯脫跡
違難披榛來泊改策西秦報辱北冀悴葉更輝枯條以肆

王信韓孽宅土開疆我圖爾才越遷晉陽盧綰自微婉孌
我皇跨功踰德祚爾輝章人之貪禍寧爲亂亡吳芮之王
祚由梅鎬功微勢弱世載忠賢肅肅荆王董我三軍我圖
四方殷薦其勲庸親作勞舊楚是分往踐厥宇大啟淮濱
安國王違親悠悠我思依依哲母旣明且慈引身伏劍永言
固之淑人君子實邦之基義形於色憤發于辭主亡與亡
末命是期絳侯質木多畧寡言曾是忠勇惟帝攸歎雲鷲
靈邱景逸上蘭平代禽豨奄有燕韓寧亂以武斃呂以權
滌穢紫宮徵帝太原實惟太尉劉宗以安挾功震主自古
所難動耀上代身終下藩舞陽道迎延帝幽藪宣力王室
匪惟厥武總干鴻門披關帝宇聳顏請項掩淚寤主曲周
之進于其哲兄俾率爾徒從王于征振威龍蛻摠武庸城
六師實因克荼禽黥猗歟汝陰綽綽有裕戎軒肇跡荷策

來附馬。煩轡殆不釋。擁樹皇儲時。又平城有謀。穎陰銳敏。屢爲軍鋒。奮戈東城。禽項定功。乘風藉響。高步長江。收吳引淮。光啟于東。陽陵之勲。元帥是承。信武薄伐。揚節江陵。夷王殄國。俾亂作懲。恢恢廣野。誕節令圖。進謁嘉謀。退守名都。東規白馬。北距飛狐。卽倉敖庾。據險三塗。輔軒東踐。漢風載祖。身死于齊。非說之辜。我皇實念。言祚爾孤。建信委輅。被褐獻寶。指明周漢。銓時論道。移帝伊洛。定都鄴鎬。柔遠鎮邇。實敬攸考。抑抑陸生。知言之貫。徃制勁越。來訪皇漢。附會平勃。夷凶翦亂。所謂伊人。邦家之彥。百王之極。舊章靡存。漢德雖朗。朝儀則昏。稷嗣制禮。下肅上尊。穆穆帝典。煥其盈門。風晞三代。憲流後昆。無知獻敏。獨昭奇跡。察仲蕭相。貺同師錫。隨何辯達。因資於敵。紆漢披楚。唯生之績。皤皤董叟。謀我平陰。三軍縞素。天下歸心。袁生秀朗。

沈心善照。漢旆南振。楚威自撓。大畧淵回。元功響效。邈哉。惟人何識之妙。紀信誑項。輶軒是乘。攝齊赴節。用死執懲。身與煙消。名與風興。周苛慷慨。心若懷冰。形可以暴。志不可凌。貞軌借沒。亮跡雙升。帝疇爾庸。後嗣是膺。天地雖順。玉心有違。懷親望楚。永言長悲。侯公伏軾。皇媪來歸。是謂平國。寵命有輝。震風過物。清濁效響。大人于興。利在微往。宏海者川。崇山惟壤。韶護錯音。袞龍比象。明明衆哲。同濟天網。劍宣其利。鑿獻其朗。文武四充。漢祚克廣。悠悠遐風。千載是仰。

陸士龍盛德頌

風骨不逮功臣。頌而織詞甚縟。

余行經泗水。高帝昔爲亭長。於此瞻望山川。意有慨然。遂奏章以通情焉。并爲之頌云爾。

晉太子舍人糞土臣雲稽首再拜上書皇帝陛下臣雲頓首死罪伏惟陛下紹軒轅之獻哲越三代之高蹤膺有聖之元景蘊生民之上畧秦政肆虐漸豐生民在昔上帝乃眷多方肅雍寶命鑒民顧天思文獻聖以宅神器六合炎駕八荒星錯企皇居於阿房倚逸鹿於九野謀猷回適天人匪祚乃蕭斯國授漢于西京是以先紹五緯章太素神母哀號底命丹野九垓闢授命之符鈞天清建皇之鑒陛下螭蟠泗水龍躍下亭慶雲徘徊紫塵熠爍皇威肇於斷蛇神武基於豐沛掩四綏以蓋天廓元謨以闢宇華宮山藏玉堂海紬雲蓋景陰金門林蔚拔足崇長揖之賓吐飡納獻規之客元猷上通德輝下濟仰翰雲禽俯躍魚魴是以四海之內莫不企景嶽以接羣望廣川而鱗集乘山涉水視險若夷奔波闕廷思効死節乃鳴鸞在衡奔驥服絡

良平鳳棲信布虎據豪雄凌暴於外奇謨補闕乎內威謀兼陳智勇畢効乃凌河海河海無梁乃仆高山嶽華不重三秦席卷項籍灰分連虜霧散遺寇雲徹泛時雨以清天灑狂塵以肅地□□□轡於舟輿竦峻蓋於蒼昊功濟宇宙德被羣生天人允嘉民神協愛厯數在身有命將集而陛下猶復允執高讓成功靡有普天歸德羣后固請然後謁天皇於圓丘延萬乘以帝室率土離暴秦之亂臣妾蒙有道之惠戎羌蠻夷之墟雕趾肅慎之國莫非帝臣巍巍蕩蕩蓋天臨地自啓闢以來有皇之美未有若聖功之著盛者也臣雲頓首頓首死罪死罪臣以鄙倍文武無施忝寵本朝承乏下位而臣邁愍自西徂東行邁攸止路經泗水伏見史臣班固撰錄聖功竊承陛下扶桑始照天暉未融之日嘗臨御此川於是卽命舟人弭楫水泚瞻仰山川

舊物輝替永惟聖輝罔識所憑遠眺邇念感物興哀終懷
靡入拊心遐慕臣命違千載之運身生四百之外恨不得
役力聖明之鑒寓目風塵之會揮戈前隊待罪下軍抽鋒
咸陽之關提鉞頂籍之領痛心自悼不知所裁行役之臣
牽制朝憲雖懷彷徨王事靡盬肅將言邁實銜罔極臣聞
遊魂變化神道無方雖聖靈登遐降陟在天連光五精流
輝太一或冀神輿降觀薄狩五服時邁玉輅言巡茲邑是
以下臣仰瞻紫宮俯要恍惚愚情振蕩靡審所如不勝延
頸紫微結心閭闔之清謹住水濱拜章陳愚臣雲誠惶誠
恐頓首頓首死罪死罪稽首以聞臣雲言臣聞歌詠所以
宣成功之烈詩頌所以美盛德之容是以聞其聲則重華
之道彌新存其操則文王之容可觀永惟陛下聖德豐化
比隆前代元勳茂功超躐在昔故詩歌之所依詠金石之
所掄揚者也臣謹上盛德頌一篇雖不足以仰度天高伏
測地厚貴獻狂夫區區之情臣雲云云晉太子舍人臣陸
雲上

於皇漢祖纂胄有唐平章在昔文思百王丹輝棲列火精
幽光爰茲聖緒頹維弛綱靈曜熠爍隋景扶桑則天未墜
重規昊蒼其規伊何橫乾作峻厥德不回矩地能順憑河
拓景襄嶽殷韻龍章炯偉虎質碩變有秦不競罔極黔首
震驚予師思虔神主上帝曰咨天鑒有赫乃眷伊漢此惟
予宅明明聖皇既受帝祉雲騰下邑風駭泗水仰鏡天文
五緯同晷俯察雲符神母爰止思文聖王克廣克遐威凌
羣桀德潤諸華爰祀天人天人攸嘉爰輯蒸徒蒸徒既和
既和既順乃矢德音豐沛之旅其會如林朱旗虹超彤旆
電尋推師蕭曹撫劍高吟元戎薄伐時罔不龕凌波川潰

肆野陸沉咸陽克殄既係秦后峩峩阿房乃清帝宇穆穆
聖皇天保攸定有項畔換不式王命王命既愆黜我西土
於鑠王師遵時匪怒爰赫乘豐席卷三夏嘽嘽戎軒矯矯
乘馬變伐強楚至于垓下天誅薄曜暴籍授首區夏既混
宇宙蒙父肅肅帝居巍巍神器有皇于登是臨天位繡文
于裳組華于黻明明天子有穆其容至止鏘鏘相維辟公
宣聲路寢發號紫宮頌此愷悌以畜萬邦思樂皇慶協于
時雍琴瑟在御大予舞功越裳委贄肅慎來王明明聖皇
開國乘制分圭祚勞河山命誓禮律克彰典文垂藝有漢
恢恢疏罔不替聖功克明九方孔安良宰內幹武臣外閑
漸澤冀域沾被戎蠻連光六素萬載不刊
陸士龍登遐頌

夫死生存亡二理之已然者也而世有神仙登遐之言乎

歲不死之壽其詳固難得而精矣列仙之道作者既集而
登遐未有焉莊周有言我試妄言之子試妄聽之彼之有
無蓋難以理求我之妄聽顧可以言寄之遂為頌云爾郊

人 王子喬 元洛 孔仲尼 九疑仙人 大勝山
上女 李少君 梅福 張招 左元放 劉根 黃
伯嚴 費長房 何女子 焦生 鮮卑務塵 韓象

淵哉郊間懷寶採薪媚茲伯陽常道是夤俯翼遊周攜手
入秦遺物執一妙世頤神思我元流浩若無津王喬淵嘿

遂志潛輝遺形靈嶽顧景亡歸變彼有傳與爾翻飛承雲
儵忽飄飄紫微元洛妙識饑餌神穎在陰儵逝即陽無景
逍遙北嶽凌霄引領揮霧昊天合神自靖孔某大聖配天
宏道風扇元流思探神寶明發懷周興言謨老靈魄有行
言觀蒼昊清歌先試丹書有造茫茫九疑登暉太素有漢
登聞神具爾顧登彼靈止聿來載步貽我則歌永揚遐祚

李何以至聖參
其詞

大勝之娥厥猶翼翼降宮有和納符帝側揮杖指辰絕音
頽息茗茗元右在彼峻極少君善祠怡爾豐顏俯覲劉漢
仰接姜桓式宴安期巨棗爲餐神光攸往後來其嘆在漢
之衰頽火炎精梅公指景有皇遺形逝彼文辭胥此洞庭
神輝絕景豈外北冥張招澄精妙思元芒則是神物錯綜
徽章乃幽乃顯若存若亡因形則變倏忽無方左生清純
放情元昧在物淵沉沂虛攸遂清酒一壺百朋具醉有命
集止乘龍來萃載見君子言觀其蔚劉根登嵩遺世盤桓
形委服容口厭瓊蘭挹彼呼翕爲爾朝餐景絕巖穴光茂
雲端伯嚴志道翻飛自南北食中嶽練形嵩岑奔星凌顏
朱光垂陰雲精九口握耀盈襟長房有懷承師問道蒙險
洪海晞心元浩將登蓬萊祚爾難老嘉命旣錫如何勿考
逝矣何女芳靈旣彫安寢曾邱逝魂清霄喪魄載營大墓

崇朝玉趾再步於焉逍遙焦生卜居在河之東皓襟解帶
嘉卉結容頤神太素淑思元冲在彼黃堂明道固窮北狄
務塵在彼沙漠含神自頤靜居有恪自彼王庭聿來伊洛
天子命之載見紫閣衛衆終化靈毛揚葩慎爾貞心神社
來荷靡靡夷門體道含真煢茹靈卉凌雲頤神林陽餌車
明視聰耳壯子旣食步晞千里任化凱入輕雲揮止移形
善變載坐載起悠悠鬼谷永言潛止要終有集資生無始
綢繆方平在彼二子芬響蘭揮有來盈耳

孫興公聘士徐君墓頌

有序

晉南昌相太原縣君白漢故聘士徐君之靈惟君風軌英
邃音徽遠播餐仰芳流宗揖在昔古人有言聞伯夷之風
者懦夫有立志仰先生之道豈無青雲之懷哉余以不才
忝宰茲邑遐宗有道思揖遠風乃與友人殷浩等束帶靈

墳奉瞻祠宇雖玉質幽潛而目想令儀雅音永寂而心存
高範徘徊墟隴仰眄松林哀有形之短化悼令德之長泯
撫然有感悽然增傷夫諷謠生於情託雅頌興乎所欽匪
於詠述孰寄斯懷頌曰

巖巖先生邁此英風含真獨暢心夷體沖高蹈域表淑問
顯融昂昂五賢赫赫八俊雖曰休明或嬰險吝豈若先生
保茲玉潤超世作範流光遐振墳塋磊落松竹蕭森蒼叢
蔚蔚虛宇悒悒遊獸戲阿嚶鳥鳴林嗟乎徐君不聞其音
徘徊邱側悽焉流襟何以舒蘊援翰託心

江文通閩中草木頌十五首

有序

僕一命之微遭萬代之幸不能鏘心礪骨以報所事擢翼
驥首自致丹梯爰乃恭承嘉惠守職閩中且僕生人之樂
久已盡矣所愛兩株樹十莖草之間耳今所鑿處前峻山

以蔽日後幽晦以多阻饑援搜索石瀨芟芟庭下有故池
水常決雖無魚梁釣臺處處可坐而葉饒冬榮花有夏色
茲赤縣之東南乎何其奇異也結莖吐秀數千餘類心所
憐者十有五族焉各爲一頌以寫勞魂

江南之山連障造天既抱紫霞亦漱絳煙金荆嘉樹涵雲
宅仙媵節詎及幽意誰傳

金荆

竦枝碧澗卧根石林日月

斷色霧雨恒陰綠秀八炤丹實四臨公子不至山客徒尋

相思伊南有林匪桂匪椒下貫金壤上籠赤霄盤薄廣結

捎瑟曾喬七年乃識非曰終朝

豫章

異木之生疑竹疑草

擷叢石逕森蔕山道煙岫相珍雲壑共寶不華不縵何避

工巧

栢欄

桐梓舊麗松栝稱奇焉如茲品獨秀青崖羣木

歛望雜草不窺長入煙氣永參鸞螭

杉木貴冬榮

色停黛峯頂插翠石側碧葉菴藹頰柯翕施方陋筠檟遠

笑荆棘禮寶跨荔枝芳軟木蘭懷藥挺實涵黃揉丹鏡日
繡壑炤霞綺巒爲我羽翼委君玉盤楊梅惟園有實惟山
有叢丹蘂驚露紫榮繞風引霧如電映煙成虹伊春之秀
乃華之宗山桃美木艷樹誰望誰待縹葉翠萼紅華絳采
炤列泉石芬披山海奇麗不移霜雪空改石榴迸采泉壑
騰光淵邱緗麗碧巘紅艷桂洲山人結侶靈俗共遊時至
不採爲子淹留木蓮藥實靈品爰乃輔性却痾衛福蠲邪
養正縹色外妍金光內映草經所珍仙圖是詠石菖蒲黃
蓮上草丹砂之次禦孽辟妖長靈久視驂龍行天馴鳳匝
地鴻飛以儀順道則利黃蓮華不可炫葉非足憐微根儻
餌棄劍爲仙黃金共壽青瓊爭年君謂無妄我驗衡山薯
黃山中杜若嘉爾翠質不奇不俗載華載實同尚夕露共
炯朝日夷陂無二沈冥如一杜若桂以過列虜以太芬摧

阻天壽天折人文詎及藿香微馥微薰攝靈百仞養氣青
霧藿香

高伯恭徵士頌有序

語無瑇瑁詞必矜慎故能以慤勝

昔歲同徵零落將盡感逝懷人作徵士頌蓋止於應命者
其有命而不至則闕焉羣賢之行舉其梗概矣今著之於
左夫百王之御世也莫不資仗羣才以隆治道故周文以
多士克寧漢武以得賢爲盛此載籍之所記由來之常義
魏自神麈以後宇內平定誅赫連積世之僭掃窮髮不羈
之寇南摧江楚西盪涼域殊方之外慕義而至於於是偃兵
息甲修立文學登延雋造酬咨政事夢想賢哲思遇其人
訪諸有司以求明士咸稱范陽盧元等四十二人皆冠冕
之胄著問州邦有羽儀之用親發明詔以徵元等乃曠官

以待之懸爵以縻之其就命三十五人自餘依例州郡所遣者不可稱記爾乃髦士盈朝而濟濟之美興焉昔與之俱蒙斯舉或從容廊廟或遊集私門上談公務下盡忻娛以爲千載一時始於此矣日月推移吉凶代謝同徵之人凋熾殆盡在者數子然復分張往昔之忻變爲悲戚張仲業東臨營州遲其還反一叙於懷齊矜於垂歿之年寫情於桑榆之末其人不幸復至殞歿在朝者皆後進之士居里者非疇昔之人進涉無寄心之所出入無解顏之地顧省形骸所以永嘆而不已夫頌者美盛德之形容亦可以長言寄意不爲文二十年矣然詞切於心豈可默乎遂爲之頌詞曰

紫氣干霄羣雄亂夏王龔徂征戎車屢駕掃盪游氛克剪妖霸四海從風八垠漸化政教無外旣寧且一偃武寧兵

惟文是恤帝乃旁求搜賢舉逸巖隱投竿異人並出壘壘盧生量遠思純鑽道據德遊藝依仁旌弓旣招釋褐投巾攝齊升堂嘉謀日陳自東徂南躍馬馳輪僭憑影附劉以和親茂祖煢單夙罹不造克已勉躬聿隆家道敦心六經遊思文藻終辭寵命以之自保燕常篤信百行靡遺位不苟進任理栖遲居冲守約好讓善推思賢樂古如渴如饑子翼致遠道賜悟深相期以義相和若琴並參幕府俱發德音優游卒歲聊以寄心祖根運會克光厥猷仰緣朝恩俯因德友功雖後建祿實先受班同舊臣位並羣后士衡孤立內省靡疚言不崇華交不遺舊以產則貧論道則富所謂伊人實邦之秀卓矣友規秉茲淑量存彼大方擯此細讓神與理冥形隨流浪雖屈王侯莫廢其尚趙實名區世多奇士山嶽所鍾挺生三李矯矯清風抑抑容止初九

而潛望雲而起。詵尹西都靈。惟作傳垂訓。王宮載理雲霧。熙雖中天迹。階郎署餘塵。可挹終亦顯著。仲業淵長雅。性清到憲章。古式綢繆典。誥時值險難。常一其操。納衆以仁。訓下以孝化。彼龍川民。歸其教。邁則英賢。侃亦稱選。聞達邦家。名行素顯。志在兼濟。豈伊獨善。繩匠弗顧。功不獲展。劉許履忠。竭力致躬。出能騁說。入獻其功。輶軒一舉。撓燕下崇名。彰魏世享業。亦隆道茂。夙成弱冠。播名與朋。以信行物。以成怡怡。昆弟穆穆。家庭發響。九臯翰飛。紫冥頻在省闈。亦司於京刑。以之中政。以之平猗。歟彥鑒思。參文雅率性。任真器成。非假靡矜。於高莫恥。於下乃謝。朱門歸迹。林野宗敬。延譽號爲四雋。華藻雲飛。金聲夙振。中遇沈苛。賦詩以訊。忠顯於辭。理出於韻。高滄朗達。默識淵通。領新悟異。發自心胸。質侔和璧。文炳雕龍。耀姿天邑。衣錦舊邦。

士元先覺。介焉不惑。振袂來庭。始賓王國。蹈方履正好。是繩墨淑人君子。其儀不忒。孔稱游夏。漢美淵雲。越哉百度。出類踰羣。司言秘閣。作牧河汾。移風易俗。理亂解紛。融彼滯義。渙此潛文。儒道以析。九流以分。崔宗二賢。誕性英偉。擢隸問閭。聞名象魏。蹇蹇儀形。邈邈風氣。達而不矜。素而能賁。潘符標尚。杜熙好和。清不潔流。渾不同波。絕希龍津。止分上科。幽而逾顯。損而逾多。張綱柔謙。叔術正直。道雅治聞。弼爲兼識。拔萃衡門。俱漸鴻翼。發憤忘食。豈要斗食。率禮從仁。罔愆於式。失不繫心。得不形色。郎苗始舉。用均已試。智足周身。言足爲治。性協於時。情敏於事。與今而同。與古曷異。物以利移。人以酒昏。侯生潔已。惟義是敦。卬縱醇醪。逾敬逾溫。其在私室。如涉公門。季才之性。柔而執競。屈彼南秦。申威致命。誘之以權。矯之以正。帝道用光。邊土

納慶羣賢遭世顯名有代志竭其忠才盡其槩體襲朱裳
腰紐雙佩榮曜當時風高千載君臣相遇理實難借昔因
朝命與之克諾披衿散想解帶舒懷此听如昨存亡奄乖
靜言思之中心九摧揮毫頌德潛爾增哀

陸士龍榮啓期贊

榮啓期者周時人也。值衰世之季末。當王道頽凌。遂隱居
窮處。遺物求已。沂懷元妙之門。求意希微之域。天子不得
而臣。諸侯不得而友。行年九十。被裘鼓琴而歌。孔子過之。
問曰。先生何樂。答曰。吾樂甚多。天生萬物。惟人爲貴。吾得
爲人矣。是一樂也。以男爲貴。吾又得爲男矣。是二樂也。或
不免于襁褓。而吾行年九十。是三樂也。夫貧者士之常也。
死固命之終也。居常待終。當何憂乎。孔子聽其音。爲之二
日悲。常披裘帶索。行吟于路。曰。吾著裘者何求。帶索者何

索。遂放志一邱。滅景榛藪。居真思樂之林。利涉忘憂之沼。
以卒其天年。榮華溢世。不足以盈其心。萬物兼陳。不足以
易其樂。絕景雲霄之表。濯志北溟之津。豈非天真至素。體
正含和者哉。友人有圖其象者。命爲之贊。其辭曰。

芒芒至道。天啓德心。自昔逸民。遁志山林。邈矣先生。如龍
之潛。夷明收察。滅迹在陰。傲世求已。遺物自欽。景遯瓊輝。
響和絕音。戀彼邱園。研道之微。思樂寒泉。薄採春蕤。鳴絃
清泛。撫節高徽。有聖戾止。永言傷悲。天造草昧。負道寔嘉。
於鑠先生。旣體斯和。熊羆作祥。黃髮皤皤。耽此三樂。遺彼
世華。翼翼彼路。行吟以遊。的的黻冕。陋我輕裘。永脫亂世
受言一邱。媚茲常道。聊以忘憂。

夏侯孝若東方朔畫贊

有序

大夫諱朔字曼倩平原厭次人也。魏建安中分厭次以爲

邵曰寫出東方生
人品如畫

樂陵郡故又爲郡人焉事漢武帝漢書具載其事先生瓌
瑋博達思周變通以爲濁世不可以富貴也故薄游以取
位苟出不可以直道也故頡頏以傲世傲世不可以垂訓
也故正諫以明節明節不可以久安也故詼諧以取容潔
其道而穢其迹清其質而濁其文弛張而不爲邪進退而
不離羣若乃遠心曠度瞻智宏材倜儻博物觸類多能合
變以明算幽贊以知來自三墳五典八索九邱陰陽圖緯
之學百家衆流之論周給敏捷之辯支離覆逆之數經脉
藥石之藝射御書計之術乃研精而究其理不習而盡其
功經目而諷於口過耳而聞於心夫其明濟開豁包含宏
大陵轍卿相嘲哂豪傑籠罩靡前蹈藉貴勢出不休顯賤
不憂戚戲萬乘若寮友視儔列如草芥雄節邁倫高氣蓋
世可謂拔乎其萃游方之外者已譚者又以先生噓吸冲

和吐故納新蟬蛻龍變棄俗登僊神交造化靈爲星辰此
又奇怪惚恍不可備論者也大人來守此國僕自京都言
歸定省覩先生之縣邑想先生之高風徘徊路寢見先生
之遺像逍遙城郭觀先生之祠宇慨然有懷乃作頌焉其
辭曰

矯矯先生肥遯居貞退不終否進亦遜榮臨世濯足希古
振纓漉而無滓既濁能清無滓伊何高明克柔能清伊何
視汚若浮樂在必行處淪罔憂跨世陵時遠蹈獨游瞻望
往代爰想遐蹤邈邈先生其道猶龍染迹朝隱和而不同
棲遲下位聊以從容我來自東言適茲邑敬問墟墳企佇
原隰墟墓徒存精靈永戢民思其軌祠宇斯立徘徊寺寢
遺像在圖周旋祠宇庭序荒蕪棖棟傾落草萊弗除肅肅
先生豈焉是居是居弗形悠悠我情昔在有德罔不遺靈
法

孫執升曰一序鉤深
著隱能於滑稽詠
諧中看出確節高
氣真是東方生知
已贊亦謹嚴有

天秩有禮神監孔明彷彿風塵用垂頌聲

郭景純山海經圖讚

桂生南裔拔萃岑嶺廣莫熙葩凌霜津穎氣玉百藥森然

雲挺桂爰有奇樹產自招搖厥華流光上映垂霄佩之不

惑潛有靈標迷穀彗星橫天鯨魚死浪鵝鳴于邑賢士見

放厥理至微言之無况鵝鳥華嶽靈峻削成四方爰有神

女是挹玉漿其誰遊之龍駕雲裳太華山鸞翔女牀鳳出

丹穴拊翼相和以應聖哲擊石靡詠韶音其絕鸞鳥鍾山

之寶爰有玉華光彩流映氣如虹霞君子是佩象德閑邪

堇喻玉搖惟靈樹爰生若木重根增駕流光旁燭食之靈

化榮名仙錄搖木崑崙月精水之靈府惟帝下都西老之

宇榮然中峙號曰天柱崑崙邱肩吾得一以處崑崙開明

是封司帝之門吐納靈氣熊熊魂神陸吾安得沙棠制

為龍舟汎彼滄海眇然遐遊聊以逍遙任波去留沙棠天

帝之女蓬髮虎顏穆王執贄賦詩交歡韻外之事難以具

言西王母先民有作龜貝為貨貴以文彩賈以小大簡則

易資犯而不過文具質則混沌神則旁通自然靈照聽不

以聰強為之名曰惟帝江帝江鳥飛以翼當扈則鬚廢多

任少沛然有餘輪運于轂至用在無當扈駁惟馬類寔畜

之英騰髦驤首噓天雷鳴氣無不凌吞虎辟兵駁物以感

應亦不數動壯士挺劍氣激白虹鯨魚潛淵出則邑悚鯨

魚涸和損平莫慘於憂詩詠萱草帶山則儵壑焉遺代聊

以盤遊儵魚躡寔以足排虛以羽翹尾翻飛奇哉耳鼠厥

皮惟良百毒是禦耳鼠幽頰似猴俾愚作智觸物則笑見

人伴睡好用小慧終是嬰繫幽頰磁石吸鐵瑋瑁取芥氣

有潛感數亦冥會物之相投出乎意外磁石抱鴉貪憚其

目在腋。食人未盡。還自齧。割圖形。妙鼎是。謂不若。狍鴞龍。
 馬雲遊。騰蛇假霧。未若天馬。自然凌翥。有理懸運。天機潛。
 御天馬。蚌則含珠。獸胡不可。狢狢如豚。被褐懷禍。患難無。
 繇。招之自我。狢狢。狢徐之獸。見人伴眠。與災協氣。出則無。
 年。此豈能為。歸之于天。狢徐。治在得賢。亡由失人。崱崱之。
 來。乃致狡賔。歸之冥應。誰見其津。崱崱。水圓四十。潛源溢。
 沸。靈龜爰處。掉尾養氣。莊生是感。揮竿傲貴。蟪蛄。茫茫帝。
 臺。維靈之貴。爰有石棋。五彩煥蔚。鴈禱百神。以和天氣。帝。
 臺。棋山膏如豚。厥性好罵。黃棘是食。匪子匪化。雖無貞操。
 理。同不嫁。山膏獸。爰有嘉樹。厥名曰栝。薄言采之。窈窕是。
 服。君子維歡。家無反目。栝木。荀草赤寔。厥狀如管。婦人服。
 之。練色易顏。夏姬是艷。厥媚三遷。荀草。厥苞橘櫟。奇者維。
 甘。朱寔金鮮。葉蒨翠藍。靈均是詠。以為美談。橘櫟大驪之。

列女傳漢曰夏姬
得道難及三少

山爰有萃草。青華白寔。食之無天。雖不增齡。可以窮老。獲。
 蝮維毒。魁鳩鳥是。噉拂翼。鳴林草。瘁木慘羽。行隱戮。厥罰。
 難犯。鳩鳥。岷山之精。上絡東井。始出一勺。終致森寔。作紀。
 南。夏天清地靜。岷山。青耕禦疫。跂踵降災。物之相反。各以。
 氣來。見則民咨。寔為病媒。跂踵。清冷之水。在乎山頂。耕父。
 是游。流光灑景。黔首祀禱。以弭災眚。神耕。帝臺之水。飲蠲。
 心病。靈府是滌。和神養性。食可逍遙。濯髮浴沐。帝臺。賤無。
 定貢。貴無常珍。物不自物。自物由人。萬事皆然。豈伊蛇鱗。
 自此。蛇號為魚。三珠所生。赤水之際。翹葉栢竦。美壯若彗。
 濯彩丹波。自相霞映。三珠。有人爰處。園邱之上。赤泉駐年。
 神木養命。稟此遐齡。悠悠無竟。不死。雖云一氣。呼吸異道。
 觀則俱見。食則皆飽。物形自周。造化非巧。三首。羣籟舛吹。
 氣有萬殊。大人三丈。焦僂尺餘。混之一歸。此亦僂如。焦僂。

聖德廣被。物無不懷。爰乃殂落。封墓表哀。異類猶然。矧乃
 華黎。秋山帝堯葬于陰陽帝嚳葬于陰聚肉有眼。而無腸胃。與彼馬勃。頗相
 髣髴。奇在不盡。食之薄味。視肉筮御飛龍。果舞九代。雲融
 是揮。玉璜是佩。對揚帝德。稟天靈誨。夏后品物流行。以散
 混沌。增不為多。減不為損。厥變難原。請尋其本。三身國彼
 姝者子。誰氏二女。曷為水間。操魚持俎。厥儷安在。離羣逸
 處。女祭十日並燠。女丑以斃。暴于山阿。揮袖自翳。彼美誰
 子。逢天之厲。女丑軒轅之人。承天之祐。冬不襲衣。夏不扇
 暑。猶氣之和。家為彭祖。軒轅飛黃奇駿。乘之難老。揣角輕
 騰。忽若龍矯。寔鑒有德。乃集厥阜。乘黃萬物相傳。非子則
 根。無脊因心。構肉生魂。所以能然。尊形者存。無脊蒼四不
 多。此一不少。于野冥瞽。洞見無表。形遊逆旅。所貴維眇。目
 國神哉。夸父。難以理尋。傾沙逐日。遞形鄧林。觸類而化。應

無常心。夸父女子鮫人。體近蠶蚌。出珠匪甲。吐絲匪蛹。化
 出無方。物豈有種。歐絲牢悲海鳥。西子駭麋。或貴穴僂。或
 尊裳衣。物我相傾。孰了是非。毛民徃徃之狀。形乍如犬。厥
 性識徃。為物警辨。以酒招災。自貽纓胃。徃徃。崑崙之陽。鴻
 鷺之阿。爰有嘉穀。號曰木禾。匪植匪藝。自然靈播。木禾萬
 物暫見。人生如寄。不死之樹。壽蔽天地。請藥西姥。烏得如
 羿。不死醴泉睿木。養齡盡性。增氣之和。祛神之冥。何必生
 知。然後為聖。甘水金精朱鬚。龍行駿跂。拾節鴻鷺。塵不及
 起。是謂吉黃。釋聖牖里。吉良怪獸五彩。尾參于身。矯足干
 里。儵忽若神。是謂騶虞。詩歎其仁。騶虞子夜之尸。體分成
 七。離不為疏。合不為密。苟以神御。形歸於一。王子都廣之
 野。珍怪所聚。爰有羔穀。鸞歌鳳舞。后稷託終。樂哉斯土。都
 廣。吹萬不同。陽照陰蒸。欵冬之生。擢穎堅冰。物休所安。焉

知渙疑欵冬車前之草別名芨芨王會之云其寔如李名
之相亂在乎疑似芨芨草皮之良莫貴于麻用無不給服
無不加至物在邇求之好遐麻萍之在水猶卉植地靡見
其布漢爾鱗被物無常託孰知所寄萍

神彩壯於士衡

夫百姓不能自治故立君以治之明君不能獨治則爲臣
以佐之然則三五迭隆歷世承基揖讓之與干戈文德之
與武功莫不宗匠陶鈞而羣才緝熙元首經畧而股肱肆
力遭離不同跡有優劣至於體分冥固道契不墜風美所
扇訓革千載其揆一也故二八升而唐朝盛伊呂用而湯
武寧三賢進而小白興五臣顯而重耳霸中古陵遲斯道
替矣居上者不以至公理物爲下者必以私路期榮御圓

夷伯風情高朗
對祥速第其文
實亞潘陸此贊
綜人物煇藻中
不之氣骨猶想
見牛渚月夜船中
佩神時也

者不以信誠率衆執方者必以權謀自顯於是君臣離而
名教薄世多亂而時不治故蓬窻以之卷舒柳下以之三
黜接輿以之行歌魯連以之赴海衰世之中保持名節君
臣相體若合符契則燕昭樂毅古之流也夫未遇伯樂則
千載無一驥時值龍顏則當年控三傑漢之得材于斯爲
貴高祖雖不以道勝御物羣下得盡其忠蕭曹雖不以三
代事主百姓不失其業靜亂庶人抑亦其次夫時方顛沛
則顯不如隱萬物思治則默不如語是以古之君子不患
宏道難遭時難遭時不難遇君難故有道無時孟子所以
咨嗟有時無君賈生所以垂泣夫萬載一期有生之通途
千載一遇賢智之嘉會遇之不能無欣喪之何能無慨古
人之言信有情哉余以暇日常覽國志考其君臣比其行
事雖道謝先代亦異世一時也文若懷獨見之明而有救

何義門曰贊勝士
徵高祖功臣頌序
激昂晉代之佳
者
又曰贊雅質勝陸
然陸甚變化

文若孔明皆有王侯
之風一任私室一託
傷偶不得共獎王
室再光炎精惜哉

世之心論時則民方塗炭計能則莫出魏武故委面霸朝
豫議世事舉才不以標鑒故久之而後顯籌畫不以要功
故事至而後定虛恭之饋事皆建廷雖亡身明順識亦高矣董卓之亂神器遷
偃公達慨然志在致命由斯而談故以大存名節至如身
爲漢隸而跡入魏幕源流趣舍其亦文若之謂所以存亡
殊致始終不同將以文若既明名教有寄乎夫仁義不可
不明則時宗舉其致生理不可不全故達識舉其契相與
宏道豈不遠哉崔生高朗折而不撓所以策名魏武執笏
霸朝者蓋以漢主當陽魏后北面者哉若乃一旦進璽君
臣易位則崔子所不與魏武所不容夫江湖所以濟舟亦
所以覆舟仁義所以全身亦所以亡身然而先賢玉摧于
前來哲攘袂於後豈非天懷發中而名教束物者乎孔明
盤桓俟時而動遐想管樂遠明風流治國以禮民無怨聲

刑罰不濫沒有餘泣雖古之遺愛何以加茲及其臨終顧
託受遺作相劉后授之無疑心武侯處之無懼色繼體納
之無貳情百姓信之無異辭君臣之際良可詠矣公瑾卓
爾逸志不羣總角料主則素契於伯符晚節曜奇則參分
於赤壁惜其齡促志未可量子布佐策致延譽之美輟哭
止哀有翼戴之功神情所述豈徒蹇諤而已哉然而杜門
不用登壇受譏夫一人之身所昭未異而用舍之間俄有
不同况沈跡溝壑遇與不遇者乎夫詩頌之作有自來矣
或以吟詠性情或以述德顯功雖大旨同歸所託或乖若
夫出處有道名體不滯風軌德音爲世之範不可廢也故
復撰序所懷以爲之贊云魏志九人蜀志四人吳志七人
荀彧魏字文若諸葛亮字孔明周瑜字公瑾荀攸字公達龐
統字士元張昭字子布袁渙字曜卿蔣琬字公琰魯肅字

何日不及幼安當
以其不得而臣也

子敬崔珍字季珪黃權字公衡諸葛瑾字子瑜徐邈字景
山陸遜字伯言陳羣字長文顧雍字元歎夏侯元字泰初
虞翻字仲翔王經字承宗陳泰字元伯

火德既微運纏大過洪飈扇海二溟揚波虬虎雖驚風雲
未和潛魚擇淵高鳥候柯赫赫三雄並迴乾軸競收杞梓
爭采松竹鳳不及栖龍不暇伏谷無幽蘭嶺無亭菊英英
文若靈鑒洞照應變知微探蹟賞要日月在躬隱之彌曜
文明映心鑽之愈妙滄海橫流玉石同碎達人兼善廢已
存愛謀解時紛功濟宇內始救生人終明風槩公達潛朗
思同著蔡運用無方動攝羣會爰初發跡邁此顛沛神情
元定處之彌泰愔愔幕裏算無不經臺臺通韻跡不蹙停
雖懷尺璧顧晒連城知能拯物愚足全生郎中溫雅器識
純素貞而不諂通而能固恂恂德心注注軌度志成弱冠

道敷歲暮仁者必勇德亦有言雖遇履虎神氣恬然行不
修飾名節無愆操不激切素風愈鮮邈哉崔生體正心直
天骨疏朗牆宇高嶷忠存軌跡義形風色思樹芳蘭翦除
荆棘人惡其上時不容哲琅琅先生雅杖名節雖遇塵霧
猶振霜雪運極道消碎此明月景山詠誕韻與道合形氣
不存方寸海納和而不同通而不雜遇醉忘辭在醒貽答
長文通雅義格終始思戴元首擬伊同恥民未知德懼若
在已嘉謀在庭謹言盈耳玉生雖麗光不踰把德積雖微
道映天下淵哉泰初字量高雅器範自然標準無假全身
由直迹誇必僞處死非難理存則易萬物波蕩孰任其累
六合徒廣容身靡旣君親自然匪由名教敬愛旣同情理
兼到烈烈玉生知死不撓求仁不遠期在忠孝元伯剛簡
大存名體志在高構增堂及陞端委虎門正言彌啟臨危

致命盡其心。禮堂堂孔明。基宇宏邈。器同生民。獨稟先覺。標榜風流。遠明管樂。初九龍盤。雅志彌確。百六道喪。干戈迭用。苟非命世。孰掃雰雰。宗子思寧。薄言解控。釋褐中林。鬱爲時棟。土元宏長。雅性內融。崇善愛物。觀始知終。喪亂備矣。勝塗未隆。先生標之。振起清風。綢繆哲后。無妄惟時。夙夜匪懈。義在緝熙。三畧旣陳。霸業已基。公珍殖根。不忘中正。豈曰模擬。實在雅性。亦旣羈勒。負荷時命。推賢恭已。久而可敬。公衡仲達。秉心淵塞。媚茲一人。臨難不惑。疇昔不造。假翮鄰國。進能徽音。退不失德。六合紛紜。民心將變。鳥擇高梧。臣須顧眄。公瑾英達。朗心獨見。披草求君。定交一而桓桓。魏武外託霸迹。志掩衡霍。恃戰忘敵。卓卓若人。曜奇赤壁。三光參分。宇宙暫隔。子布擅名。遭世方擾。撫翼桑梓。息肩江表。王畧威夷。吳魏同寶。遂獻宏謨。匡此霸道。

位晉書改正

桓王之薨。大業未純。把臂託孤。惟賢與親。輟哭止哀。臨難忘身。成此南面。實由老臣。才爲世出。世亦須才。得而能任。貫在無猜。昂昂子敬。拔跡草萊。荷擔吐奇。乃構雲臺。子瑜都長。體性純懿。諫而不犯。正而不毅。將命公庭。退忘私位。豈無鶴鶴。固慎名器。伯言蹇蹇。以道佐世。出能勤功。入能獻替。謀寧社稷。解紛挫銳。正以招疑。忠而獲戾。元歎穆遠。神和形檢。如彼白圭。質無塵玷。立上以恒。匡上以漸。清不增潔。濁不加染。仲翔高亮。性不和物。好是不羣。折而不屈。屢摧逆鱗。直道受黜。歎過孫陽。放同賈屈。誥誥衆賢。千載一遇。整轡高衢。驥首天路。仰挹元流。俯宏時務。名節殊途。雅致同趣。日月麗天。瞻之不墜。仁義在躬。用之不匱。尚桓重暉。載挹載味。後生擊節。懦夫增氣。

庾仲初虞舜像贊 并序 仲初有甲寅誼文甚高妙何以舍彼錄此

夫至道元妙非器象所載靈化潛融非軌迹所傳故道資
沖樸則謂之三皇德被羣生則號稱舜禹是以先王因其
會通制爲準極功極于天則配乎上帝法施于民則載在
祀典然後名教彰于致治王道煥乎無窮故茲堂之構也
有自來矣然樹寢所以棲神而寢非神之所期立像所以
表德而像非德之所存若乃廢其軌景洞其元真雖冥照
之鑑獨朗天下惡乎注耳目哉遂乃顯圖靈像廓其廟壇
俾天光焜于宇宙南風散乎五絃豈謂神道之妙可寄于
有涯哉蓋亦暢悠悠之心者也其辭曰

元像焜耀萬物之靈飛龍在天陽德文明神道雖寂務由
機生擁琴高詠寄和五聲元風旣暢妙盡無名民鑒其朗
孰測窈冥

戴安道閒遊贊

并序安道棲居衡門被褐懷玉帝以禮度自處深以放達爲非
非滅裂名教者所可共語不毀對使破琴徵其高節也

昔神人在上輔其天理知溟海之禽不以籠樊服養櫟散
之質不以釜斤致用故能樹之于廣漠棲之于江湖戴之
以大猷覆之以元風使夫淳樸之心靜一之性咸得就山
澤樂間曠自此而箕嶺之下始有閒遊之人焉降及黃綺
逮于臺尚莫不有以保其太和肆其天真者也且夫巖嶺
高則雲霞之氣鮮林藪深則蕭瑟之音清其可以藻元瑩
素底其皓然者舍是焉故雖援世之彥翼教之傑放舞雩
之發詠聞乘桴而懷厲况乎道乖方內體絕風塵理楫長
謝歌鳳逡巡盪八疵于元流澄雲崖而頤神者哉然如山
林之客非徒迷人患避爭門諒所以翼順資和滌除機心
容養淳淑而自適者爾况物莫不以適爲得以足爲至彼
閑遊者奚往而不適奚待而不足故蔭映巖流之際偃息
琴書之側寄心松竹取樂魚鳥則澹泊之願于是畢矣然

奇趣難均元契罕遇終古皆孤棲于一巖獨玩于一流苟
有情而未忘有感而無對則輟斤寢絃之歎固已幽結于
林中驟感于遐心爲日久矣我故遂求方外之美畧舉養
和之具爲雜贊八首暢其所託始興間遊之遐逸終感嘉
契之難會以廣一往之詠以抒幽人之心云爾

茫茫草昧絲邈元世三極未鼓天人無際萬器既判靈朴
乃翳寔有神宰忘懷司契冥外旁通潛感莫滯物忽順巢崗
兼應夷惠緬矣遐心超哉絕步顧揖百王仰怡泰素矜其
天真外其囂務詳觀三品馳神萬慮誰能高佚幽然一悟
陶淵明讀史述九章

此亦讚也重於所感故不云贊

余讀史記有所感而述之

二子讓國相將海隅天人革命絕景窮居采薇高歌慨想

擬古詩有食薇飲水
之言讀山海經詩有
樹木填海之喻並云
深痛切讀者不之察
爾

用舞雲切七十二弟
子似用五六七之說

黃虞貞風凌俗委感懦夫夷齊去鄉之感猶有遲遲辨伊
代謝觸物皆非哀哀箕子云胡能夷狡童之歌悽矣其悲
箕子知人未易相知實難淡美初交利乖歲寒管生稱心
鮑叔必安奇情雙亮令名俱完管鮑遺生實難士爲知己
望義如歸允伊二子程生揮劍懼茲餘恥令德永聞百代
見紀程作恂恂舞雩莫日匪賢俱映日月共餐至言勵由
才難感爲情牽回也早夭賜獨長年七十二進德修業將
以及時如彼稷契孰不願之嗟乎二賢逢世多疑候詹寫
志感鵬獻辭屈賈豐狐隱穴以文自殘君子失時白首抱
關巧行居災枝辨召患哀矣韓生竟死說難韓非易代隨
時迷變則愚介介若人特爲貞夫德不百年汚我詩書逝
然不顧被褐幽居魯二遠哉長公蕭然何事世路多端皆
爲我異歛轡竭來獨養其志寢跡窮年誰知其意張長公

天越春秋甘蜜九覽
此字人罕識者

揚子雲酒箴

子猶瓶矣。觀瓶之居。居井之湄。處高臨深。動常近危。酒醪不入口。藏水滿懷。不得左右。牽于纏微。一旦事礙。爲裳所羈。身提黃泉。骨肉爲泥。自用如此。不如鴟夷。鴟夷滑稽。腹大如壺。晝日盛酒。人復借酤。常爲國器。託于屬車。出入兩宮。經營公家。繇是言之。酒何過乎。

裴逸民女史箴

膏不厭鮮。水不厭清。玉不厭潔。蘭不厭馨。爾形信直。影亦不曲。爾聲信清。響亦不濁。綠衣雖多。無貴于色。邪徑雖利。無尚于直。春華雖美。期于秋實。冰壁雖澤。期于見日。浴者振衣。沐者彈冠。人知正服。莫知行端。服美動。行美動神。天道祐順。常與吉人。

江道載逸民箴

至人應務。是統是營。乃制上下。以收羣生。君位孰在。匪聖伊明。賢愚相奉。臣主以成。如彼百節。各役天形。率分委質。仰應一情。心膂有位。股肱有經。豈以處下爲戚。口口爲榮。各安其所。舉體用平。夫設爵列士。懸弓垂旌。卑尊之級。貴賤之名。匪以恣物之欲。實大猷而是經。處遁之士。奚眷于時。行矣先覺。捐俗長辭。明乎憂患。故超爾不疑。解髮靈崖。被褐絃絲。飄飄臺上。輕舉高之。穆穆二仲。攜策相期。盤幽隱寂。與物無治。凡厥後來。順乃所往。鑒茲俗累。戒于顛蕩。無殉外物。心煩技養。無棄恬曠。憂勤是掌。林人司箴。敢告善黨。

張平子綬笥銘

南陽太守鮑德有詔所賜先公綬笥傳世用之時德更理笥衡時爲德主薄作銘曰

漢文廟子寶並有
名爵宗贊之崔
高文宗世禱雕龍

懿矣茲筭爰藏寶珍冠纓組履文章日信皇用我賜俾作
帝臣服其令服鸞封艾緡天祚明德大賚福仁垂光厥世
子孫克神厥器維舊中寔維新周公惟事七涓有隣
崔子玉座右銘

無道人之短無說己之長施人慎勿念受施慎勿忘世譽
不足慕惟仁為紀綱隱心而後動謗議容何傷無使名過
實守愚聖所臧在滄貴不淄曖曖內含光柔弱生之徒老
氏誠剛強行行鄙夫志悠悠故難量慎言節飲食知足勝
不祥行之苟有恒久久自芬芳

蔡伯喈黃鉞銘 四角舉橋元為度遼將軍假黃鉞

孝桓之季年鮮卑入塞盜起匈奴左部梁州叛羌逼追兵
誅淫行東夷高句麗詔子百固逆謀並發三垂騷然為國
憂念西府表橋公昔在涼州柔遠能邁不煩軍師而車師

伯喈議伐鮮卑車
意在守邊保塞不
主出兵故以橋公休
士為此

克定及在上谷漢陽連在營郡膂力方剛明集士眾徵拜
度遼將軍始受旄鉞鉦鼓之任扞禦三垂公以吏士頻年
在外勤於犇命人馬疲羸撓鈍請且息州營橫發之役以
補困憊朝廷許之於是儲廩豐饒室罄不懸人逸馬畜弓
勁矢利而經用省息官有餘資執事無放散之尤簿書有
進入之贏治兵示威戎士踴躍旌旗耀日金鼓雷奮守有
山嶽之固攻有必克之勢羌戎授首于西疆百固冰散于
東鄰鮮卑收迹烽燧不舉眎事三年馬不帶鉞弓不受疆
是用鏤石作茲征鉞軍鼓陳之東階以昭公文武之勛焉
銘曰

石鉞石鼓

帝命將軍秉茲黃鉞威靈振耀如火之烈公之在位羣狄
斯柔齊斧罔設人士斯休
蔡伯喈東鼎銘

大夫併伐銘功景鐘
論誤潤色藏之宗祏
觀三代遺器大都侈
陳功烈休美立建受
受冊寵錫使蕃與
中郎之作相髣髴
其不書服物典章之
賜亦無祈弓館綽之
祠因時製體不相
沿襲此所以卓然為
祠宗欽劉舍人撰其
金成碑文存陷於所
長不知銘物銘功本
判兩陰有顏無顏
亦匪一括非伯喈之車
乃產和之陋耳

銘功之體此最得之

維建寧三年秋八月丁丑延公于玉堂前廷乃詔曰其以
大鴻臚橋元為司空再拜稽首以讓帝曰俞往哉三讓然
後受命公乃虔恭夙夜帝采勤施八方旁作穆穆以對揚
天子丕顯休命越在先民毗於天子罔不著其股肱畢其
思心式率天行式昭德音公亦克紹厥猷鑒於法罔敢不
法憲於誠罔敢不誠用總是羣后保乂帝家勛在方冊民
咸曰休哉惟帝念功越若來二月丁丑遷於司徒

蔡伯喈中鼎銘

維建寧四年三月丁丑延公登于玉堂前廷乃制詔曰其
以司空橋元為司徒公拜稽首以讓帝曰俞往哉三讓然
後受命公允迪厥德宣力肆勤戰戰兢兢以役帝事率夫
百辟媚于天子天子曰都慎厥身修思永同寅協恭以和
天衷德則昭之違則塞之回乃不敢不弼枉乃不敢不匡
股肱之事既充三事之繇允備災眚作見乃引其責曰凡
庶徵不若彛倫不叙是惟臣之職祇以疾告表越十月庚
年記此

蔡伯喈西鼎銘

維光祿元年冬十二月丁巳延公入崇德殿前乃制詔曰
其以光祿大夫元為太尉公拜稽首曰臣聞之三讓莫或
克從臣不敢辭臣犬馬齒七十可以生可以死其戮力閉
私悉心在公以盡為臣之節于時侍從陛階與聞公之昌
言者莫不惕厲如履薄冰既乃碑表百代

士孫瑞劍銘

天生五才金德惟剛從革作辛含景吐商辨物利用勛伐
彌章暨彼良工歐冶于將爰造寶劍巨闕墨陽上通皓靈

曝書亭集載洋鏡銘二其一曰樂無事日有喜宜西食余最愛之

悔字入韻

吉字乃活之以立字也

顏延之庭誥曰性明者欲聞嗜繁者氣昏

易頤卦慎言語節飲食止義用此三語

獲茲休祥剖山竭川虹蜺消亡昭威耀武震動遐荒楚以定霸越以取強

漢鏡銘

尚方御鏡大無傷巧工刻之成文章左龍右虎辟不祥朱雀元武順陰陽子孫備具居中央涑治銀錫清而明長保二親樂富昌壽做金石如侯王

又

許氏作竟自有紀青龍白虎居左右聖人周公魯孔子作吏高遷車生耳郡舉孝廉州博士少不努力老乃悔吉

卞蘭座右銘

重階連棟必濁汝真金寶滿堂將亂汝神厚味來殃艷色危身求高反墜務厚更貧閑情塞欲老氏所珍周廟之銘仲尼是遵審慎汝口戒無失人從容順時和光同塵無謂

冥漠人不汝聞無謂幽宵處獨若羣不為福先不與禍鄰守元執素無亂大倫常若臨深終始為純

傅休奕擬金人銘作口銘

神以感通心由口宣福生有兆禍來有端情莫多妄口莫多言蟻孔潰河溜穴傾山病從口入禍從口出存亡之機開闔之術口與心謀安危之源樞機之發榮辱存焉

鮑明遠藥奩銘

歲實走丸生厭墮墻時無驟得年有遐方水玉出煙靈飛生光龜文電衣龍綵雲裳九芝八石延正盪斜二脂六體振衰返華毛姬餌葉鳳子藏花景絕翠虬氣隱頰霞深神罕別妙奇不揚或繁虎杖或亂蛇牀故不世不可以服未達不可以嘗眩睛逆目是乃為良

鮑明遠石帆銘

應風剖流息石橫波下深地軸上獵星羅吐相引漢歛蠶
吞沱西歷岷冢北瀉淮河眇森宏藹積廣連深淪天測際
巨海窮陰雲旌未起風柯不吟崩濤山墜鬱浪雷沉在昔
鴻荒刊啓源陸表裏民邦經緯島服瞻貞視悔坎水異木
乃剡乃鐘既刻既斲飛深浮遠巢潭館谷涉川之利講易
則難臨淵之戒曰危則安泊潛輕濟冥表勤言穆戎遂留
昭御不遺徒悲猿鶴空駕滄烟君子彼想祇心載湯林簡
松栝水採龍鷁覘氣涉潮投祭沈璧揆檢含圖命辰定歷
二嶠虎口周王風趨九折羊腸漢臣電驅潛鱗浮翼爭景
乘虛衡石頰鯨帝子察殂青山斷河后父沉軀川吏掌津
敢告訪送 歲體

梁元帝梁安寺剎下銘

阿閣崑崙洞房窈窕似靈光之金扇類景福之銀鋪垂瓊
珍之文璫飾琅玕之仙寶神童戾止亟連翩于威鳳薩埵
來游屢徘徊於紺馬有識之所虔仰無著之所招提觀慧
樓而下拜望天街而興善辭曰塵沙無始造色無先飛蛾
不息縈蠶自纏篋蛇未斷藤鼠方緣苦流長汎愛火仍燃
髻珠孰曉懷寶詎宣挺茲靈覺時惟天仙真藉表聖化乳
稱權寶剎千道高翻四懸鳳樓含日龍臺吐煙紫山翠羽
紅水青蓮雪宮月殿晨暉夜圓宵長梵響風遠鐘傳仙衣
有拂靈剎無遷

梁元帝漏刻銘

玉衡稱物金壺博施司南司火未符茲義帝曰欽哉納隍
斯譬實惟簡在窮神體智宮槐晚合月桂宵暉清臺莫爽
解谷胥依七分六日五紀三微事齊幽贊乃會通幾碧海
有乾絳川猶竭飛流五色涓涓靡絕龍首旁注仙衣俯裂

箭不停晷聲無暫輟用天之貞分地之平如弦斯直如渭斯清

梁元帝東宮後堂仙室山銘

太華削成本擅奇聲峰如雪委嶺若蓮生雲除紫蓋霞通赤城金壇是錄玉記題名鳳依桐樹鶴聽琴聲殿接南箕橋連北斗秋河從帶春禽銜綬朱鳥安牕青龍作牖

庾慎之團扇銘

武王元覽造扇於前班生瞻博白綺仍傳裁筠比霧裂素輕蟬片月內掩重規外圓炎隆火正石鑠沙煎清逾蘋末瑩等寒泉恩深難恃愛極則遷秋風颯至篋笥長捐勒銘華扇敢薦夏筵

庾子山秦州天水郡麥積崖佛龕銘

有序

麥積崖者乃隴底之名山河西之靈岳高峰尋雲深谷無

景方之鷲鳥迹遁三禪譬彼鶴鳴虛飛六甲鳥道乍窮羊腸或斷雲如鵬翼忽已垂天樹若桂華翻能拂日是以飛錫遙來度杯遠至疏山鑿洞鬱爲淨土拜燈王于石室乃假馭風禮花首于山龕方資控鶴大都督李允信者藉于宿植深悟法門乃于壁之南崖梯雲鑿道奉爲亡父造七佛龕似刻浮檀如攻水玉從容滿月照曜青蓮影現須彌香聞初利如斯塵野還開說法之堂猶彼香山更對安居之刹昔者如來追福有報恩之經菩薩去家有思親之供敢緣斯義乃作銘曰

鎮地鬱盤基乾峻極石關十上銅梁九息百仞崖橫千尋松直陰兔假道陽鳥迴翼載葦疏山穿龕架嶺糾紛星漢迴旋光景壁累經文龕重佛影彫輪月殿刻鏡花堂橫鐫石壁閻鑿山梁雷乘法鼓樹積天香嗽泉珉谷吹塵石牀

集靈真館藏仙冊府芝洞秋房檀林春乳冰谷銀沙山樓
石柱異嶺共雲同峰別雨冀城餘俗河西舊風水聲幽咽
山勢崆峒法雲常住慧日無窮方域芥盡不變天宮

庾子山東宮行雨山銘

山名行雨地異陽臺佳人無數神女羞來翠幔朝開新粧
旦起樹入牀頭花來鏡裏草綠衫同花紅面似開年寒盡
正月遊春俱除錦帔併脫紅綸天絲劇藕蝶紛多塵橫藤
礙路垂柳低人誰言洛浦一箇河神

庾子山東宮玉帳山銘

玉帳寥廓崑山抵鵲總葉成帷連珠起幕玉葢難移金花
不落隱士彈琴仙人看博巖留舊鼎竈聚新荆煮石初爛
燒丹欲成桑田屢變海水頻盈長聞鳳曲永聽簫聲

庾子山至仁山銘

峰橫鶴嶺水學龍津瑞雲一片仙童兩人三秋雲薄九日
寒新真花暫落畫樹常春橫石臨砌飛簷枕嶺壁繞藤苗
窗銜竹影菊落秋潭桐疎寒井仁者可樂將由愛靜

庾子山望美人山銘

高唐礙雨洛浦無舟何處相望山邊一樓峰因五婦石是
三侯嶮踰地肺危陵天柱禁苑斜通春人常聚樹裏聞歌
枝中見舞恰對粧臺諸窗晝開斜看已識直喚便迴豈同
織如非秋石來

庾子山明月山銘

竹亭標嶽四面臨虛山危簷迴葉落窗疎看椽有笛對樹
無風風生石洞雲出山根霜朝唳鶴秋夜鳴猿堤梁似堰
野路疑村船橫埭下樹夾津門寧殊華蓋詎識桃源

崔子玉草書勢

書契之興始自頡皇寫彼鳥跡以定文章爰暨末葉典籍
彌繁時之多僻政之多權官事荒蕪勦其墨翰惟作佐隸
舊字是刪草書之法益又簡略應時諭指用於卒迫兼功
並用愛日省力純儉之變豈必古式觀其法象俯仰有儀
方不中矩員不副規抑左揚右望之若崎竦企鳥跂志在
飛移狡獸暴駭將奔未馳或黜黠點點狀似連珠絕而不
離畜怒怫鬱放逸生奇或凌邃惴慄若據高臨危旁黠邪
附似蝟蟥揭枝絕筆收勢餘縱糾結若杜伯捷毒緣巖騰
蛇赴穴頭沒尾垂是故遠而望之隴焉若泄岑崩崖就而
察之一畫不可移機微要妙臨時從宜略舉大較髣髴若
斯

蔡伯喈篆勢

鳥遺跡蒼頡循聖作則制斯文體有六篆爲真形要妙巧

入神或龜文鍼列櫛比龍鱗紆體放尾長短複身頽若黍
稷之垂穎蘊若蟲蛇之棼緼揚波振擊鷹峙鳥震延頸脅
翼勢似凌雲或輕舉內投微本濃末若絕若連似水露緣
絲凝垂下端從者如懸衡者如編抄者邪趣不方不圓若
行若飛岐岐翺翺遠而望之象鴻鵠羣遊絡繹遷延迫而
視之端際不可得見指揮不可勝原研桑不能數其詰屈
離婁不能覩其卻間般倅揖讓而辭巧籀誦拱手而韜翰
處篇籍之首目粲粲彬彬其可觀摛華艷於紈素爲學藝
之範先嘉文德之宏懿蘊作者之莫刊思字體之俯仰舉
大略而論旃

蔡伯喈隸勢

鳥跡之變乃惟佐隸蠲彼繁文崇此簡易厥用旣宏體象
有度奐若星陳鬱若雲布其大徑尋細不容髮隨事從宜

靡有常制。或穹窿恢廓。或櫛比鍼列。或砥平繩直。或蜿蜒繆戾。或長邪角趣。或規旋矩折。修短相副。異體同勢。奮筆輕舉。離而不絕。纖波濃點。錯落其間。若鐘虞設張。庭燎飛煙。嶄崟巖嵒。嗟高下屬連。似崇臺重宇。層雲冠山。遠而望之。若飛龍在天。近而察之。心亂目眩。奇姿譎誕。不可勝原。研桑所不能計。辛賜所不能言。何草篆之足算。而斯文之未宣。豈體大之難覩。將秘奧之不傳。聊俯仰而詳觀。舉大較而論旃。

衛巨山字勢

謂古文

黃帝之史沮誦倉頡眺彼鳥跡始作書契紀綱萬事垂法立制帝典用宣質文著世爰暨暴秦滔天作戾大道旣泯古文亦滅魏文好古世傳邱墳歷代莫發真偽靡分大晉開元宏道敷訓天垂其象地耀其文其文乃耀粲矣其章

因聲會意類物有方日處君而盈其度月執臣而虧其旁雲委蛇而上布星離離以舒光禾卉芣蓿以垂穎山嶽峨嵯而連岡蟲跂跂以若動鳥似飛而未揚觀其錯筆綴墨用心精專勢和體均發止無間或守正循檢矩折規旋或方圓靡則因事制權其曲如弓其直如弦矯然特出若龍騰于川森爾下頽若雨墜于天或引筆奮力若鴻雁高飛邈邈翩翩或縱肆阿邴若流蘇懸羽靡靡綿綿是故遠而望之若翔風厲水清波漪漣就而察之有若自然信黃唐之遺跡爲六藝之範先籀篆蓋其子孫草隸乃其曾元覩物象以致思非言詞之所宣成公子安隸書體

皇頡作文因物構思觀彼鳥跡遂以成意閱之後嗣存載道義

闕四

綱紀萬事俗所傳述寔由書記時變巧易古今

各異蟲篆旣繁草藁近僞適之中庸莫尚于隸規矩有則
用之簡易隨便適宜亦有弛張操筆假墨抵押毫芒彪煥
礫落形體抑揚芬葩連屬溢分羅行爛若天文之布耀蔚
若綿繡之有章或輕拂徐振緩案急挑挽橫引從左牽右
繞長波鬱拂微勢縹緲二巧難傳善之者少應心應手必
絲意曉爾乃動纖指舉弱腕握素紉染元翰彤管電流雨
下雹散點黠折怵掬挫安案續紛駱驛華藻粲爛緼網卓
犖一何壯觀繁縟成文又何可玩章周道之郁郁表唐虞
之輝煥若乃八分璽法殊好異制分白賦黑棊布星列翹
首舉尾直刺邪掬繾綣結體剩彩奮節或若虬龍盤游蜿
蟬軒翥鸞鳳翱翔矯翼欲去或若鷲鳥將擊并體抑怒良
馬騰驤奔放向路仰而望之鬱若宵霧朝升游煙連雲俯
而察之凜若秋風厲水漪瀾成文垂象表式有模有楷形

功難詳聊舉大體

鮑明遠飛白書勢

秋毫精勁霜素凝鮮霑此瑤波染彼松煙超工入法盡奇
六文鳥企龍躍珠解泉分輕如游霧重似崩雲絕峰劍摧
驚勢箭飛差池鷲起振迅鴻歸臨危制節中險騰機圭角
星芒明麗爛逸絲縈髮垂平理端密盈尺錦兩片字金溢
故仙芝煩弱旣匪足雙蟲虎瑣碎又安能匹君子品之是
最神筆

駢體文鈔卷二十一終

合河甫氏
刻梓家譜

駢體文鈔卷二十三

漢修西嶽廟記一作碑

醇質近先秦

碑記類

山經曰泰華之山削成四方其高五千仞廣十里周禮職方氏華謂之西嶽祭視三公者以其能興雲雨產萬物通精氣有益於人則祀之故帝舜受堯歷數親自巡省設五鼎之奠升柴燎煙致敬神祇又用昭明百穀繁殖黎民時雍鳥獸率舞鳳皇來儀暨夏殷周末之有改也其德休明則有禎祥荒淫臊穢篤災必降秦違其典璧遺鄗池二世以亡高祖應運禮遵陶唐祭則獲福奕世克昌亡新滔逆鬼神不享建武之初彗掃頑凶更率舊章敢用元牲牲牲必充天惟醇祐萬國以康光和二有漢元舅五侯之胄謝陽之孫曰樊府君諱毅字仲德承考讓國家于河南究

職州郡辟公府除防東長中都令誅強虜撫瘠民二鄙以清命守斯邦威隆秋霜恩踰冬日景化既宣由復夕惕惟窺祿之報順民之則孟冬十月齊祀西嶽以傳窄狹不足處尊卑廟舍舊久牆屋傾亞世室不修春秋作譏特部行事荀班與縣令先黨以漸補治設中外館圖珍奇畫怪獸嶽瀆之精所出禎秀役不干時而功已著暨勞久逸神永有憑自古太山邱邑猶存五嶽尊同哀此勤民獨不賴福乃上復十里內工商嚴賦克厭帝心嘉瑞仍畬風雨應卦濺潤品物君舉必書况乃盛德惠及神人可無述焉於是功曹郭敏主簿魏襲戶曹史許禮等遂刊元石銘勒鴻勛垂曜靈軫存有昭識其辭曰二儀剖判清濁始分陽凝成山陰積爲川泰氣推否洪波况臻堯命伯禹決江開汶川靈既定恩覆兆民乃刊祀典辨于羣神因瀆祭地嶽以配

天世主遵循永享历年赤銳煌煌受茲介福京夏密清殊俗賓服令問不違可謂至德德音孔昭實惟我后出自中興大漢之舅本枝惟百延慶長久俾守西嶽達奉神祀改傳飾廟靈有攸齊降瑞畬祚景風凱悌惟風及雨成我稷黍稽民用章建义室宇刊銘記誦克配梁甫

張昶西嶽華山堂闕碑銘

易曰天地定位山澤通氣然山莫尊於嶽莫盛於瀆山嶽有五而華居其一瀆有四而河在其數其靈也至矣聖人廢興必有其應故岱山石立中宗繼統太華授璧秦胡絕緒白魚入舟姬武建業寶珪出水子朝喪位布五方則處其西列三條則居其中若廣袤奇蟲山經有紀矣是以帝王巡狩親五嶽而告至覲方后而考禮故經有望秩之禮典有生殖之祀蓋所以崇山川而報功也四海一統天子

秉其禮諸侯立政疆國攝其祭奉其邑曰華陰也久矣乃紀於禹貢而分秦晉之境奉鄙晉之西則曰陰晉邊秦之東則曰寧秦邑既遷徙禮亦如之二國力爭以奉以祭其城險固基趾猶存故老之言未殞於民也逮至大漢受命克亂不愆不忘舊名是復率禮不越故祀是尊厯葉增修虔恭又備一禱三祀終歲而四以迄于今而世宗又經集靈之宮於其下想喬松之疇是遊是憩郡國方士自遠而至者充巖塞崖鄉邑巫覡宗祀乎其中者盈谷溢谿咸有淨飄之志愉悅之色必雲霄之路可升而越果繁昌之福可降而致也故殖財之寶黃玉自出令德之珍卿相是毓匪惟嵩高降生申甫此亦有焉天有所興必先廢之故殷宗周宣以衰致盛是時也王業中缺大化陵遲郡縣既毀財匱禮乏庭朝傾壞壇場蕪穢祭祀之禮有缺焉於是鎮

遠將軍領北地太守閔鄉亭侯段君諱煨字忠明白武威占此土憑託河華二靈是與故能以昭烈之德享上將之尊銜命持重屯斯寄國討叛柔服威懷是示羣凶既除郡縣集寧家給人足戶有樂生之歡朝釋西顧之慮而懷關中之恃雖昔蕭相輔佐之功功冠羣后弗以加也遂解甲休士陣而不戰以逸其力修飾享廟壇場之位荒而復辟禮廢而復興又造祠堂表以參闕建神路之端首觀壯麗乎孔徹然后旅祀祈請既有常處雖雨露衣而禮不廢於是邑之士女咸曰宜之乃建碑刻石垂示後裔其辭曰於穆堂闕堂闕昭明經之營之不日而成匪奢匪儉惟德是程匪豐匪約惟禮是榮虔恭禋祀黍稷芬香神具醉止降福穰穰

王延壽桐柏廟碑

榜水經注郭君
名苞

至正四年吳炳重書
是碑跋云其辭通雅
韓公作南海廟碑誌
取於此

延熹六年正月八日乙酉南陽太守中山盧奴張君處正
好禮尊神敬祀以淮出平氏始於大復潛行地中見於陽
口立廟桐柏春秋宗奉災異告譴水旱請求位比諸侯聖
漢所尊受珪上帝太常定甲郡守奉祀務潔沈祭從郭君
以來二十餘年不復身到遣行承事簡畧不敬明神弗歆
災害以生五嶽四瀆與天合德仲尼慎祭常若神在君準
則大聖親之桐柏奉見廟祠崎嶇逼狹開拓神門立闕四
達增廣壇場飾治華蓋高大殿宇穹齊傳館石獸表道靈
龜十四衢廷宏敞宮廟高峻祇慎慶祀一年再至躬進牲
牲執玉以沈為民祈福靈祇報祐天地清和異祥昭格禽
獸碩茂草木芬芳黎庶預祉民用作頌其辭曰
泣泣淮源聖禹所導湯湯其逝惟海是造疏穢濟遠柔順
其道弱而能強仁而能武聖賢立式明哲所取定為四瀆

與河合矩烈烈明府好古之則虔恭禮祀不愆其德惟前
廢弛匪恭匪力災眚以興陰陽以忒陟彼高岡臻茲廟側
肅肅其敬靈祇降福雍雍其和民用悅服穰穰其慶年穀
豐植望君輿駕扶老攜集慕君塵軌奔走忘食懷君惠貺
思君罔極于胥樂兮傳於萬億

漢成陽靈臺碑

惟帝堯母昔者慶都兆含穹精氏姓曰伊體蘭石之操履
規矩之度則乾以之象通三光之曜游觀河濱感赤龍交
如生堯厥後堯求祖統慶都告以河龍堯歷三河有龍授
圖躬行聖政以育苗萌火陽之盛先闇後明遂以侯伯遂
踐帝宮慶都僊歿蓋葬于茲欲人莫知名曰靈臺上立黃
屋堯所奉祠下營以水神龍所熹靈龜隱刑汾涌波流比
目鯀魚懼鱗通泉元礫菟蘆生莖臺涯貫長歷久崇如口

靈臺也古字通

得聖不可刊

曰三代改易荒廢不修五運精還漢受濡期興威繼絕如
堯爲之承祠基年鯀魚復生故有靈臺嗇夫魚陟衛仕驛
憲鮪魚服之莛壽□□之際道小衰沮遂遭亡新禮祠絕
矣於是故廷尉仲定深惟大漢隆盛德被四表大平未至
靈瑞未下四夷數侵軍甲數擾匪皇啟居日禋不夏案經
考典河洛祕奧漢感赤龍堯之苗胄當修堯祠追遠復舊
復治黃屋推原聖意災生變見天以譴告前後奏上陳敘
大義招祥塞咎爲漢來祚朝廷克省帝納其謀歲以春秋
奉大牢祠時廷尉選位連自表奏詔莢嘉命遂見聽□□
爲大中大夫歸治黃壑令月吉日圖立規塋興業會工廠
處夷平上合天意下應□□□□飭五色華精上闕通
天戶嚮少陽前設大壑俟神之堂地致石墀其下清涼可
舞八口以□大章時濟陰太守魏郡審晃成陽令博陵管

遵各遣大掾輔助仲君經之營之不日成之神靈精氣依
怙於人廢之則亡存之則神復帥羣宗貧富相均共慕市
碑著立功訓□勒石銘中門之表卜擇元日齊革精誠先
薦毛血謹慎犧牲祈祠獲福神享其靈甘雨時降百穀孰
成幽荒率服徐方來庭萬國蒙祉黎元賴榮莫不被德咸
歌頌聲其辭曰

於赫慶都德壘大兮承神精耀統赤裔兮爰生聖堯名蓋
世兮上受苻命迹帝制兮廣被之恩流荒外兮歷紀盈千
垂遺愛兮陵廟復崇享大祭兮上來多怙降福沛兮萬國
禧寧孰不賴兮光宣美勛永□幣兮垂視罔極億萬歲兮
濟陰太守魏郡陰安審君諱晃字元讓從公車令來成陽
令博陵蠡吾管君諱遵字君臺從東明門司馬來丞潁川
新汲尹茂字伯舉遷下邳尉尉潁川襄城楊調字君舉仲

新伯海從右中郎將遷鉅鹿太守仲球伯儀從太尉掾遷
呂長仲選孟高辟司徒府遷徙不絕皆興治大聖黃屋之
力

蔡伯喈陳留索昏庫土里社碑

佳在無飾辭

左傳盟於清邱
社即里社也漢
高祖初起禱於
於榆社

社祀之建尚矣昔在聖帝有五行之官而共工子勾龍爲
后土及其末也遂爲社祀故曰社者土地之主也周禮建
爲社位左宗廟右社稷戎醜攸行於是受賑土膏恒動于
是祈農又頒之于兆民春秋之中命之供祠故自有國至
于黎庶莫不祀焉惟斯庫里古陽武之戶牖鄉也春秋時
有子華爲秦相漢興陳平由此社宰遂佐高帝克定天下
爲右丞相封曲逆侯永平之世虞延爲太尉司空封公至
嘉平延弟曾孫放字子卿爲尙書令外戚梁冀乘寵作亂

文氣謹嚴金石
辭嘗以中郎爲
至矣

首策誅之王室以績封召都亭侯太僕太常司空毗天子
而維四方克措其功往烈有常于是司監爰暨邦人僉以
爲宰相繼踵咸出斯里秦一漢三而虞氏世焉雖有積善
之慶修身之致亦斯社之所相也乃相與樹碑作頌以示
後昆云

唯王建祀明事百神乃顧斯社于我兆民明德惟馨其慶
聿彰自嬴及漢四輔代昌爰我虞宗乃世重光元勳旣立
錫茲土疆乃公乃侯帝載用康神人協祚且巨且長凡我
里人盡受嘉祥刊銘金石永世不忘

王仲宣荊州文學記

有漢荊州牧劉君稽古若時將紹厥績乃曰先王之爲世
也則象天地軌儀憲極設教導化敘經志業用建雍泮焉
立師保焉作爲禮樂以作其性表陳載籍以持其德上知

簡質醇茂風
骨道上

所以臨下下知所以事上官不失守民聽無悖然後大階
平焉夫文學也者人倫之守大教之本也乃命五業從事
宋衷所作文學延朋徒焉宣德音以贊之降嘉禮以勸之
五載之間道化大行者德故老綦母闔等負書荷器自遠
而至者三百有餘人於是童幼猛進武人革面總角佩觿
委介免胄比肩繼踵川遊泉涌壘壘如也兢兢如也遂訓
六經講禮物諧八音協律呂修紀歷理刑法六路咸秩百
氏備矣

天降純嘏有所底授臻於我君受命既茂南牧是建荆衡
作守時邁淳德宣其丕繇厥繇伊何四國交阻乃赫斯威
爰整其旅虔夷不若屢戡寇侮誕啟洪軌敦崇聖緒典墳
既章禮樂咸舉濟濟縉紳盛茲階宇祁祁髦俊亦集爰處
和化普暢休徵時敘品物宣育百穀繁蕪勲格皇穹聲被

四字

聞人牟準魏敬侯碑陰文

敬侯所葬之先域城惟解梁地即郟首山對靈足谷當猗
口勢高而趣幽形垣而背阜鑿室而可以蔽藏不墳而所
冀速朽珍琦素白而靡尚衣服隨時而則有故吏述德於
隧前門生紀言於碑後曰季居亭而已治詹嘉在主而可
友處高攄之厚地將秭億而永久所著述注解故訓及文
筆等甚多皆已失墜所注孝經固而倉頡冢碑大篆書在
左馮翊利陽亭南道旁及華山下亭碑增算狀殷叔時碑
魏大饗碑羣臣上尊號奏及受禪石表文並在許繁昌尊
號奏鍾元常書受禪表顛並金針八分書也太祖文帝等
臨詔令雜駁議上封事一百餘條誠子等散在人間及碑
石可見樹碑人郡國縣道姓名具如于後

晉造戾陵遏記

此文第誌造遏始末不當入選

魏使持節都督河北道諸軍事征北將軍建城鄉侯沛國劉靖字文恭登梁山以觀源流相潔水以度形勢嘉武安之通渠羨秦氏之殷富乃使帳下督丁鴻軍士千人以嘉平二年立遏於水導高梁河造戾陵遏開車箱渠其遏表云高梁河者出自并州潞河之別源也長岸峻固直截中流積石籠以爲主遏高一丈東西長三十十當丈南北廣七十餘步依北岸立水門門廣四丈立水十丈山水暴發則乘遏東下平流守常則自門北入灌田歲二千頃凡所封地百餘萬畝至景元三年辛酉詔書以民食轉廣陸廢不贍遣謁者樊晨更制水門限田千頃刻地四千三百一十六頃出給郡縣改定田五千九百三十頃水流乘車箱渠自薊西北逕昌平東盡漁陽潞縣凡所潤含四五百里所灌田萬有餘頃高下孔齊原隰底平疏之斯漑決之斯散導渠口以爲濤門灑滌池以爲甘澤施加于當時敷被于後世晉元康四年君少子驍騎將軍平鄉侯宏受命使持節監幽州諸軍事領護烏丸校尉寧朔將軍遏立積三十六載至五年夏六月洪水暴出毀損四分之三剩北岸七十餘丈上渠車箱所在漫溢追惟前立遏之勲親臨山川指授規略命司馬關內侯逢暉內外將士二千人起長岸立石渠修主遏治水門門廣四丈立水五尺興復載利通塞之宜準遵舊制凡用功四萬有餘焉諸部王侯不召而自至繼負而趨事者蓋數千人詩載經始勿亟易稱民忘其勞斯之謂乎于是二府文武之士感秦國思鄭渠之績魏人置豹祀之義乃遐慕仁政追述成功元康五年十月十一日刊石立表以紀勲烈并記遏制度永爲後式焉

孫月峰曰排偶之文
作到工細亦時佛教
盛行簡棲當亦饜
飲禪籍註饒彼家
言於寺碑可謂當行
第文氣終弱且論亦
未暢元美極口贊許
曰固若貫珠爛如
披錦又曰在我法中
固為翹楚於彼教
中亦入三昧數四沈玩
未敢雷同

王簡棲頭陀寺碑

部曰精熟內典方得下筆可見文選體無不備

蓋聞挹朝夕之池者無以測其淺深仰蒼蒼之色者不足
知其遠近况視聽之外若存若亡心行之表不生不滅者
哉是以掩室摩竭用啟息言之津杜口毗邪以通得意之
路然語彞倫者必求宗於九疇談陰陽者亦研幾於六位
是故三才既辨識妙物之功萬象已陳悟太極之致言之
不可以已其在茲乎然爰繫所筌窮於此域則稱謂所絕
形乎彼岸矣彼岸者引之於有則高謝四流推之於無則
俯宏六度名言不得其性相隨迎不見其終始不可以學
地知不可以意生及其涅盤之蘊也夫幽谷無私有至斯
響洪鐘虛受無來不應况法身圓對規矩冥立一音稱物
官商潛運是以如來利見迦維託生王室憑五行之軌拯
溺逝川開八正之門大庇交喪於是元關幽鍵感而遂通

遙源濬波酌而不竭行不捨之檀而施洽羣有唱無緣之
慈而澤周萬物演勿照之明而鑒窮沙界導亡機之權而
功濟塵劫時義遠矣能事畢矣然後拂衣雙樹脫屣金沙
惟恍惟惚不曠不昧莫繫於去來復歸於無物因斯而談
則棲遑大千無爲之寂不撓焚燎堅林不盡之靈無歇大
矣哉正法既沒象教陵夷穿鑿異端者以違方爲得一順
非辯僞者比微言於目論於是馬鳴幽讚龍樹虛求並振
頽綱俱維絕紐蔭法雲於真際則火宅晨涼曜慧日於康
衢則重昏夜曉故能使三十七品有樽俎之師九十六種
無藩籬之固既而方廣東被教肄南移周魯二莊親昭夜
景之鑒漢晉兩明並勒丹青之飾然後遺文間出列刹相
望澄什結轍於山西林遠肩隨乎江左矣頭陀寺者沙門
釋慧宗之所立也南則大川浩汗雲霞之所沃蕩北則層

馬二一三
峰削成日月之所迴薄西眺城邑百雉紆餘東望平臯千里超忽信楚都之勝地也宗法師行潔珪璧擁錫來游以爲宅生者緣業空則緣廢存軀者惑理勝則惑亡遂欲捨百齡於中身殉肌膚於猛鷲班荆蔭松者久之宋大明五年始立方丈茅茨以庇經象後軍長史江夏內史會稽孔府君諱覬爲之薙草開林治經行之室安西將軍郢州刺史江安伯濟陽蔡使君諱興宗復爲崇基表剎立禪誦之堂焉以法師景行大迦葉故以頭陀爲稱首後有僧勤法師貞節苦心求仁養志纂修堂宇未就而沒高軌難追藏舟易遠僧徒聞其無人榱椽毀而莫構可爲長太息矣惟齊繼五帝洪名紐三王絕業祖武宗文之德昭升嚴配格天光表之功宏啟興復是以惟新舊物康濟多難步中雅頌驟合韶濩炎區九譯沙塲一候粵在於建武焉乃詔西

中郎將郢州刺史江夏王觀政藩維樹風江漢擇方城之令典酌龜蒙之故實政肅刑清於是乎在寧遠將軍長史江夏內史行事彭城劉府君諱誼智刃所遊日新月故道勝之韻虛往實歸以此寺業廢於已安功墜於幾立慨深覆簣悲同棄井因百姓之有餘聞天下之無事庀徒揆日各有司存於是民以悅來工以心競巨邱被陵因高就遠層軒延袤上出雲霓飛閣透迤下臨無地夕露爲珠網朝霞爲丹雘九衢之草千計四照之花萬品崖谷共清風泉相渙金姿實相永藉閒安息心了義終焉游集法師釋曇珍業行淳修理懷淵遠今屈知寺任永奉神居夫民勞事功旣鏤文於鐘鼎言時稱伐亦樹碑於宗廟世彌積而功宣身愈遠而名劭敢寓言於彫篆庶髣髴乎衆妙辭曰質判元黃氣分清濁涉器千名含靈萬族淳源上派澆風

下贖愛流成海情塵為岳皇矣能仁撫期命世乃睠中土
 聿來迦衛奄有大千遂荒三界殷鑒四門幽求六歲亦既
 成德妙盡無為帝獻方石天開淶池祥河輟水寶樹低枝
 通莊九折安步三危川靜波澄龍翔雲起耆山廣運給園
 多士金粟來儀文殊戾止應乾動寂順民終始法本不然
 今則無滅象正雖闢希夷未缺於昭有齊式揚洪烈釋網
 更維元津重柅惟此各區禪慧攸託倚據崇巖臨睨通壑
 溝池湘漢堆阜衡霍膺膺亭臯幽幽林薄媚茲邦后法流
 是挹氣茂三明情超六八眷懷靈宇載懷興葺丹刻翬飛
 輪奐離立象設既闢眸容已安桂深冬燠松疎夏寒神足
 游息靈心往還勝幡西振貞石南刊

沈休文桐柏山金庭館碑銘

夫生靈為貴有識斯同道天云及終天莫反故仙學之秘

僧肇曰天眼宿命
 洞盡為三明

上聖攸尊啟玉笈之幽文貽金壇之妙訣駐景濛谷還光
 上枝吐吸烟霞變煉丹液出沒無方升降自已下棲洞室
 上賓羣帝覩靈岳之驟啟見滄波之屢竭望元洲而駿驅
 指蓬山而永鶩芝蓋三重駕螭龍之蜿蜒雲車萬乘載旗
 赫之逶迤此蓋棲靈五嶽未暨夫三清者也若夫上元奧
 遠言象斯絕金簡玉字之書元霜絳雪之寶俗士所不能
 窺學徒不敢輕慕且禁示嚴重志業艱劬自非天稟上才
 未易可擬自惟凡劣識鑿鮮方徒抱出俗之願而無致遠
 之力卑尚幽棲屏棄情累留愛巖壑託分魚鳥塗愈遠而
 靡倦年既老而不衰高宗明皇帝以上聖之德結宗元之
 念忘其菲薄曲賜提引來自夏汭固乞還山權憩汝南縣
 境固非息心之地聖主纘歷復蒙繫維永泰元年方遂初
 願遂遠出天台定居茲嶺所憩之山實惟桐柏實靈聖之

下都五縣之餘地仰出星河上參倒景高崖萬沓遂澗千
迴因高建壇憑巖考室飾降神之宇置朝禮之地桐柏所
在厥號金庭事曷靈圖因以名館聖上曲降幽情留信彌
密置道士十人用祈嘉祉越以不才首膺斯任永棄人羣
竄景窮麓結懇志於元都望霜谷於雲路仰宣國靈介茲
景福延吉祥於清廟納萬壽於神躬又願道無不懷澤無
不至幽荒屈膝戎貊稽顙息鼓輟烽守在海外因此自勉
兼遂微誠日久勤劬自強不已翹心屬念晚臥晨興餐正
陽於亭午念孔神於中夜將三芝而延佇飛九丹而宴息
乘鳧輕舉留鳥忘歸以茲丹穀表之元極無日在上日鑒
非遠銘石靈館以旌厥心其辭曰

道無不在若存若亡於惟上學理妙羣方用之日損言則
非常儵焉靈化羽衣霓裳九重曉吼主山璀璨日爲車馬
芝成宮觀虹旌拂月龍輶漸漢萬春方華千齡始旦伊余
菲薄竊慕隱淪尋師講道結友問津東採震澤西游漢濱
依稀靈眷髣髴幽人帝明紹歷惟皇纂位屬心鼎湖脫屣
神器降命凡底仰祈靈秘瞻彼高山興言覆篲啟基桐柏
厥號金庭喬峰迴峭擘漢分星臨雲置墀駕岳開櫺澗塗
蹇產林麓蔥青誰謂應遠神道微密慶集宮闈祥流罕畢
其久如地其恒如日壽同南山與天無則更生變戀外示
無功少君飛轉密與神通因資假力輕舉騰空庶憑嘉誘
永濟微躬

梁簡文帝招真館碑

夫東瀛淶水三變成田西嶽靈桃千年未子尙以星起牽
牛部首迢遞律生甲子氣數杳冥况復上游玉清損之又
損高排金闕元之又元豈言象之能詮非時節之所辨海

語特壯麗之為多
虞生色

虞縣者則虞農都尉太康置其宰境有虞山越絕書云巫咸之所出也高巖鬱起帶青雲而作峰瀑水懸流雜天河而俱灑雖日門採藥之地楚望懷椒之歌湯反流沙之魂錦飾汾陰之鼎無以喻焉其峰則有石城石門虛峴自然不度句吳之馬神功挺起豈似岡陵之畫魏后冰城夜陣權息長安慈石浴鐵暫流較跡比期優劣斯遠道士沛郡張君諱道裕字宏真卽漢朝天師陵十二代孫天監二年來至此岫棲遁十有餘載夜忽夢見聖祖云峰下之地面勢閒寂宜立館宇可以卜居裕師潘洪隱始寧四明山無何有人耳長髮短云從虞山招真治來言訖忽然不見潘馳信報君君因辭山舊居而以夢中所指峰下之地卽以爲治故號招真高堂迴立有類玉臺之山長廊宛轉還如步廊之岫柱削芳桂豈俟開陽木飛材選海檀無勞豫章

神拔黃庭司命之府有類玲瓏米陵赤石之觀同符宏敞遠望仲雍而高墳蕭瑟旁臨齊女則衰壠蒼茫蘚尋千仞之木氣叶星晷華飛五香之草形圖宮室帷葉綵花卷舒蹊逕陽桃侯棗榮落巖崖樹息金烏簷依銀鳥鳳將九子應吹能歌鶴生七歲逐節成舞旭日晨臨同迎若華之色夕陽斜影俱成拂鏡之暉玉礎微潤應山雲於高牖鳴籟徐響引和風於空谷方當專氣致柔入無爲之境周行不殆窮混成之致茅子算歸輟轡無已魏姬宴罷留駕不還何止持節變淮南之金傳符蒔北鐘之稻明月蛟龍之騎驅之使鬪四銖七子之鏡引以成刀散季齋之羽起雄鳴之霧而已哉乃爲銘曰

玉龜二始金書八會道淡地心功浮天外故帝可小唯真能大德起同塵善生塞兌物寶自然人符交泰掩映綠蘿

穹隆紫蓋仙治之美。此焉爲最。雄柱千步。陽臺百丈。水均下。矚山踰高掌。野寂雲興。禽繁山響。升虹莫棲。豐雷朝上。元陽作石。竹龍成杖。書藏玉匣。藥蘊銀筒。燒鉛雜鯉。折桂和葱。羽衣可服。雲輶易通。斧柯雖朽。碑石無窮。

梁簡文帝吳郡石像碑

蓋聞軒后之圖。載浮河洛。秦王之璧。更涌滄溟。昭覃之洲。乘清源而西泛。蓬萊之岫。口口流而南徙。况夫道由慈善。應起靈覺。是以無方之迹。隨機示現。無緣之力。因物成感。晉建興元年癸酉之歲。吳郡婁縣界淞江之下。號曰滬瀆。此處有居人以漁爲業。掛此簷綸。無甄小鮒。布斯九罟。常待六鼇。遙望海中。若二人象朝視。沈浮疑諸蜃氣。夕復顯晦。乍若潛火。于是謂爲海神。卽與巫祝同往。祈候七盤圓鼓。先奏盛唐之歌。百味椒漿。屢上東皇之曲。遂乃風波駭

吐光景。晦明咸起。渡河之悲。竊有覆舟之懼。相顧失色。于斯而返。又有受持黃老。好尙神仙。職在三洞。身帶八景。更竭丹欸。復共奉迎。尊像沈軀。沒而不見。經歷旬日。遐邇普聞。吳縣華里朱膺清信士也。獨謂大慈將宏化迹。乃沐浴清齋。要請同志。與東靈寺帛尼及胡伎數十人乘船。至滬瀆口。頂禮歸依。歌唄贊德。于時微風送棹。淑景浮波。雲舒蓋而未移。浪開花而不噴。雖舟子招招。弗能遠驚。而靈相峩峩。漸來就浦。仰觀神像。嶷然雙泛。非因鷁首。詎假龍橋。豈藉銀連。寧須玉軸。背各有題。一名維衛。一名迦葉。于是時衆踊躍。得未曾有。復懼金仙之姿。非凡所徙。試就提捧。豁爾勝舟。指燕宮而西歸。望葑門而一息。道俗側塞。人祇協慶。膺家住近。通元寺。迺孫權爲乳母陳氏之所立也。亦一邦之勝地。胥山之神塔。乃遷像于此。寺武夫數百。

咸不能勝其怪曰朱膺帛尼二人之力而能捧持不覺爲
異今人工甚盛確乎不移此必精誠弗能致也乃復竭心
同時稽顙然後乃動至自舟中故知據井夜飛實無以異
石不能重有覺憑焉後有外國沙門釋法開來稱彼國衆
聖所記云東方有二石像及阿育王塔若能恭往禮覲滅
無量罪免離三塗禮已而去中大通四年歲在壬子臨口
汝靈侯奉勅更造銅光二枚其一高九尺其一高八尺五
寸銅邁丹陽耻論劉向之術區選攻金無俟嵇康之鍛旣
鐫旣鍤是磨是銑曄如光定湛似日輪亦當遠照三千普
瞻色像遙觀十方俱聞說法豈止惜命小鳥欣入影中重
罪衆生還逢愛日而已哉吳郡僧正慧法師深修五定淨
持七支于三寶中盡力宏護立摩尼之勝殿製飛行之寶
塔至于莊嚴妙色實有厥徵夫魯聖云亡尙追儀于有若

楚臣殞世亦託似于優孟放勲之后更圖長樂之畫文命
之君不口稽命之禩或傳諸往牘或布在前司或贊述盈
耳或壽宮虛置况遠追應身近規靈迹不銘不勒何以稱
揚乃爲銘曰

巍巍天象堂堂最勝慧日獨圓無生永證愍此魚鈞傷茲
螺孕乍動慈舟時延寶乘留住待緣獨有傳應傳應伊何
寶茲靈像履冰晨遊凌濤夜上七衆有憑九垓咸仰照此
真容開斯俗網千輪足起萬字習書身橫五分衣刻三銖
嗟爾末俗心王所驅顙浮水沫命役馳駒宜宏希嚮必盡
勤劬覩相塵滅聞聲惑祛湛然神跡長處全吳

梁元帝荊州放生亭碑

魚從流水本在桃花之源龍處大林恒捨浮雲之路豈謂
陵陽垂釣失雲失水莊子懸竿吞鈞吞餌雖復元龜夜夢

終見取於宋王。朱鷺晨飛。尚張羅於漢后。譬如黃雀伺蟬。不知隨彈。應至青鷁。逐兔詎識。杠鼎方前。北海之餐。鸚鵡未始非人。西王之使。傳信誰云。賤鳥故知魚鳥。一觀俱在。好生欲使金牀之雁。更反衡陽之侶。雪山之鹿。不充食萍之宴。

梁元帝皇太子講學碑

皇太子游雷種德。重離作兩業冠。孟侯道高。上嗣宮牆。累仞高山。仰止承華之闈。更似通德之門。博望之園。反類華陰之市。家丞庶子。並入四科。洗馬後車。俱通六學。轉金路而下。辟雍睥玉裕。而經槐市。詳其懸鏡高堂。衢尊待酌。瞻後忽前。博文約禮。將東極長男之宮。不獨銘于銀榜。南皮太子之序。豈徒擅于金碑。

徐孝穆司空徐州刺史侯安都德政碑

巖巖天柱。大矣周山之峰。桓桓地軸。壯哉崑崙之阜。三光懸而不墜。九土鎮以無疆。承乾合德之君。則天體元之后。所以並咨四鎮。咸建五臣。業配蒼祇。功成寓縣。至於流名雅頌。著美風詩。年代悠然。寂寥無紀。其能繼茲歌詠者。司空侯使君乎。自文昭武穆。祚土開家。濮水盛其衣簪。滎波分其緒秩。仁義之道。夷門美於大梁。儒雅之風。司徒重于強漢。自通人許邵。託命于江湖。高士袁忠。寄身于交越。俱違建安之難。獨處衡山之陽。祖天資秀傑。世載雄豪。卓富擬于公侯。班佃必于旌鼓。父光祿大夫。邑里開通德之門。州鄉無抗禮之客。自茫茫禹迹。赫赫宗周。家滅驪戎。國亡夷羿。我高祖武皇帝。迎河圖于浪泊。括地象于炎州。南興涿鹿之師。北問共工之罪。天生宰輔。堯年致白虎之祥。神賜英年。殷帝感蒼龍之傑。公亦觀時。佇聖。嘯咤風雲。跪開

此教為王琳所獲

安都占周文育賂守者得上岸自海城世

陳文帝嗣位安都以定策功拜司空

安都驕恣不法卒始大殺而考穆頌美之如此固知金石多諛詞也

黃石之書高詠元池之野沈吟梁甫自比管仲之才惆悵
莘郊久負伊生之歎自羯虜侵華羣蠻縱軌後臯桂部之
地四戰五達之郊郡境賢豪將謀禦難長者僉論推公主
盟義士雄民星羅霧集公既膺五聘方啟六韜率是驍徒
仍開嶺嶠自大討瀟湘同茲樊鄴下軍違命上策不宣敗
我王師受拘劫盜大陳格於文祖咸秩具神率土依風羣
靈稟朔公亦忠為令德天纂之謀吳帳斯開衛風無擁雖
復季孫還魯隨武濟河國慶民歡相儔匪若即授使持節
開府儀同三司丹陽尹昔光武不尤於馮異穆公深禮於
孟明終報王官之師遂舉咸陽之地期乃聖主之宏畧而
各臣之遠圖者焉皇帝以陶唐啟國致玉版于河宗顓頊
承家佐金天于江水經綸草昧定鼎之業居多締構權輿
斷鼉之功相半固以英聲馳于海外信義感于寰中主器

攸歸當璧斯在公于是抗表長信清宮未央從億兆以同
心引公卿而定策馳輕軒於輪轆即於奉待駕於中都七廟之
基于焉永固萬邦之本由此克寧乃復進司空公南徐州
刺史于是鎮之以清靜安之以惠和望杏敦耕瞻蒲勸穡
室歌千耦家喜萬鍾陌上成陰桑中可詠春鷓始嘯必具
籠筐秋蟀載吟競鳴機杼或肅拜靈祀躬瞻舞雩去駕擁
於風塵還旌阻於飄沐京坻歲積非勞楚堰之泉倉廩年
豐無用秦渠之水雖復東過小縣夏雨逐其輕輪南渡滄
江秋濤弭其張蓋固不得同年而語矣若夫聽採民訟昏
曉必通召引軒櫺躬親辨決立授符於前案無留詣於後
曹接務高城之中非異甘棠之下欣欣美俗濟濟都塵以
賈琮郭賀之風行建武永平之化於是州民散騎常侍王
瑒等拜表宮闕請揚茲美化樹彼高碑民欲天從允彰絲

誥銘曰

鬱鬱三象茫茫九州綿天慘沴淡地虔劉赫矣高祖爰清
國讐元勳佐命力牧風后亦旣旋歸邦家有暉宮亭蠡浦
奮翅高飛電捲勅寇風行國威文身被髮作貢來綏我皇
纂武攀號東序謁渭同周迎門惟呂流矢爲暴攬搶斯舉
喋喋蒼黎危危刀俎自我徂征妖氛克平爰驅大彘實翦
長鯨北震巢浦南俘灌城青羌卷介赤狄迴兵蹈舞難踰
歌謠靡宣曰我黎庶俱祈上元山移兩越海變三田公爲
上相復倍斯年

徐孝穆晉陵太守王勵德政碑

若夫睢陵世傳已詳載德之華徐州先賢亦著清風之美
偉哉文獻光啟中興郭莖表其深源何籌慙其遠慶豈惟
桓氏之鳴玉張家之珥貂袁姓之朱衣揚宗之華轂又有

伏飛遮列班弓夾門濯龍俯望緹騎盈道奕世如此何其
盛哉君以藍田美玉大海明珠灼灼美其聲芳英英照其
符彩丰神雅淡識量寬和旣有崔琰之鬚眉非無鄭元之
腰帶爛爛如高巖下電騷騷若長松裏風勢利無擾于胸
襟行藏不槩于懷抱家門雍睦孝友爲風上友不諂下交
不瀆脫貂救厄情靡矜吝釋馬窮途唯濟危殆至于網羅
圖籍脂粉藝文學侶挹其精微詞宗稱其妙絕出爲仁武
將軍晉陵太守五雞三彘動息有方問羊知馬鉤鉅兼設
濟北移樹累政之所未治汝南爭水連年之所無斷一朝
明決曾不留滯四民商販咸用殷阜銘曰

康哉寶運美矣良臣渭自澧水源于洛濱公侯世及宰輔
相因曰我民秀山川降神風情穆穆孝友恂恂學則經笥
文爲世珍高風遠矣曠代難倫鼎鉉虛職台階未臻安知

霜霰遽天松椿碣石斯表民情既陳徒然下拜何報陽春

合河蕭氏
刻梓家譜

駢體文鈔卷二十三

駢體文鈔卷二十四

墓碑類

蔡伯喈胡公碑銘

表墓之文中郎為正宗凡可為規範者皆在所錄

後漢以來碑碣中
起而昭紀鴻懿匪蹤
葬鼎者中郎而外
罕見其人

公諱廣字伯始南郡華容人也其先自媯姓建國南土曰
胡子春秋書焉列于諸侯公其後也考以德行純懿官至
交趾都尉公寬裕仁愛覆載博大研道知幾窮理盡性凡
聖哲之遺教文武之未墜罔有不綜年二十七察孝廉除
郎中尚書侍郎左丞尚書僕射內正機衡允釐其職文敏
暢乎庶事密靜周乎樞機帝用嘉之遷濟陰太守公乃布
愷悌宣柔嘉通神化導靈和揚惠風以養真激清流以盪
邪取忠肅於不言消奸宄於爪牙是以君子勤禮小人知
恥鞠推恩於官曹刑戮廢於朝市餘貨委於路衢餘種棲
于畝畝遷汝南太守增修前業考績既明入作司農實掌

三篇之中此特古
懋叙次亦詳贍

金穀之淵藪和均關石王府以充遂作司徒昭敷五教進
作太尉宣暢渾元人倫輯睦日月重光遭國不造帝祚無
主援立孝桓以紹宗緒用首謀定策封安樂鄉侯戶邑之
數加于羣公入錄機事聽納總已致位就第復拜司空敷
士導川俾順其性功遂身退告疾固辭乃為特進爰以休
息又拜太常典司三禮敬恭禋祀神明嘉歆永世豐年聿
懷多福復拜太尉尋申前業又以特進逍遙致位又拜太
常遭疾不夷遜位歸爵遷於舊都徵拜太中大夫延和末
年聖主革正幸臣誅斃引公為尚書令以二千石居官委
以闡外之事釐改度量以新國家宏綱既整袞闕以補乃
拜太僕車正馬閑六駟習馴遷太常司徒成宗晏駕推建
聖嗣復封故邑與參機密寢疾告退復拜太傅錄尚書事
于時春秋高矣繼親在堂朝夕定省不違子道分無几杖

漢臣師讀克典以克諧
為由以孝至為由又不
裕茲為由詳王尚書列之
經義述聞

兩碑皆言其保身
則其微旨固自有
在

言不稱老居喪致哀率禮不越其接下答賓雖幼賤降等
禮從謙厚尊而彌恭勞思萬機身勤心苦雖老萊子嬰兒
其服方叔克壯其猷公旦納于台屋正考父俯而循禮曷
以尚茲夫蒸蒸至孝德本也體和履忠行極也博聞周覽
上通也勤勞王家茂功也用能十登三事篤受介祉亮皇
業於六王嘉丕績於九有窮生人之光寵享黃耆之遐紀
躋明德以保身與福祿乎終始年八十有二建寧五年春
壬戌薨于位天子悼痛贈策賜諡諡曰文恭如前傳之儀
而有加焉禮也故吏司徒許詡等相與欽慕崧高蒸民之
作取言時計功之則論集行跡銘諸琬琰其詞曰伊漢元
輔時惟文恭聰明叡哲思心瘁容畢力天機帝休其庸賦
政于外有邈其蹤進作卿士粵登上公百揆時序五典克
從萬邦黎獻其唯時雍勳烈既建爵土乃封七被三事再

作特進宏唯幼冲作傳以訓赫赫猗公邦家之鎮澤被華夏遺愛不渝日與月與齊光並運存榮亾顯沒而不泯蔡伯喈太傅文恭侯胡公碑

公諱廣字伯始交趾都尉之元子也公應天淑靈履性貞固九德咸修百行畢備遭家不造童而夙孤上奉繼親下慈弱弟崎嶇儉約之中以盡孝友之道及至入學從訓歷觀古今生而知之聞一觀十兼以周覽六經博總羣議旁貫憲法通識國典年二十七察孝廉除郎中尚書侍郎尚書左丞尚書僕射幹練機事綢繆樞極忠亮唯允簡于帝心智略周密冠于庶事遷濟陰太守其為政也寬裕足以容衆和柔足以安物剛毅足以威暴體仁足以勸俗故禁不用刑勸不用賞其下望之如日月從之如影響思不可忘度不可革遺愛結於人心超無窮而垂則徵拜大司農

此為濟陰故吏三碑故叙濟陰以績特詳

遂作司農遷太尉以援立之功封安樂鄉侯錄尚書事稱疾屢辭策賜就第復拜司空功成身退俾位特進又拜太尉復以特進致命休神又拜太尉遜位歸爵旋于舊土徵拜太中大夫尚書令太僕太常司徒永康之初以定策元功復拜前邑錄尚書事疾病就第又授太傅入參機衡五蹈九列七統三事諒闇之際三據冢宰和神人於宗伯理水土於下台訓五品於司徒耀三辰于上階光弼六世歷載三十自漢興以來鼎臣元輔耄耋老成勲被萬方與祿終始未有若公者焉春秋八十二建寧五年三月壬戌薨于位天子悼惜羣后傷懷詔五官中郎將任崇奉冊贈以太傅安樂鄉侯印綬拜室家子一人郎中賜東園祕器賜絲帛含斂之備中謁者董詡弔祠護喪錢布賻賜率禮有加賜諡曰文恭昭顯行迹四月丁酉葬于洛陽塋故吏濟

此亦紀實

陰池喜感公之義率慕黃鳥之哀推尋雅意彷徨舊土休
績丕烈宜宣于此乃樹石作頌用揚德音詞曰於皇上德
懿鑠孔純大孝昭備思順履信膺期命世保茲舊門淵泉
休茂彪炳其文爰贊天機翼翼唯恭夙夜出納紹跡虞龍
賦政于外神化元通普被汝南越用熙雍帝曰休哉命公
三事乃耀柔嘉式是百司股肱元首庶績咸治二氣燮雍
五徵來備勳格皇天澤洽后土封建南藩受茲介祐玉藻
在冕毳服艾輔輅車雕駟四牡修扈贊事上帝祇祀宗祖
陟降盈虧與時消息既明且哲保身遺財同軌日奭光充
區域生榮死哀流統罔極

蔡伯喈太傅胡公碑

維漢二十有一世建寧五年春三月既生魄八日壬戌太
傅安樂鄉侯胡公薨越若來四月辛酉葬我君文恭侯於

又一起法

是掾太原王允鴈門畢整屬扶風曾宙潁川殷歷等僉謂
公之德也柔而不犯威而不猛文而不華實而不樸靜而
不滯動而不躁總天地之中和覽生民之上操聰明膚敏
兼質先覺涉觀憲法契闕文學睹臯陶之闡闡探孔子之
房奧然而約之以禮守之以恭寬之以納衆汎愛多容其
誘人也恂恂焉怡怡焉能使蒙惑開析僞戾優順逸惰勤
信及其創基發跡機密聖朝其知其能夙夜惟寅以允帝
命是以頻繁機極三升而不出焉乃還譚其舊章彌綸古
訓貫萬品研精微用補前臣之所闕十年而無愆強記同
乎富平周慎逸於博士偶山甫乎喉舌匹虞龍而納言唯
帝命公以二郡其爲政也導人以德帥物以已敦以忠肅
勵以知恥人悅其化天樂其和士相勉於公朝民勸行於
私家徽纏縈而靡係鞭撲棄而無加洋洋乎若德宣治嚴

此為楊屬立碑故
特言其辟華得人言
各有當皆非妄談

以為威寬以為福而已哉五作卿士七蹈相位太僕司農
太傅司空各一司徒特進各二太常太尉各三光輔六世
歷載三十有餘其致治也通水泉於潤下蕃后土於稼穡
訓五品於羣黎參人物於區域耀三辰於渾元協太中於
皇極傳舊德於幼冲率且爽於舊職譬彼四時功成則退
在盈思冲升降以順建封域於南土踐殊號於特進榮祚
統業垂乎來允公自二郡及登相位難言楊國所辟用遂至大位
者故司徒中山祝括其餘登堂閣據賦政策勲樹功流化
者蓋不可勝載唯我末臣頑蔽無聞仰慕羣賢惡乎可及
自公寢疾至於薨斃參與嘗禱列位喪位雖庶物戮力不
愆于禮進睹墳塋几筵空設退顧堂廡音儀永闕感悼傷
懷心肝若割相與累次德行撰舉功勲刊之于碑用慰哀
思其詞曰煥文德伊朝后應期運作漢輔嘉中興膏民庶

澤洪淳亶攸序亘地區充天宇嶙高遠踵遐武揚景烈垂
不朽仰邃古耀昆後

蔡伯喈楊公碑

秉日言有三不惑
酒色財也可謂能
恪守四知之家法

公諱秉字叔節宏農華陰人其先蓋周武王之穆晉唐叔
之後也末葉以支子食邑于楊因氏焉周室既微裔胄無
緒暨漢興烈祖楊喜佐命征伐封赤泉侯嗣子業絃冕相
繼公之不考以忠蹇亮弼輔孝安登司徒太尉公承夙緒
世篤儒教以歐陽尚書京氏易誨授四方學者自遠而至
蓋踰三千初辟司空舉高第拜侍御史遷豫州兗州刺史
任城相徵入勸講拜太中大夫左中郎將尚書出補右扶
風留拜光祿大夫遭權嬖貴盛六年守靜外戚火燔乃遷
太僕太卿公事絀位浹辰之間俾位河南憤疾豪強見邁
姦黨用嬰疾廢起家復拜太常遂陟三司沙汰虛冗料簡

侯覽弟參為益州
刺史孫景負婁累
賊侯行乘奏提車
微參於道自殺遂
并素免覽官

貞實抽援表達與之同蘭芳任鼎重從駕南巡為朝碩德
然知權過於寵私富侔國大臣苛察望變復還條表以聞
啟導上怒其時所免州牧郡守五十餘人饗戾是黜英才
是列善否存章京夏清肅在位七載年七十有四延熹八
年五月丙戌薨朝廷惜焉寵賜有加公自奉嚴勅動遵禮
度量材授任當官而行不為義紕疾是苛政益固其守厨
無宿肉器不鏤雕夙喪嬪儷妾不嬖御可謂立身無過之
地正直清儉該備者矣昔仲尼嘗垂三戒而公免焉故能
匡朝盡直獻可去奸忠侔前後聲塞宇宙非黃中純白窮
達一致其惡能立功立事敷聞于下昭升于上若茲巍巍
者乎於是門人學徒相與刊石樹碑表勒鴻勳讚懿德傳
億年於戲公唯嶽靈天挺德翼至神氣網緝仁哲生應台
任作邦楨帝欽亮訪典刑道不惑迄有成光遐邇穆其清

蔡伯喈司空文烈侯楊公碑 即楊賜也

有高文典冊氣

靈帝受學於賜
破碑稱國師賜嘗
言奉任師傳不敢自
同凡臣括囊避咎
虹蜺之異引入金匱
門直對以舊恩免
罪

日漢有國師司空文烈侯楊公公唯司徒之孫太尉公之
允子皇祖考以懿德胥及肄勤式建休勳啟洪範公祇服
宏業克丕堂構小乃不敢不慎大亦不敢不戒用罔有擇
言失行在于其躬泊在辟舉先志載言罔不攸該乃自宰
臣以從王事立功不有用辭其祿逮作御史允執國憲納
于侍中在帝左右爰董武事王師孔閑羣公以舊德碩儒
道通術明宜建師保延入華光侍宴露寢敷典誥之精旨
達聖王之聰獻帝以機密齊栗常伯劇任鮮克知臧以釐
其采命公再作少府俾率其屬以熙庶績天地作險國家
丕承軍門祛禁式遏寇虐命公再作光祿勳總其熊羆之
士不貳心之臣保乂帝家巖巖大理惟制民命命公作廷
尉惟刑之恤旁施四方惟明折獄蔽罪于憲之中亦惟三

史不言為廷尉
太常

揚秉耿采於天
異骨鯁得焉惜
碑不及此

帝徒書空閱其事
日賜而上張有奏
及有侍儀道籍乃
或怪下詔封之

石策云華嶽
西徒

後漢書賜字伯猷
名字相應此作伯猷
非也蓋中郎集無善
奉故多誤字耳

禮六樂國之元幹命公作太常明德惟馨八音克諧神人
以和永世豐年溥天率土而眾莫外命公作司空公唯哉
之翊明其政時惟休哉惟天陰隲下民彝倫所由順序命
公作司徒而敬敷五教以親百姓父義母慈兄友弟恭子
孝時惟休哉昭教于辟雍命公作三老帝躬以祇敬遵有
虞于上庠范范大運垂光烈曜命公作太尉璇璣運周七
精循軌時惟休哉帝欲宣力于四方公則翼之辟道或違
公則弼之虔恭夙夜不敢荒寧用對揚天子丕顯休命天
子大簡其勲用授爵賜封侯于臨晉功成化洽景命有傾
帝乃震慟執書以泣命于左中郎將郭儀作策賜公驃騎
將軍臨晉侯印綬兼號特進諡以文烈寵命畢備而後卽
世肆其孤彪敢儀古式昭銘景烈銘曰
天鑿有漢誕生元輔世作三事勲在王府乃及伊公克光

為司徒
帝躬以
第免出
廷尉因
以封進
第後為
空其月

前矩悉心畢力允其祖武化洽羣心澤霑區宇帝曰文烈
朕嘉君功為邑河渭建茲土封申備九錫以祚其庸位此
特進於異羣公昔在申呂匡佐周宣崧高作頌大雅揚言
今我文烈帝載用熙參光日月比功四時身歿名存永世
慕思

蔡伯喈漢太尉楊公碑

賜於司空此碑乃太尉府官屬感如頌德
兩樹於太尉

公諱賜字伯猷宏農華陰人姬姓之國有楊侯者公其後
也其在漢室赤泉侯佐高丞相翼宣咸以盛德光于前朝
祖司徒考太尉繼蹟宰司咸有勳烈公承家崇軌受天醇
素欽承奉構閑于伐柯烈風維變不易其趣文藝典籍尋
道入奧操清行朗潛晦幽閒不答州郡之命辟大將軍府
不得已而應之遷陳倉令公乃因是行退居廬公車特徵
以病辭司空舉高第拜侍中越騎校尉帝篤先業將問故

青地見御坐則請割豔妻之愛青虹見殿庭則請徵鶴鳴之士斯皆賜立朝節概華、大者碑文並不著蓋依違時俗不敢盡其辭也

公并奏記梁冀志在王室深嫉官官彈劾權貴可謂正色立朝美著論絕交亦其例介之一端也

是以盡公料生平

訓公以羣公之舉進授尚書于禁中遷少府光祿勳敬揆百事莫不時序庶尹知恤閭闔推清列作司空地平天成陰陽不忒公遂身避託疾告退又以光祿大夫受命司徒敬敷五品宣洽人倫燮和化理股肱耳目之任靡不克明及至太尉四時順動三光耀潤羣生豐遂太和交薄三作六卿五蹈三階受爵開國應位特進非盛德休功假于天人孰能該備寵榮兼包令錫如公之至者乎公體資明哲長於知見凡所辟選升諸帝朝者莫非瑰才逸秀并參諸佐惟我下流二三小臣穢損清風愧于前人乃糾合同寮各述所審紀公勲績刊石立銘以慰永懷銘曰
天降純嘏篤生柔嘉俾允祖考光輔國家三業在服帝載用和粵暨我公尤執忠貞在棟伊隆于鼎斯寧德被宇宙華夏以清受茲介福履祚孔成爲邑河渭衮冕絨珽以佐

天子祇事三靈丕顯伊德萬邦作程爰銘爰贊式昭懿聲蔡伯喈朱公叔墳前石碑

維漢二十一世延熹六年粵四月丁巳忠文公益州太守

朱君名穆字公叔卒于京師其五月丙申葬于宛邑北萬

歲亭之陽舊兆域之南其孤野受顧命曰古者不崇墳不

封墓祭服雖三年無不於寢今則易之吾不取也爾其無

拘于俗無廢予誠野欽率遺意不敢有違封墳三板不起

棟宇乃作祠堂于邑中南陽舊里備器鑄鼎銘功載德懼

墳封彌久夷于平壤於是依德像緣雅則設茲方石鎮表

靈域用慰其孤罔極之懷乃申詞曰

歆惟忠文時惟朱父實天生德丕承洪緒彌綸典術允迪

聖矩好是貞厲疾彼強禦剛若仇柔亦不茹仍用明夷

邁難受侮帝曰休哉朕嘉乃功命汝納言允汝祖蹤父拜

太邱有道二碑中
郎之傑作也陳表
德行之厚躬寫
識量之高後其文
令人有千載之想
論者或疑其無過
人處是直以叙事
簡澹少之身豈
知言之選哉

所謂之魁仰，魁
長者宜在高位

稽首翼翼惟恭。篤棊不忘。夙夜在公。昊天不弔。降茲殘殃。
不遺一父。俾屏我皇。我皇悼心。錫詔孔傷。位以益州。贈之
服章。用刊彝器。宣昭遺光。子子孫孫。永載寶藏。

蔡伯喈陳太邱碑 文心雕龍論中郎之銘碑曰其叙事也該而要其微采也雅
而擇可謂知言之選

先生諱寔字仲弓潁川許昌人也含元精之和應期運之
數兼資九德總修百行於鄉黨則恂恂焉斌斌焉善誘善
導仁而愛人使夫少長咸安懷之其為道也用行舍藏進
退可度不微訐以干時不遷貳以臨下四為郡功曹五辟
豫州六辟三府再辟大將軍宰聞喜半歲太邱一年德務
中庸教敦不肅政以禮成化行有謚會遭黨事禁錮二十
年樂天知命澹然自逸交不諂上愛不黷下見幾而作不
俟終日及文書赦宥時年已七十遂隱邱山懸車告老四
門備禮閑心靜居大將軍何公司徒袁公前後招辟使人

曉諭云欲特表便可入踐常伯超補三事紆佩金紫光國
垂勲先生曰絕望已久飾巾待期而已皆遂不至宏農楊
公東海陳公每在衮職羣僚賀之皆舉手曰潁川陳君命
世絕倫大位未躋慚于文仲竊位之負故時人高其德重
于公相之位也年八十有三中平三年八月丙子遭疾而
終臨沒顧命畱葬所卒時服素棺槨財周櫬喪事唯約用
過乎儉羣公百僚莫不咨嗟巖藪知名失聲揮涕大將軍
弔祠錫以嘉謚曰徵士陳君稟嶽瀆之精苞靈曜之純天
不憖遺一老俾屏我王梁崩哲萎于時靡憲縉紳儒林論
德謀績謚曰文範先生傳曰郁郁乎文哉書曰洪範九疇
彝倫攸敘文為德表範為士則存誨沒號不亦宜乎三公
遣令史祭以中牢刺史敬弔太守南陽曹府君命官作誄
曰赫矣陳君命世是生含光醇德為士作程資始既正守

崇嶽即嵩嶽

林宗識深致遠雅俗無失蓋真高蹈明哲保身其於此文固無愧色亦非此文不足望也

後世碑覺蔚宗作傳涉無典則提要鈞元固非大手不能

文氣亦駘蕩

終有令奉禮終沒休矣清聲遣官屬掾吏前後赴會刊石作銘府丞與比縣會葬荀慈明韓元長等五百餘人總麻設位哀以送之遠近會葬千人以上河南尹种府君臨郡追歎功德述錄高行以為遠近鮮能及之重部大掾以成斯銘可謂存榮沒哀死而不朽者也乃作銘曰

峩峩崇嶽吐符降神於皇先生抱寶懷珍如何昊穹既喪斯文微言圯絕來者曷聞交交黃鳥爰集于棘命不可贖哀何有極

即口與有道碑文一樣手法筆氣只因功業未顯都為觀虛寫

蔡伯喈郭有道林宗碑 周武帝時除天下碑惟林宗碑留先生名泰字林宗太原界休人也其先出自有周王季之穆有虢叔者實有懿德文王咨焉建國命氏或謂之郭即其後也先生誕膺天衷聰獻明哲孝友温恭仁篤慈惠夫其器量宏深姿度廣大浩浩焉汪汪焉奧乎不可測已若

乃砥節勵行直道正辭貞固足以幹事隱括足以矯時遂

考覽六籍探綜圖緯周流華夏游集帝學收文武之將墜拯微言之未絕于時纓綬之徒紳佩之士望形表而景附聆嘉聲而響和者猶百川之歸巨海鱗介之宗龜龍也爾

乃潛隱衡門收朋勤誨童蒙賴焉用祛其蔽州郡聞德虛已備禮莫之能致羣公休之遂辟司徒掾又舉有道皆以疾辭將蹈洪崖之遐跡紹巢由之絕軌翔區外以舒翼超

天衢以高峙稟命不融享年四十有三以建寧二年正月乙亥卒凡我四方同好之人永懷哀悼靡所置念乃相與推先生之德以圖不朽之事僉以為先民既沒而德音猶

存者亦賴之于紀述也今其如何而闕斯禮于是建碑表墓昭銘景行俾芳烈奮乎百世令聞顯于無窮其詞曰於休先生明德通元純懿淑靈受之自天崇壯幽潛如山

范史校之傳敘事
詳而漏碑敘事略
而略可知中郎文之
高古簡遠矣

服闋後還郎中可
備考禮其為郎中
亦史不遺
史云三朝事伯不
載碑獨詳之

困於屢空已括版
塵筆魚之清節

如淵禮樂是悅詩書是敦匪惟撫華乃尋厥根宮牆重仞
允得其門懿乎其純確乎其操洋洋搢紳言觀其高棲遲
泌邱善誘能教赫赫三事幾行其招委辭名貢保此清妙
降年不永民斯悲悼爰勒茲銘摘其光耀嗟爾來世是則
是效 邵子相曰雅鍊之作從左國中來

蔡伯喈貞節先生范史雲碑

先生諱丹字史雲陳留外黃人陶唐氏之後也其在周室
有士會者為晉大夫以受范邑遂以為氏漢文景之際爰
自南陽來家于成安生惠延熹二年官至司農廷尉君則
其後也君受天正性志高行潔在乎幼弱固已藹然有烈
節矣時人未之或知胡廣表安皆由東道王允徐舉亦仕州郡進非其好也退不
可得乃託死遁去親戚莫知其謀遂隱竄山中涉五經覽
書傳尤篤易與尚書學立道通久而後歸遊集太學知人

審友苟非其類無所容納介操所在不顧貴賤其在鄉黨
也事長惟敬養稚惟愛言行舉動斯為楷式郡縣請召未
嘗屈節其有備禮招延虛已迓止亦為謀奏盡其忠直以
處士舉孝廉除郎中萊蕪長未出京師喪母行服故事服
闋後還郎中君遂不從州郡之政凡其事君過則弼之闕
則補之通清夷之路塞邪枉之門舉善不拘階次黜惡不
畏強禦其事繁多不可詳載雅性謙儉體勤能苦不樂假
借與從事荷負徒行人不堪勞君不勝其逸辟太尉府俄
而冠帶或以羣黨見嫉時政用受禁錮君罹其罪閉門靜
居九族中表莫見其面晚節禁寬困於屢空而性多檢括
不治產業以為一筮之術得因吉凶道治民情以受薄償
且無咎累乃嚮卦于梁宋之域好事者覺之應時輒去禁
既蠲除太尉張公司徒崔公前後四辟皆不就仕不為祿

與梁伯鸞同仲
殊風軌稍別

庚魚影近

滿末年十五胡根
年七歲伯鸞皆
為作碑形亭林
先生心為非利其
潤筆不取為此

故不牽於位謀不苟合故特立於時是則君之所以立節
明行亦其所以後時失途也年七十有四中平二年四月
卒太尉張公兗州劉君陳留太守淳于君外黃令劉君僉
有休命使諸儒叅按典禮作誄著諡曰貞節先生昭其功
行錄記所履謀於耆舊刊石樹銘光示來世銘曰
於顯貞節天授懿度誕茲明哲允迪德譽如淵之清如玉
之素潤之不濁涅之不汙用行思忠舍藏思固伯夷是師
史鮪是慕榮貧安賤不恡窮迂甘死善道遺名之故身沒
譽存休聲載路

蔡伯喈袁滿來墓碑

茂德休行曰袁滿來太尉公之孫司徒公之子逸才淑姿
實天所授聰遠通敏越齷在闕明習易學從誨如流百家
叔氏遇日能識事不再舉問一及三具始知終情性周備
夙有奇節孝智所生順而不驕篤友兄弟和而無忿氣決
泉達無所疑滯雖冠帶之中士校材考行無以加焉允公
族之殊異國家之輔佐眾偉其器士嘉其良雖則童稚令
聞芬芳降生不永年十有五四月壬寅遭疾而卒既苗而
不穗凋殞華英嗚呼悲夫乃假碑旌于墓表嗟其傷矣唯
以告哀

蔡伯喈胡夫人黃氏神誥

夫人江陵黃氏之季女字曰列羸其先出自伯翳別封于
黃以國氏焉高祖父汝南太守曾祖父延城大尹祖父番
禹令父以主簿嘗證太守事奉明君以立臣節漢南之士
以為美談初都尉君娶于故豫州刺史即黃君之姊生太
傅安樂侯廣及卷令康而卒繼室以夫人生童紀未齠而
天夫人懷聖善之姿韜慈母之仁撫育二孤導以義方思

震川文中亦時有
此氣境然每夫
辭費無此凝鍊夫
古人之所以不
在此也

遵奉遺意猶必諮
考羣儒說得鄭重
不苟
二如不肯引玉
尤不合特為陳留後

淵懿

齊先姑神罔時恫故能送用有成誕膺繁祉廣歷五卿七
公再封之祿康亦由孝廉宰牧二城九鼎之義夫人是享
爰暨稚孫更仕三宮或典百里或作虎臣銀艾貂蟬近侍
顯尊受茲介福于我夫人自郡尉任于京師及廣兄弟式
敘漢朝夫人居京師六十有餘載其乘輅執贄朝皇后探
柔桑于蠶宮手三盆于繭館者蓋三十年上有帝室寵光
之休下有堂宇斤斤之祚心耽其榮體安其遠圖長慮迥
用遺舊居欲留此焉康寧之時亟以為言太夫人年九十
一建寧二年薨于太傅府是月辛酉公之季子陳留太守
碩卒于洛陽左池里舍公銜哀悼祇慎其屬遵奉遺意不
敢失墜乃俾元孫顯咨度羣儒以考其衷僉曰昔帝舜沒
於蒼梧殯於虞郊二妃薨於江湘不即兆于九疑延陵季
子實惟吳人長子道終卜葬贏博夫遭時而制不遠遷徙

魂氣所之不繫邱壠帝舜以之神罔時怨季札以之仲尼
嘉焉鑒帝籍之高論綜精靈之幽情稽先人之遐迹順母
氏之所寧茲事體通而義同允不可替於是公乃為辭昭
告先考然後卜定宅兆龜筮悉從遂營窀穸之事舉封樹
之禮十月既望粵翌日巳酉葬我夫人黃氏及陳留太守
碩于此高原維陽東界關亭之阿天子使中常侍謁者李
納弔且送葬持賻錢二十萬布二百疋再以中牢祠羣后
畢會榮哀孔備于時濟陽故吏舊民中常侍勾陽于肅等
二十三人思應慕化推本議銘著斯碑石俾諸昆裔瞻仰
以知禮之用是為神誥乃申頌曰於穆夫人家邦之媛昔
在嬴代黃國氏建至于近祖亦降于漢天祚明德福祿流
衍既作母儀履信思順登壽耄耄用永蕃變子孫以仁追
稽先典厝茲洛濱齊蹟湘靈配名古人休矣耀光千億斯

年

蔡伯喈胡夫人靈表

夫人編縣舊族章氏之長女也字曰顯章令儀小心秉操
塞淵仁孝婉順率禮無遺體季蘭之姿蹈思齊之跡永初
二年年十有五爰初來嫁誕成家道仰奉慈姑竭歡致敬
俯誨膝下化導周悉至德修於幾微徽音暢於神明故能
參姪妣之功兼生人之榮朝春路寢贊桑蠶宮光寵有翬
祭服有琬前後奉斯禮者三十餘載夫人生五男長曰整
伯齊次日曰千億叔曰韡次曰寧穉威次日曰碩季曰伯仲各未
加冠遭厲氣同時夭折叔上郡孝廉季更歷州寧舉茂才
葉令京令爲議郎季以高第爲侍御史諫議大夫侍中虎
賁中郎將陳留太守皆早卽世夫人哀悼劬悴由是被疾
遭太夫人憂篤年七十七建寧三年薨夫人之存也契闊

中饋婉戀供養依生奉仁紹述雅意其閏月附于太夫人
窀穸于茲地魂而有靈欽明定省神心欣焉其實寧之元
女金盈追慕永思慤怛罔極遂及斯表鑄著堅珉頌曰悲
母氏之不永懷殷恤以摧傷惟子道之無窮惜聞誨之未
央庶黃耆以期頤胡委我以夙喪恒思心以激切亦割肝
以絕腸昔先聖之遺辭言仁者其壽長嗟母氏之憂患體
愷悌以慈良失延年之報祐獨何棄於穹蒼日月忽以將
暮抱長結以含愁尋修念之在昔原疾病之所由遭元子
之弱天心傷悴以自憂暨叔季之殞終哀情結以彌綢皇
姑沒而中感遂大漸兮速流疾燄燄而日邁氣微微以長
浮銷精魂以遐翔會不可乎援留爾乃順旨於冥冥繼存
意於不違爰祔靈於皇姑尙魂魄之有依潛幽室之黯漠
惜昭明之景輝一往超以未及傾祖邈其彌遲顧新廟以

累欷伏几筵而增悲嗟既逝之益遠眇悠悠而莫追
蔡伯喈議郎胡公夫人哀讚

議郎夫人趙氏字曰永姜允有令德秉心塞淵舒詳閒雅
儀節孔備女師四典窈窕德象罔不習熟以供婦道議郎
早世檢誨幼孤義方以導其性中禁以閑其情孤顯儉節
以免咎悔少辟侍中襲先公之爵以議郎出爲濟陰太守
是時夫人寢疾未薨而國家方有滎陽寇賊震驚帝師簡
選州辟授任進衛不得辭王命親醫藥夫人乃自矜精稟
氣力俛起若愈以勸遣顯到官月餘所疾暴盛春秋五十
八中平四年薨于京師顯有剖符之寄偏於國典疾篤不
得顧親增感氣絕不能自宥慎終之事闕焉永廢雖不毀
以隨沒亦困悴而傷懷知我如此不如勿生號咷告哀以
乞骸骨踰年然後獲聽追惟考君存時之命迎棺舊土同
穴此城孤心摧割靡所底念仰瞻二親或有神誥靈表之
文敢曰亮聞敘我憂痛作哀讚書之于碑愍子小子夙罹
孔艱嚴考殞沒我在齟年母氏鞠育載矜載憐殷斯勤斯
慤愛備存匪惟驕之範我軌度教誨嚴肅昭示好惡俾我
克類畏威忌怒用免咎悔踐繼先祖卽爵其土二將是臨
與帝剖符守于濟陰夫人寢疾榮此寵休疾用歡痊翊日
斯瘳將征將邁從養陶邱景命徂逝不愍少留疾大漸以
危亟兮精微微而浸衰逼王職於憲典兮子孫忽以替違
目不臨此氣絕兮手不親夫含飯陳衣衾而不省兮合綆
棺而不見昔予考之卽世兮安宅兆于舊邦依存意以奉
亾兮遷靈柩而同來考妣痛以燥兮離乖神柩集而移兮
增哀黃壚密而無間兮出入聞其無門鼻柩在茲兮不知
魂景之所存悼孤衷之不遂兮思情僚以傷肝幽情淪於

后坤兮精哀達乎昊乾

王仲寶褚淵碑文

逐節敷敘中郎遺矩羌無鎔裁但苦詞費仲寶休文尚
疎雋可觀

夫太上有立德其次有立功此之謂不朽所以子產云
宣尼泣其遺愛隨武旣沒趙文懷其餘風於文簡公見之
矣公諱淵字彥回河南陽翟人也微子以至仁開基宋段
以功高命氏爰逮兩漢儒雅繼及魏晉以降奕世重暉乃
祖太傅元穆公德合當時行比州壤深識臧否不以毀譽
形言亮采王室每懷沖虛之道可謂婉而章志而晦者矣
自茲厥後無替前規建官惟賢軒冕相襲公稟川嶽之靈
暉含珪璋而挺曜和順內凝英華外發神茂初學業隆弱
冠是以仁經義緯敦睦於閨庭金聲玉振寥亮於區宇孝

敬淳深率由斯至盡歡朝夕人無間言逍遙乎文雅之圃
翱翔乎禮樂之場風儀與秋月齊明音徽與春雲等潤韻
宇宏深喜愠莫見其際心明通亮用言必由於已汪汪焉
洋洋焉可謂澄之不清撓之不濁袁陽源才氣高奇綜覈
精裁宋文帝端明臨朝鑒賞無昧袁旣延譽於遐邇文亦
定婚於皇家選尚餘姚公主拜駙馬都尉漢結叔高晉姻
武子方斯蔑如也釋褐著作佐郎轉太子舍人濯纓登朝
冠冕當世升降兩宮實維時寶具瞻之範旣著台衡之望
斯集出參太宰軍事入爲太子洗馬俄遷祕書丞贊道槐
庭司文天閣光昭諸侯風流藉甚以父憂去職喪過乎哀
幾持毀滅有識留感行路傷情服闋除中書侍郎王言如
絲其出如綸恪居官次智效惟穆于時新安王寵冠列蕃
越敷邦教毗佐之選妙盡國華出爲司徒右長史轉尚書

何曰晉書丹陽郡丹
楊下注云丹楊山多赤
柳在也。是楊之從
木審矣。惟唐以來
州丹陽乃作陽

吏部郎執銓以平。御煩以簡。裴楷清通。王戎簡要。復存於
茲。泰始之初。入為侍中。曾不移朔。遷吏部尚書。是時天步
初夷。王途尚阻。元戎啟行。衣冠未緝。內贊謀謨。外康流品。
制勝既遠。涇渭斯明。賞不失勞。舉無失德。績簡帝心。聲敷
物聽。事寧領太子右衛率。固讓不拜。尋領驍騎將軍。以帷
幄之功。膺庸祇之秩。封雩都縣開國伯。食邑五百戶。既秉
辭梁之分。又懷寢邱之志。所受田邑。不盈百井。久之。重為
侍中。領右衛將軍。盡規獻替。均山甫之庸。緝熙王旅。兼方
叔之望。丹陽京輔。遠近攸則。吳興衿帶。實惟股肱。頻作二
守。竝加蟬冕。政以禮成。民是以息。明皇不豫。儲后幼沖。貽
厥之寄。允屬時望。徵為吏部尚書。領衛尉。固讓不拜。改授
尚書右僕射。端流平衡。外寬內直。宏二八之高謨。宣由庚
而垂詠。太宗卽世。遺命以公為散騎常侍中書令。護軍將

軍。送往事居。忠貞允亮。秉國之均。四方是維。百官象物而
動。軍政不戒而備。公之登太階而尹天下。君子以為美談。
亦猶孟軻致欣於樂正。羊職悅賞於士伯者也。丁所生母
憂。謝職毀疾之重。因心則至。朝議以有為為之。魯侯垂式。
存公忘私。方進明準。爰降詔書。敦還攝任。固請移歲。表奏
相望。事不我與。屈已宏化。屬值三季。在辰。戚蕃內侮。桂陽
失圖。窺窬神器。鼓棹則滄海振蕩。建旗則日月蔽虧。出江
派而風翔。入京師而雷動。鳴控弦於宗稷。流鋒鏃於象魏。
雖英宰臨戎。元渠時殄。而餘黨實繁。宮廟憂逼。公乃總熊
羆之士。率不貳心之臣。戮力盡規。克寧禍亂。康國祚於綏
旒。振王維於已墜。誠由太祖之威風。抑亦仁公之翼佐。可
謂德刑詳禮。義信戰之器也。以靖難之功。進爵為侯。兼授
尚書令中軍將軍。給班劍二十人。功成弗有。固秉撝挹。改

君向之作中事何如
象死節此云光輔五
君黃亮二代無異長
樂老身事主自
以為榮近人受兩朝
領哀之朝恬不知耻
世孔賤鄙夫孟羞
弟皆以夫

邵子湘曰淵人品孝自
中下強欲稱義中
魯采方進稷契苗
裴表之擬未免幸合
法強顏靈士何
豈哉得人曰我作齊
書已竟其贊曰淵以
世秩倫亦國華不賴
男氏皇恤國家蓋
淵倫母皆宋公主故

授侍中中書監護軍如故又以居母艱去官雖事緣義感
而情均天屬顏丁之合禮二連之善喪亦曷以踰天厭宋
德水運告謝嗣主荒怠於天位彊臣憑陵於荆楚廢昏繼
統之功龕亂寧民之德公實仰贊宏規參聞神算雖無受
朕出車之庸亦有甘寢秉羽之績乃作司空山川攸序兼
授衛軍戎政輯睦既而齊德龍興順皇高禩深達先天之
運匡贊奉時之業弼諧允正徽猷宏遠樹之風聲著之話
言亦猶稷契之臣虞夏荀裴之奉魏晉自非坦懷至公永
監崇替孰能光輔五君黃亮二代者哉大啟南康爰登中
鉉時膺土宇固辭邦教今之尚書令古之家宰雖秩輕於
衮司而任隆於百辟躋遂冲旨改授朝端邇無異言遠無
異望帝嘉茂庸重申前冊執五禮以正民簡八刑而罕用
故能騁績康衢延慈哲后義在資敬情同布衣出陪鑾躅

入奉帷殿仰南風之高詠餐東野之祕寶雅議於聽政之
晨披文於宴私之夕參以酒德間以琴心暖有餘暉遙然
留想君垂冬日之溫臣盡秋霜之戒肅肅焉穆穆焉於是
見君親之同致知在三之如一太祖升遐綢繆遺寄以待
中司徒錄尚書事稟玉几之顧奉纒衣之禮擇皇齊之令
典致聲化於雍熙內平外成實昭舊職增給班劍三十人
物有其容徽章斯允位尊而禮卑居高而思降自夏徂秋
以疾陳退朝廷重違謙光之旨用申超世之尚改授司空
領驃騎大將軍侍中錄尚書如故景命不永大漸彌留建
元四年八月二十一日薨於私第春秋四十有八昔柳莊
疾棘衛君當祭而輟禮晏嬰既往齊君趨車而行哭公之
云亡聖朝震悼於上羣后恇慟於下豈惟哀纏一國痛深
一主而已哉追贈太宰侍中錄尚書如故給節羽葆鼓吹

此則伶為測作
碑宜其稱卷之也

班劍爲六十人諡曰文簡禮也夫乘德而處萬物不能害其貞虛已以遊當世不能擾其度均貴賤於條風忘榮辱於彼我然後可兼善天下聊以卒歲經始圖終式免祇悔誰云克備公實有焉是以義結君子惠霑庶類言象所未形述詠所不盡故吏某甲等感逝川之無捨哀清暉之眇默餐輿誦於邱里瞻雅詠於京國思衛鼎之垂文想晉鍾之遺則方高山而仰止刊元石以表德其辭曰

辰精感運昂靈發祥元首惟明股肱惟良天鑑濬耀踵武前王欽若元輔體微知章永言必孝因心則友仁洽兼濟愛深善誘觀海齊量登嶽均厚五臣茲六八元斯九內謨帷幄外曜台階遠無不肅邇無不懷如風之偃如樂之諧光我帝典緝彼民黎率禮蹈謙諒實身幹跡屈朱軒志隆衡館眇眇元宗萋萋辭幹義旣川流文亦霧散嵩構云頽梁陰載缺德猷靡嗣儀形長遞昭悵餘徽鑿洋遺烈久而彌新用而不竭

沈休文齊故安陸昭王碑文

公諱緬字景業南蘭陵人也稷契身佐唐虞有大功於天地商武姬文所以膺圖受籙蕭曹扶翼漢祖滅秦項以寧亂魏氏乘時於前皇齊握符於後靈源與積石爭流神基與極天比峻祖宣皇帝雄才盛烈名蓋當時考景皇帝含道居貞卷懷前代公含辰象之秀德體河岳之上靈氣蘊風雲身負日月立行可模置言成範英華外發清明內昭天經地義之德因心必盡簡久遠大之方率由斯至挹其源者游泳而莫測懷其道者日用而不知昭昭若三辰之麗於天滔滔猶四瀆之紀於地六幽允洽一德無爽萬物仰之而彌高千里不言而斯應若夫彈冠出仕之日登庸

洎事之年。軍麾命服之序。監督方部之數。斯固國史之所
詳。今可得而略也。水德方衰。天命未改。太祖龍躍俟時。作
鎮淮泗。如仁夕惕之志。中夜九迴。龕世拯亂之情。獨用懷
抱。深圖密慮。衆莫能窺。公陪奉朝夕。從容左右。蓋同王子
洛濱之歲。實惟辟疆內侍之年。起予聖懷。發言中旨。始以
文學遊梁。俄而入掌綸誥。蘭桂有芬。清暉自遠。帝出于震。
日衣青光。方軌茅社。俾侯安陸。受瑞析珪。遂荒雲野。式掌
儲命。帝難其人。公以宗室羽儀。允膺嘉選。協隆三善。仰敷
四德。博望之苑。載暉龍樓之門。以峻獻替帷扆。實掌喉唇。
奉待漏之書。銜如絲之旨。前暉後光。非止恒授。公以密戚
上賢。俄而奉職。出納惟允。劔璽增華。伊昔帝唐。九官咸事。
熊豹臨戴。納言是司。自此迄今。其任無爽。爰自近侍。式贊
權衡。而皇情眷眷。慮深求瘼。姑蘇奧壤。任切關河。都會殷

阜。提封百萬。全趙之衮服叢臺。方此爲劣。臨淄之揮汗成
雨。曾何足稱。乃鴻騫舊吳。作守東楚。宏義讓以勗君子。振
平惠以字小人。撫同上德。綏用中典。疑獄得情。而弗喜。宿
訟兩讓。而同歸。雖春申之大啟封疆。鄧攸之緝熙氓庶。不
能尚也。夏首藩要。任重推轂。衿帶中流。地殷江漢。南接衡
巫。風雲之路。千里西通。鄧水陸之塗。三七是惟。形勝閭
外。莫先建麾作牧。明德攸在。乃暴以秋陽。威以夏日。澤無
不漸。蟻蟻之穴。靡遺。明無不察。容光之微。必照。由近而被
遠。自己而及物。惠與八風俱翔。德與五才並運。遠無不懷。
邇無不肅。邑居不聞夜吠之犬。牧人不覩晨飲之羊。譽表
六條。功最萬里。還居近侍。兼饗戎秩。侯府寄隆。儲端任顯。
東西兩晉。茲選特難。羊琇願言。而匪獲。謝琰功高。而後至。
升降二宮。令績斯俟。禁旅尊嚴。主器彌固。禹穴神臯。地將

分陝江左以來常遞斯任東渚距海南望秦稽淵藪胥萃
菑蒲攸在貨殖之民千金比屋郛墉之內雲屋萬家刑政
繁舛舊難詳一南山羣盜未足云多渤海亂繩方斯易理
公下車敷化風動神行誠恕既孚鉤距靡用不待赭汙之
權而姦渠必翦無假里端之籍而惡子咸誅被以哀矜孚
以信順南陽葦杖未足比其仁潁川時雨無以豐其澤公
攬轡升車收州典郡感達民祇非待期月老安少懷塗歌
里詠莫不歡若親戚芬若椒蘭麾旆每反行悲道泣攀車
臥轍之戀爭塗忘遠去思一借之情愈久彌結方城漢池
南顧莫重北指崢嶸平塗不過七百西接嶢武關路會不
盈千蠻陬夷徼重山萬里小則俘民略畜大則攻城剽邑
晉宋迄今有切民患烽鼓相望歲時不息椎埋穿掘之黨
阡陌成羣傲法侮吏之人曾莫禁禦累藩咸受其弊歷政

所不能裁加以戎羯窺窬伺我邊隙北風未起馬首便以
南向塞草未衰嚴城於焉早閉永明八載疆場大駭天子
乃心北眷聽朝不怡揚旆漢南非公莫可於是驅馬原隰
卷甲遄征威令首塗仁風載路軌躅清晏車徒不擾牛酒
日至壺漿塞陌失義犬羊其來久矣徵賦嚴切惟利是求
首鼠疆界災蠹彌廣公扇以廉風孚以誠德盡任棠置水
之情宏郭伋待期之信金如粟而弗覩馬如羊而靡入雛
雉必懷豚魚不爽由是傾巢舉落望德如歸椎髻鬢首日
拜門闕卉服滿塗夷歌成韻禮義旣敷威刑具舉疆民獷
俗反志遷情風塵不起囹圄寂寞富商野次宿乘停菑蟻
蝗弗起豺虎遠跡北狄懼威關塞謐靜偵謀不敢東窺駝
馬不敢南牧方欲振策燕趙席卷秦代陪龍駕於伊洛侍
紫蓋於咸陽而遘疾彌留欬焉大漸耕夫釋耒桑婦下機

此等叙敘後人那
能彷彿

參請門衢。竝走羣望。維永明九年夏五月三十日辛酉。薨
春秋三十有七。城府颯然。庶僚如震。男女老幼。大臨街衢。
接響傳聲。不踰時而達於四境。夷羣戎落。幽遠必至。望城
拊膺。震動郛邑。竝求入奉靈櫬。藩司抑而弗許。雖鄧訓致
勞。面之哀。羊公深罷市之慕。對而爲言。遠有慙德。神駕東
還。號送踰境。奉觴奠以望靈。仰蒼天而自訴。震響成雷。盈
塗咽水。公臨危審正。載貽話言。楚囊之請。惟幾而彌。固衛
魚之心。身亡而意結。二宮軫慟。遐邇同哀。追贈侍中領衛
將軍。給鼓吹一部。諡曰昭侯。時皇上納麓在辰。登庸伊始。
允副朝端。兼掌屯衛。聞凶哀震。感絕移時。因邁沈疴。絲留
氣序。世祖日夜憂懷。備盡寬譬。勉膳禁哭。中使相望。上雖
外順皇旨。內殷私痛。獨居不御酒肉。坐臥涕泣。霑衣若此。
移年。癯瘠改貌。天倫之愛。振古莫儔。及俯膺天眷。入纂絕

業。分命懿親。台收竝建。對繁弱以流涕。望曲阜而含悲。改
贈司徒。因諡爲郡王。禮也。惟公少而英明。長而宏潤。風標
秀舉。清暉映世。學徧書部。特善元言。輦輓之麗。篆籀之則。
窮六藝於懷抱。究八體於豪端。奕思之微。秋儲無以競巧。
取睽之妙。流睩未足稱奇。至公以奉上。鳴謙以接下。撫僚
庶盡盛德之容。交士林忘公侯之貴。虛懷博納。幽關洞開。
宴語談笑。情瀾不竭。譽滿天下。德冠生民。蓋百代之儀表。
千年之領袖。曾不慙畱。梁摧奄及。豈惟僑終蹇謝。典謠輟
相而已哉。凡我僚舊。均哀其戚。怨天德之無厚。痛棠陰之
不畱。思所以克播遺塵。敝之穹壤。乃刊石圖嶽。寄情銘頌。
其辭曰

天命元鳥。降而生商。是開金運。祚始玉筐。三仁去國。五曜
入房。亦白其馬。俟服周王。本枝派別。因采命氏。涉徐而東。

義均梁徙。自茲以降。懷青拖紫。崇基巖巖。長瀾瀾瀾。惟聖造物。龍飛天步。載鼎載革。有除有布。高皇赫矣。仰膺乾顧。景皇蒸哉。實啟洪祚。喬嶽峻峙。命世興賢。應期誕德。絕後光前。幾以成務。覺在民先。位非大寶。爵乃上天。爰始濯纓。清猷濬發。升降文陛。逶迤魏闕。惠露霑吳。仁風扇越。涉夏踰漢。政成期日。用簡必從。月新為盛。在上哀矜。臨下莊敬。草木不天。昆蟲得性。我有芳蘭。民胥攸詠。羣夷蠢蠢。巖別嶂分。傾山盡落。其從如雲。挈妻荷子。負戴成羣。迴首請吏。曾何足云。昔聞天道。仁罔不遂。彼蒼如何。與山止黃。四牡方馳。六龍頓轡。斯民曷仰。邦國殄瘁。齊頌晏平。行哭致禮。趙祖昌國。列邦揮涕。況我君斯。皇之介弟。哀感徒庶。勳與雲陛。階毀雷攢。川汛歸軸。競羞野奠。爭攀去轂。遵清號追。臨波望哭。無絕終古。惟蘭與菊。塗由帝渚。朱軒靡駕。東首

瑩園卽宮長夜逝川無待黃金難化鐘石徒刊芳猷永謝
庾子山周太子太保步陸逞神道碑

子山諸篇密藻麗思無以復過而每以纖仄為累

周書本傳仍作陸逞

公諱逞字季明本姓陸吳郡人也君子至止既紹虞賓鳳凰于飛實興齊國南越使者解漢帝之衣西陵將軍覆吳王之蓋曾祖載為宋武帝司馬隨義真鎮關中赫連之亂仗劔魏室黃河參凌或亡追路烏江艤船更無歸迹今為河南洛陽人也高祖冠軍將軍營州刺史吳人有降附者悉領為別軍自是官師擁鐔更為吳越之兵君子習流別有樓船之陣父政驃騎大將軍儀同三司恒州刺史中都獻公太祖扶危濟傾經綸夷阻報君之耻遠襲平原以高平霸業所基委命留事關中餽食非直滎陽之師河內供軍豈但淇園之竹公秉照晉之靈降神明之德猛虎振櫓七年不

秦

揚稚子童鳥

馬

元通先帝功別愛茅土後

遷襲中郡伯

驚羝羊觸藩九齡能對諸兄以公先君愛子稱之曰仁推
 而襲封雖復季未大成矢心守節既遭燻穴翻從壓紐太
 祖初封函谷始合諸侯以公辭令參謀機密故得戎政克
 宣師言無漏賜姓步陸孤氏委鹿輅而論都入鴻門而舞
 劍方之吹律綽有餘榮出身羽林監輕車將軍除尚書右
 丞官聯會計務應平準水衡貫朽長平粟紅授使持節車
 騎大將軍儀同三司增邑千戶尋遷駕部中大夫領吏部
 中大夫歷蕃部御伯東野將軍儀同三司先加鄧騭之勲西晉官人
 多用山濤之啟豈若五王登朝必司賓主之禮六龍御轡
 取定鸞和之節御正以官觸父名史不載不拜會稽有王會之名
 其子手詩不為太守博陵有王沈之封其兒不為刺史遷驃騎
 大將軍開府入掌納言治司宗伯又為軍司馬職居常伯
 勤問於南宮位管王言連官於北斗豈止郊天祀地龍門

本傳云選美容止
 善辭令敏而有禮
 齊人稱焉

嶰谷之聲贊鼓頌旗白露涼風之月暗夜有人餽羅數十
 匹公閉門不受行人于觸具以聞奏朝野稱之太尉楊震
 直推故吏之金涼州張奐高揖羌人之馬清畏人知我無
 慙德齊國通和封人受使以公有出境之才見命張旌之
 禮既珠盤插血定楚國之連名七首登壇反齊人之侵地
 是謂使乎固稱光國三輔公侯五陵鐘鼎銅街柳市塵起
 風飛乃授京兆尹增邑通前一千六百戶餘官如故上林
 兵息蘭池盜靜不學王陽平生鑄金之術未同張敞終日
 章臺之遊家僮暮行還得遺錢於道并白繩十疋公訪得
 其主即以還之見金於路指以示人得錢於道持留掛樹
 方之今日異代同風俄遷司會治小司馬重總六軍再操
 八柄考績入於歲成論功書之年表尋授都督宜州諸軍
 事宜州刺史露冕觀風停車待雨百城解印憚朱穆之威

千里相迎愛王基之德曾未期月被勅追還眷眷吏民不
無河內之請依依故老實念黎陽之別少陽養德前星守
器尊師讓齒必俟賢能乃授太子太保方之劉實道高於
大邦譬以山濤榮深於小輦本有消渴之疾常餽金石自
理舊疾微增奄捐館舍茂陵之下不留封禪之書校尉之
營惟餘服食之器嗚呼哀哉春秋四十有七建德二年五
月十一日也天子以大臣之喪躬輟聽訟東朝以師傅之
尊親臨攢祭詔贈大將軍諡某公禮也婦國姓以今三年正月十
日葬於京兆之高陽原夫人郁婦國姓久閨西遇王姬愛敬肅恭
言容令淑有聞箴鹽無廢紘緼爰在盛年先從大夜今節
婦開墳松柏已拱季孫成寢邱陵始同况復圖畫賢妃方
在甘泉之室瘞埋才子卽用高陽之原公儀表外明風神
內照器量深沈階基不測事君惟忠事親惟孝言爲世範

行爲士則留連墳素怙悵文詞霜府錄於尙書天官總於
司會出入匡贊常帶數職身具六龜腰恒四綬陳平密謀
既非天子所見荀彧上策又非諸侯所聞其爲郡也惟取
赤土封書其爲州也惟以青鹽換粟留家則千樹無資遺
子則一經而已嫡子操至性過禮純孝不遺墳前之樹染
淚者先枯庭際之禽聞悲者則下銘曰

山連日觀水枕滇機富春沙起開陽柱飛大夫屈節將軍
振威南越受吏西陵解圍昔我烈祖垂翼秦中白馬無路
烏江不通笛吟鄉里琴哀土風營州恒州擁旄世載壯節
旃衿人雄關塞直河穿趙平雲臨代生謂立功沒爲留愛
降茲嶽瀆誕此貞明祥符雲氣慶合星精宮帷定策殿柱
書名忠泉暗漏孝笋寒生世屬殷周時逢楚漢天下三分
鴻溝一半以我明略來參匡贊日乃再中天成兩旦遞參

三事歷副六卿天師光宅地載謨明春官定禮夏官治兵
讖言默識温樹無名謙恭周密言行無乖忠公兕殪陰德
蛇埋軍國紛總部領填階馬不入廐金不入懷具瞻惟德
高山惟仰甲觀初登龍樓初上東國桓榮西京疎廣年齡
俄頃風電相摧銘旌兩沒池柳雙迴熒熒允子在疚銜哀
身彰野火心懼天雷日月其除榮終哀始馬歸司隸書還
太史歷對天星墳連地市山勢接飛松形蓋起德音無絕
平原忽矣

庾子山周大將軍司馬齋碑

公諱裔字遵允河內温人也昔顓頊之命始則南正司天
重黎之後又以羲和掌歷夏陽適晉得隨會而同奔東海
避秦與毛公而俱隱其後金行受命玉筭南遷帝系極於
輿圖中朝至於江表曾祖楚之晉太傅錄尚書揚州牧會

稽文孝王之次子元顯之幼弟也元顯見害之後桓元篡
逆之初爰自齟齬客身屠鈞河內道左抱劍長號代郡城
前慟悲靈祭江淮志節之士汝潁風塵之客感激一言咸
多依附既而雲生伏鼈星出鯨魚太白經天蚩尤映野公
乃收合餘燼泣血登陣臨武牢之關據成臯之坂擁衆萬
家歸於魏室魏明元皇帝遙授平南大將軍荊州刺史襲
封瑯琊郡王尚河內公主命王承制從賓國之儀於時宋
兵憑陵旗鼓侵逼虎牢不封金墉無援魏太武皇帝授王
使持節侍中安南大將軍開府儀同三司給前後部鼓吹
元戎啟行志雪冤耻登壇慷慨三軍掩泣黃河漕粟已出
石門白馬連旗將臨野坂既而雲中析起代郡烽然反旆
南園途窮北略贈征西大將軍都督梁益秦寧荆兗青豫
郢洛十州諸軍事揚州牧司徒諡貞王祖金龍封瑯琊鎮

謂商克承父志也

周太祖奉帝西遷
商平義舉歸款
特蒙賞勞

西大將軍儀同三司吏部尚書贈司空謚康王父悅鎮南
將軍豫州刺史漁陽莊侯以荆河刺舉時值亂離釁起蕭
牆遂終非命公遺腹載誕流離寇逆復壁磁負深山擁樹
程嬰之匿趙武從役家臣王成之藏李燮為備酒市遭太
夫人憂苦草墳塋以終灰燧形骸毀瘠逾於喪禮年十有
五始幹家事楹前鑿柱即取遺書石上開松仍求故劍出
身司徒府參軍除中堅將軍員外散騎常侍值魏室多難
所在蜂起孟津以北無復封畿嵩山以南即為鋒鏑公建
議修武立柵温城函谷西封河橋北斷長亭籍馬並入武
城百里租車咸輸温縣太祖文帝締構關都經綸夷阻招
攜以禮懷遠以德馬文淵之擇主去隴坻而歸身竇周公
之入朝在河西而奉詔大統七年蒙授平東將軍北徐州
刺史十年河內故義四千餘家願立忠誠須公衣錦乃授

教習與李傳時有
異同

使持節領河內太守加前將軍懷州拓境兩鎮奔波柳泉
轉戰三城授首周書十三年太祖召山東諸立義之將能率眾
入關者有加重賞公率先而至領戶千室即以為封固辭
不受其菽粟之賜或以指困馬牛之賞將同量谷朝廷以
華陽西極漢水東流歎孟達之奔兵怪劉封之失策魏前
元年移鎮漢中除白馬城主領華陽郡守昔稱導漾今聞
上澹煙沈火井雨歇雲門其年授大都督加散騎常侍柱
國蜀國公開金牛之道通牧馬之關公卷甲北塞懸軍束
馬遂得策預葭萌勲參綿竹封龍門縣開國子蒲州刺史
仍領新州尋授使持節車騎大將軍儀同三司大中正隆
周授圖天保定以公才望仍為舊臣遂乃義深追遠恩
隆繼絕即改封瑯琊縣公邑五百戶仍遷驃騎大將軍開
府儀同三司都督巴州諸軍事巴州刺史武成二年被勅

世宗遣奇兵出吳漢後漢漢水馬長得

赴援信州魚復道阻屢却岑彭荆門水急幾沈吳漢公乃
 月峽先登瞿唐直上天子以公操履忠勤儀刑亮直乃徵
 為大御伯尋轉大御正邑一千一百戶樞機近侍出納絲
 言所謂多識舊章鴻事殿中無雙者矣四年大軍東討公所領
 義眾先守枳關授都督懷州諸軍事懷州刺史偃師張幕
 河陽牧馬謂合軍討東魏也雖接戰於富平已連營於官渡五年詔追還拜
 始州刺史更討信州賊山彰尋寶渝恃險峽路五尺絕釣
 纜通縣水三門橋飛齊渡既而風行草偃谷靜山空前後
 平十一城獲九千餘口馬歸平樂金輸水衡天保二年除
 信州刺史都督信州諸軍事朝發白帝暮宿江陵氣振巴
 邱之兵威警建平之戍五年遷潼州刺史益州柱國周文帝十子趙手招公降
 帝子之重鎮天井之星延閣擬於叢臺岷山方於代郡公
 仰稟雄謨參謀遠略故得身預舞陽之功位極長平之寵

六年授使持節大將軍大都督西寧州諸軍事西寧州刺
 史方欲關沫若徼牂牁見夜郎之侯習昆彌之戰而飛鳶
 墮水馬援去而無歸金馬騁光王褒行而不反嗚呼哀哉
 七年正月十日薨春秋六十有五詔贈使持節大將軍懷
 邵邠晉四州諸軍事懷州刺史夫人襄城公主魏獻帝之
 曾孫趙穆王之季女王姬肅恭禴翟禮典四教兢莊三星
 令淑有光隆慮之賢足表平陽之盛生則從夫以秩死則
 同穴以禮建德元年八月十二日合葬於武功三時原大
 夫墓樹以柏諸侯墳高於雉吁嗟滕公來居此里詔諡定
 公禮也公資忠履孝蘊義懷仁直幹干尋澄波萬頃蓬蒙
 射法力牧兵書星辰高下之占風雨逢迎之氣故得師出
 以律天幸將軍者也至如官曹案牘未嘗煩雍戎馬交馳
 不妨餘裕足使四岳彌峻三台更明在朝四十一年身經

一百餘戰凡任四郡歷八州未嘗以貨殖經懷去如始至
渭南千畝之竹更懼盈滿池陽二頃之田常思止足身歿
之日家無餘財素車白馬狹室崎嶇黃腸元甲階庭仄陋
有詔冬官爲營寢室朱邑祭酌無所漢后是以賜金陳表
妻子露立吳王爲之開館嗚呼哀哉世子侃孝家忠國揚
忠顯親是以勒此豐碑懼從陵谷植之松柏不忍凋枯銘
曰

欽若歷象平秩寅賓少梁奔華地入咸秦族夷興馬書窮
獲麟玉鏡云始金行乃構象浦通關龍沙開候上糝石起
河陽水鬪五馬南浮三星冬宿太傅楚之作牧奄有江沱司徒
避亂承制荆河南勞推轂猶思枕戈龍媒被野蒼兕凌波
莊侯商父悅李年禍機相接誕公遺嗣崎嶇懷挾山竄趙武家藏
李燮伍員道阻燕丹路遙南奔楚塞北避秦橋水流登隴

寒風度遼有功都護則重嫖姚懷書上馬習禮從容陣圖

六甲兵占八風藏松寶劍射柳瑯弓推誠賈復屈節廉公

八翼頻飛六條亟秉勇此仁義行茲寬猛持印山開沈黎

盜靜取甲無邱均田不井懋功賜爵上將賞官軍中受詔

塞外登壇方屠參合更鑿臯蘭渝川毒水熨道災氛地亡

都尉灘悲使君谷寒無日山空足雲北風吹旄秋霖泣軍

遣奠雙設銘旌兩布沁水同墳平陽合墓悲哀嗣子攀號

靡訴慟甚風枝悲深霜露自此何世從斯幾年麒麟欲鬪

華表中然地形樓起松心蓋圓茫茫邱壠代代英賢

庾子山周柱國長孫儉神道碑
蓋聞放勳立而羲和昇重華登而元凱用思皇多士旣成
西伯之功俊德克明乃定南巢之伐是知惟賢非后勿食
惟后非賢弗又若夫君臣一德啟心沃心見之昌寧文公

矣公諱儉初名慶明恒州高陸人也北岳天孫之星燕河
 帝子之國故多奇節甚茂華風高闕圖南王謂沙莫雄計翼捷也王齊軫長城
 拔本十族分源高祖五世祖高太尉北平王光輔五君允釐百揆恒
 衛既從淮沂其父祖豹龍驤將軍恒州刺史常山刺舉非
 無取代之符龍驤總戎或似平吳之號父馘年止弱冠榮
 終解印公以五常蘊智六氣資德乘天則策馬秉靈降神
 則牽狼應象直心于物水火恬然無負于天雷霆不懼富
 貴自取豈資唐舉之言聲名有聞無勞李膺之識年十八
 解褐員外散騎侍郎尋授輕車將軍羽林監太祖文皇帝
 駕馭天綱苞羅英傑選公才德光佐尚書諸葛亮之西歸
 玉壘成三分之業管夷吾之入仕葵邱有一匡之功天水
 黠羌從平隸莫陳悅留餘為秦州長史漁陽羣盜乃遷秦州長史防城大都督封信都縣開
 國伯三年北史作謂滑州蟻聚保障沈命靡旗亂轍乘冰渡河丞相

大行臺假節撫軍行滑州刺史大統元年授持節西夏州
 刺史加散騎常侍郵支抱馬如聞耿秉之戰單于願識似
 畏王商之威五年遷使持節鎮東將軍都督東北三夏諸
 軍事西夏州刺史增邑千戶改伯為公既而江漢遼遠車
 書寂寞蜀主的顛未出檀溪之水秦王飛雉猶向南陽之
 城六年以公為使持節都督三江三襄南雍平信江隨郢
 浙十二州諸軍事荆州刺史東南道行臺僕射楚城鄰境
 實有讓田吳人對營無妨贈藥部內屬城為人訟公遂
 集文武肉袒自罰兄弟不讓延壽責躬吏民有過錄歸引
 咎魏文帝天子異之璽書勞問贈賄加幣王人接踵大丞相書云
 此之美事耳目之所未經歎尚無極故遣專使公善于撫
 馭長于接引山藪無棄苞苴不行示人赤心與人顏色盜
 不敢發民不忍欺至是將校耆老于州城之南起清德之

樓勒賢臣之頌杜鎮南之作牧當世樹碑竇車騎之臨戎
 生年刻石方之今日彼獨何人于時戶口日增荒萊畢墾
 華實紛敷黔黎茂豫但恐袞職有關待公而補鼎飪未和
 須公而正是以漢殷民望荆南杞梓並皆上書詣闕連名
 乞留河內之借寇恂更慙謁帝交州之請士變還著上表
 九年授車騎大將軍儀同三司十二年除大行臺尚書仍
 為大丞相李守廉相府司馬馬以公識度嚴明志節清儉遂改公名儉字
 慶明關澤夢名字炳然在月中非關書月詎待看碑幸得千畝不同二山無廢十三
 年加開府餘官如故十四年除尚書右僕射加侍中進驃
 騎大將軍居上星執法在文昌之位以公才望兼而有之
 十五年更除東南道行臺僕射都督十五州諸軍事行荆
 州事十六年大丞相周太祖總十六軍剋清河洛公又中分麾下
 參謀幃幄高選霸僚公為長史其年加都督南道三十六

考遂改馬

州諸軍事餘官如故南陽文學更遇王基章華袞衣還迎
 郭賀昔日伐蜀之謀張儀與秦昭計合平吳之利羊祜與
 晉武意同亦稱太祖太祖始定成都即有江陵之志公密獻其策懸
 符深旨糧運久積梯衝立備一戰而舉鄢郢再戰而燒夷
 陵遂得席卷三荆此又公之勲也詔賞奴婢三百口太祖
 與公書云由公立計果如所謀令公作鎮江陵以安蜀地
 後魏二年改武川昌寧郡開國公歷陽居民非惟景丹之
 封曲逆戶口豈但陳平之國其年授大將軍太和之中曹
 真于府內受冊元封之末衛青于軍中即拜公之此比綽
 有餘榮詔曰吳人未復須助謀謨今使梁王兵馬受公節
 度三年加都督東南道五十二州諸軍事增邑萬戶維周
 革命光宅欽明作貳天官允諧邦治元年授小冢宰保定
 二年治蒲州刺史檢校六防諸軍事四年治襄州仍授柱

國大將軍餘官如故秩登四岳階平六府豈不功重昭陽
名高蔡賜控馭五十州風行數千里拔園葵而去織婦無
三惑而絕四知一室之中未免虛白日膳之資漢末傳三杯而已
詔賜繪綵一千段粟麥二千斛天和元年陝州刺史都督
八州二十防諸軍事解荊州總管餘悉如故路出王宮城
臨河曲戍清陝右高視棠陰部領宴煩晦明為疾天和四
年謝病故京薨于私第春秋七十有八鑾蹕降臨軒懸輟
樂九旒龍旆之錫三河騎士之送詔贈太保涼夏靈銀長
河鄯甘瓜十州諸軍事涼州刺史諡曰文公狀貌邱墟風
神磊落玉山秀立喬松直上煙霞之涯際莫尋江海之波
瀾不測少遭荼苦在山服終攀柏樹枯王哀侵松許敬獸死盡忠事
國竭力從政其門如市其心若水奇策密謀百僚仰止忠
貞亮直明王敬焉至如風后陰陽之占力牧星辰之度魏

公子之兵書李將軍之射法莫不成誦在心取為時用居
常服翫或以布被松牀盤案之間不過桑杯石鼎遺令山
陵一無所用公私贈襪並不得受止依太祖陵側無忘事
君墩等兄弟並至性善居喪號慕墳塋奉遵遺訓是以衛青
之塚仍陪漢武之陵見管仲之墳地志即接齊桓之墓天和六年
天子以四海未寧三方鼎峙有懷將帥之志言念封疆之
臣既畫雲臺乃題麟閣更贈公為鄒國公邑五千戶追崇
列辟事極神魂再改銘旌恩隆封墓公在民留愛身後見
思吉日良辰郊祠野祭儀同趙超等六百九十七人表求
立廟陳請象魏有詔許焉桂棟杏梁綠墀青瑣按歌會舞
鳳蓋霓裳南浦送而行雲東風颺而零雨是知漢陽郡前
非徒武侯之廟臨淄城下豈獨樂公之社嗚呼哀哉乃為
銘曰

道鍾屯剝世屬雲雷地軸左轉天關北開客車周室繫馬
秦臺乃齊七政爰啟三才烈祖燮諧九龔梁棟取才逢獵
求賢入夢匡贊官雲謀猷紀鳳律定公族珪分職貢乃惟
嗣德實秉英靈身圖斗宿面繞樞星青衿敬業童子離經
信陵虛右干木分庭忠孝純深樞機周密孔光不言曹參
勿失溫席扇枕承顏悅膝凍浦魚驚寒林笋出肅肅風正
沈沈器局直似貞筠溫如瑞玉清不置水明不舉燭馬願
如羊金須似粟上將克昇元戎既序夏陽三捷夷陵一舉
憑軾下齊陵江入楚鼎反厯室鐘歸大呂六卿咸事天官
是司二南作伯棠陰實治清風有頌樹碑刻頌綠竹聞詩贈行之冊
超然帝師昔侍蘭苑今陪杏林生死契濶無違一心風雲
積慘山陣連陰陵田野寂松徑寒深夏嬰之隴僑元之墓
馬見千年車回三步高用標里子事左無長樂前非武庫直望高碑增悲

行路

庾子山周車騎將軍賀婁公神道碑

昔者軒邱命氏初分兄弟之姓若水降居始建諸侯之國
自是以官為族因地為宗水派枝分其可知矣公諱慈字
元達本姓張清河東武城人也仕于周張仲為孝友謀于
晉張彥為賢臣韓有開地則五世強國趙有孟談則三卿
不戰祖慶少習邊將仗智勇雖復五車竹簡不取博士之
名一卷兵書即以將軍自許角端在手必無齊魯之侵蓮
花插腰甚得蛟龍之氣為車騎大將軍儀同三司散騎常
侍霸城縣開國伯贈河州刺史父璨公子公孫有錄基于
天下良弓良冶有世業于家風書則百家可知劍則千人
可敵三槐以龜鼎象物知其神姦五等以桓珪班瑞守其
宮室君以才望兼而有之終于使持節車騎大將軍儀同

三司散騎常侍武定縣開國公贈池州刺史惟公秉山岳之靈受星辰之氣年在髫髮甫就勝衣竹馬來迎已知名于郭伋羊車在道卽見賞于王澄豈直童子明經書生說卦而已至如禪河清論秋水高談故以辨折龜林聲馳鹿野國家官族君爲首姓起家車騎大將軍儀同三司襲爵爲公增邑合一千六百戶弱冠登朝傳呼甚寵漢魏台鼎故無此比中朝方伯罕有其年大家晉國公任總機衡是勤王略惜君忠壯委以爪牙乃領左廂親信出爲梁州防主華陽西極漢水東流巴濮旣寧沈黎卽靜保定四年王師北伐以君驍勇被召將兵師下宜陽身登函谷將燒白馬之城以覆烏巢之壘旣而中途甚雨未獲圍原軍師聞喪不成侵宋柱國趙王招今上之第九弟也文則河間上書武則任城置陣作鎮岷邱揚旆錦水白虎之俗難安黃龍之盟

禮一傳

不定以君智略入佐中權天和元年授使持節大都督上柱國總府司錄仍轉司馬餘官封如故相如西喻鏤石于靈山武侯南征浮船于瀘水方之今日彼獨何人九品課工爲上之下四年入朝歸事宰旅卽受載師大夫將命齊國尋盟出境卽用和鄰之儀入國聞喪仍從會葬之禮可使南面此之謂乎尋以本官入治軍正至如渭水兵書在心爲志軒邱陣法聚石成圖旣得師不疲勞兵無怨讟入陪中禁更領儀同邸客城池門闌戶籍咸資巡警並用司存帝城近臣公室密戚如逢司隸似畏都官旣而孤城鄭媼不相其年巴水涪翁不醫其疾春秋三十有三奄捐官舍呂子明之疾甚歎軫吳王阮元瑜之長逝悲深魏主有詔贈某官禮也以建德四年三月日歸葬于河州苑川郡之禁山公六郡良家西河鼎族地壯金行人雄塞氣兵書

七卷河水浮來射法三篇天弧夜下鋒旗不息刁斗恒驚
猶得馬上讀書軍中習禮太史子義善于謀策諸葛公休
長子撫馭四代儀同三司七世河州刺史鐘鼎成列冠蓋
連陰所謂生為貴臣死為貴神者也但以游魂久客反葬
途遠道阻山長妻孤子幼哀聲滿野愁氣連雲况復松檟
飄飆方臨武威之戍邱陵迴遠直對臨洮之城馬援亾于
武溪尸柩反于魏里梁鴻死于會計妻子歸于平陵嗚呼
哀哉崎嶇遠矣昔者魏志繁昌縣受禪中平金祠前即有黃金之碣德陽墓下
猶傳青石之碑是謂勒功乃為銘曰

七葉佐漢五世相韓忠臣入仕孝友當官青城仙洞黃石
祠壇臺堪走馬書足迴鸞武定風飈霸城嚴肅並馳雙傳
俱分兩竹重世刺舉連鑣衣服草靡青邱風馳赤谷世不
乏賢挺茲上嗣孝有三德忠無二志劔足身挺書堪面試

旂節既秉高蟬且珥龜轉印函蛇盤綬笥左右將軍前後
常侍繼踵五侯因循三事旂旃九坂艦舳雙流還驅木馬
更引金牛江波錦落火井星浮樽酒望帝安歌蜀侯受腹
河陽偏師洛浦署陣成臯連旗廣武朝兵滅竈夜營多鼓
箭起六麋鋒推九虎倏忽人世俄然今古崇發兩星鑿驚
二豎游魂通夢言反舊塋紫泥賜冊黃腸贈行途登石紐
路入金城寒關樹直秋塞雲平劔埋合柱書藏鑿楹武侯
為廟樂公為社雲蓋低臨霓裳紛下碑枕金龜松橫石馬
承矣身世留名華夏

○ 温鵬舉常山公主碑

啟泰微之層構闢閭闔之重扉據天下以為家苞率土而
廣宅然則崑山西峙爰有夜光漢水東流是生明月公主
秉靈宸極資和天地芳芬有性温潤成質自然祕遠若上

鵬舉文章清婉
不務華粲較諸
徐庾猶似過之吐
名渾國主寘諸味
頭梁武帝傳於江
外當時之名重可
知

周蓋公跋王獻之保母執
云予得先武時梓潼尾
居墓執先叙而歷官
未云秋之定撰脫隸
書而非鑄也又有章
帝時范君謝君執銘
銘與中子執見常州
與邑中尉出雲帝時
太尉許械塚有碑云
夫人會稽山陰人姓劉
以太尉之孫也

出西京雜記

元之隔絳河直置清高類姒娥之依桂樹合淑之至比光
明於宵燭幽閒之盛匹穠華於桃李託體宮闈而執心搗
順婉然左辟率禮如賓執華燭以宵征動鳴佩而晨去致
肅雍於車乘好合於瑟琴立行潔於清冰抗志高於黃
鵠停輪表信闔門示禮終能成其子姓貽厥孫謀而鐘漏
相催日夜不息川有急流風無靜樹奄辭身世從宓妃於
伊洛遽捐館舍追帝子於瀟湘銘曰
龍轡莫援日車遂往奄離形神忽歸邱壤祖歌薤露出奏
巫山永厝中塋終掩窮泉蕭瑟神道荒涼墓田松檟徒列
琬琰空傳

駢體文鈔卷二十四

駢體文鈔卷二十五

誌狀類

王史威長葬銘

此為埋石造端蓋自為之取辨名姓而已猶得明旌旗
識之遺

漢西都時南宮寢殿內有醇儒王史威長死葬銘曰

明明哲士知存知亡崇隴原壘非寧非康不封不樹作靈
乘光厥銘何依王史威長

杜子夏臨終作文命刻石埋於墓前

魏郡杜鄴立志忠欵犬馬未陳奄先草露骨肉歸於后土
魂氣無所不之何必故邱然後即化封於長安北郭此焉
宴息

宋臨澧侯劉使君墓誌從續古文苑本

誌墓盛於晉代乃所傳惟傳休奕一篇又非全文當以

此爲權輿矣其序次之式亦頗可垂範

曾祖宋孝皇帝祖道鄰字道鄰侍中太傅長沙景王如高
平平陽檀氏字憲子謚曰景定如父暢道淵永寧令祖貌
雅罷瑯琊太守合葬瑯琊臨沂莫府山父諱義融字義融
領軍車騎桂陽恭侯夫人瑯琊臨沂王氏字韶風父簡長
仁東陽太守祖穆伯遠臨海太守合葬丹徒練壁雩山所
生母湯氏宣城人葬練壁雩山兄顓茂道散騎常侍桂陽
孝侯夫人廬江濤何氏憲英父愉之彥和通直常侍祖叔
度金紫光祿大夫合葬練壁雩山第三弟彪茂蔚祕書郎
葬江乘白山夫人河南陽翟褚氏成班父方回太傅功曹
祖叔度雍州刺史第四弟寔茂軌太子舍人夫人瑯琊臨
沂王氏淑婉父津景源中書郎祖虞休仲左衛將軍合葬
江乘白山第五弟季茂通海陵太守葬練壁雩山夫人陳
郡夏袁氏妙口父淑陽源太尉忠憲公祖豹士蔚丹陽尹
第一姊茂徽嫡陳郡長平殷臧憲郎父元素南康太守祖
曠思泰口軍功曹重嫡瑯琊臨沂王閔之希損鎮西主簿
父昇之休道都官尚書祖敬宏左光祿儀同第二姊茂華
嫡廬江濤何求子有祕書郎父鎮長宏宜都太守祖尚之
彥德司空簡穆公第三姊茂姬嫡平昌安邱孟詡元亮中
軍參軍離父靈休太尉長史祖景彥遠丹陽尹第四姊茂
姜嫡蘭陵蕭惠徽中書郎父思話征西將軍儀同三司祖
源之君流前將軍第五姊茂容嫡蘭陵蕭瞻叔文父斌伯
禱青冀二州刺史祖摹之仲緒丹陽尹重嫡濟陽圉蔡康
之景仁通直郎父熙元明散騎郎祖廓子度太常卿第六
妹茂嫺嫡濟陽考城江遜孝言父湛徽淵左光祿儀同忠
簡公祖夷茂遠前將軍湘州刺史重嫡瑯琊臨沂王法興

馬二十一
驃騎參軍父翼之季弼廣州刺史祖楨之公幹侍中夫人
濟陽考城江氏景嫗父滾徽源太子洗馬祖夷茂遠前將
軍湘州刺史第一男晃長暉出後兄紹封桂陽侯第二男
旻淵高拜臨澧侯世子第三男暘淵華第四男量淵遠出
後第四弟寔第五男口淵頰第六男旻淵平第一女麗昭
第二女麗明第三女小字僧歸亡葬口口

宋故散騎常侍護軍將軍臨澧侯劉使君墓誌

君諱襲字茂德南彭城人宋高祖武皇帝弟景王之穆也
神姿韶雅風譽夙懋弱冠拜祕書郎逮二凶肆禍人倫道
消君身離幽執僅免虎口事清還復舊職以母憂去官既
除又拜祕書郎轉太子舍人自升口二宮令望允緝出爲
鎮蠻護軍廬江太守莅政平簡聲績兼著遷明威將軍安
成太守屬中流構壘四表迷逆君英義獨發招會如神故

能以一口之旅尅濟忠節義超終古誠冠當今皇朝欽嘉
爵賞取榮除輔國將軍郢州刺史封建陵縣開國侯俄徵
太子右衛率加給事中未拜遷侍中冠軍將軍改封臨澧
縣開國侯鎮肅石頭寔當關要之寄遷左衛將軍未拜仍
除中護軍春秋卅有八泰始六年三月十日薨於位聖主
嗟悼朝野傷悲有詔故中護軍臨澧縣開國侯志行貞純
才用理濟忠勲著於艱時勲績倡乎泰運年志始壯奄焉
凶折悲傷惻割寔兼常懷思加寵數以申哀榮可贈護軍
將軍加散騎常侍餘如故謚曰忠侯粵五月廿七日庚寅
將葬於瑯琊之乘武崗以悲幽明之殊隔傷一訣而永分
仰清徽而攬淚僚元石而裁文其辭曰

峩峩口口山岳效靈允矣君子誕膺休禎支蔭帝宇締慶
文明德以行高仁與口口口華二宮官政兩服國步時屯

艱難斯屬忠則忘家義寔光族朝廼欽庸以□□□望
既歸□寵惟□或侍帝言或司蕃戎方宏牙美□□家邦
如何不□□□躬□芳稍述日月有時考辰筮吉元堂
啟基深泉永窆□□長悲□□□□□□□□

宋張氏墓誌

宋故臨渭縣侯湘東太守張府君諱濟夫人邱氏諱靜姬
第三女推兒春秋卅有一亡於徧憂元徽元年十月甲辰
十七日庚申權假窆於西鄉

遠葉蘭飛浚源泉潔履順早晨含章妙歲選史圖容循詩
範節皎鏡冬泉優柔春蕙淄北忸行營東慙藝冥昧慶善
宵翳壽仁泣血實性團憂殲身罷景方旦摧華載春壠木
已藹墓草行陳朱火幾爛元夜無晨
江文通宋安成王右常侍劉喬墓銘

當時誌與銘或出兩人手故諸家集或有銘無誌或有
誌無銘不盡闕缺佚也

丹陽韜聖豐鄉降賢玉葉既積金徽方傳乃毓伊人克廣
克宣騰芬中屬飛藻上年杳杳虛素永永冲關雲意霜拍
玉立冰堅家寶以瑩國才未甄參錯報善茫昧雲元歛魂
幽石委氣空山膚若流波身如絕煙芳菲一逝美懋徒鐫
江文通宋光祿大夫孫實墓銘

川祗効鏡岳祥獻明碧葉獨秀瑤源自清幼炳器譽夙耀
才名體兼遷雲學備儒史紫閣咸趨朱軒既履貴交慕塵
素遊企軌騰藻上京振彩下國如彼綠蘭秉芬四塞欷人
逕之不平歎天路之冥默貴夫君之為美播靈均與正則
任彥昇劉先生夫人墓誌
齊書太祖為劉勰取王氏女勰卒天監元年
下詔為勰立碑號貞簡先生
既稱萊婦亦號鴻妻復有令德一與之齊實佐君子簪蒿

誌簡質銘
朕鍊

方曰李青蓮詩陶
令辭壺澤四句本此

杖藜欣欣負戴。在冀之畦。居室有行。亟聞義讓。稟訓丹陽。宏風丞相。籍甚二門。風流遠尚。肇允才淑。闡德斯亮。蕪沒鄭鄉。寂寥揚冢。參差孔樹。毫末成拱。暫啟荒埏。長扃幽隴。夫貴妻尊。匪爵而重。

梁簡文帝華陽陶先生墓誌銘

維大同二年龍集景辰克明三月壬寅朔十二日癸丑巳時華陽洞陶先生蟬蛻於茅山朱陽館先生諱宏景字通明春秋八十有一屈伸如恒顏色不變有制贈以中散大夫謚曰貞白先生遺舍人主書監護喪事十四日巳時窆於雷平之山若夫真以歸空爲美道以無形爲貴不知悅生大德所以爲生不知惡死谷神所以不死妙哉隱顯變化物莫能測既而岫開折石天墜玉棺銀書息籥流珠罷竈九節麗於空中干和焚於地下僊官有得朋之喜受學

振臨谷之悲。余昔在粉壤。早逢圯上之術。今造元良。屢稟浮邱之教。握畱符而惻愴。思化杖而酸辛。乃爲銘曰。無名曰道不死爲仙。亦有元放兼稱。稚川遁形。解化自昔。同然猗歟。夫子受籙歸元。梨傳苑吏。書因賈船。虎車照景。蜺拂凌煙。餘花灼爍。春澗潺湲。鬱鬱茅嶺。悠悠洞天。三山白鶴。何時復旋。

梁簡文帝戎昭將軍劉顯墓誌銘

繁弱挺質。空桑吐聲。分器見重。播樂傳名。誰其均之。美有髦士。禮著幼年。業明壯齒。厭飫典墳。研精名理。一見弗忘。過目則記。若訪賈逵。如問伯始。穎脫斯出。學優則仕。議獄既佐。芸蘭乃握。搏鳳池水。推羊太學。內參禁中。外相藩岳。斜光已迫。殞彼西淨。百川到海。還逐東流。營營返魄。汎汎虛舟。白馬向郊。丹旒背鞏。野埃興伏。山雲輕重。呂掩書墳。

揚歸元冢爾其戒行途窮土壠弱葛方施叢柯日拱遂柳
蕙春禽寒歛翻長空常暗陰泉獨湧耐彼故塋流芬相踵
梁元帝庾先生承先墓誌

悠哉掌庾與自陶唐伯舅居晉連鑣渭陽爰斯厥後世挺
珪璋乃登靈岳言遵洞府乃涉石山將從輕舉實惟貞吉
實惟退讓皎皎不羣超超高尚本同壽天寧論得喪諸方
未遊佳城已望蓬生蔣徑鉤罷磻谿櫛悲新壠桃餘故蹊
風翻嶺背月下松西揚名不朽高蹈夷齊

梁元帝侍中吳平光侯墓誌銘

惟嶽降神表山甫之德敬如君所顯成季之徵潔靜精微
岐嶷天挺學兼義府談均理窟歷太子洗馬八人掌籍爲
崇賢之領袖五日來朝冠承華之楷模遷豫章內史法井
鸞峯甘露歲下蕭崖鶴嶺連理成陰徵爲太子左衛率邁

疾薨於道頗類陶基民號燕北取譬羊祜巷哭荆南副軍
早垂隆眄憫其石火瞻斯翠蓋忽變丹旒方使桓侯石椁
載銘盛夏滕令佳城式鐫韶漢

溫鵬舉司徒元樹墓誌銘

以誌其事而隱其詞也夫既不具而文辭又不足
徐原之免炳而不入誌

昔樞電降祥姬水成業握八符以馭世膺五命以會昌欽
明格於上下光澤被於宇宙卜年永久歷世遐長有文王
之孫子啟周公之苗裔積善所及踵武稱賢每以辛李爲
言恒持韓白自許殫百慮之一致盡能事於生民蒼蒼在
上義歸無厚徒有東平避世之意空懷北海自晦之情疾
非逢霧終異啟手銘曰

明允篤誠發於岐嶷未鏤已雕不扶而直修理以耕強學
爲殖孔既歎魯莊亦吟越况以度思有懷明發翻然高舉
歸於魏闕長路未窮朝光已沒

樹乃成陽王禧之子降
若梁封魏郡王改封
鄴王有將略梁武爲
鎮西將軍鄧州刺史
爲魏將所擒送京師
賜死孝靜時詔贈
司徒

徐修仁故永陽敬太妃墓誌銘

永陽大太妃王氏瑯琊沂人也其先周靈王之後自秦漢逮於晉宋世戴光□羽儀相屬旣以備於前志故可得而畧焉祖粹給事黃門侍郎父儼左將軍司馬尋陽內史並見稱時輩太妃體中和之氣稟華宗之烈蹈此溫恭表茲淑慎孝敬資於冥發仁愛□於自然至乎四教六訓之閑工言貞婉之德無待教成罔不該備故景行著於中□淑問顯乎言歸作嬪盛德實光輔佐親縫幕之用躬服澣之勤及早世釐居遺孤載藐提攜撫育逮乎成備斷織之訓旣明闔門之禮斯洽劬勞必盡曾不移志用能緝睦於中外亦以宏濟乎艱難雖魯姜之勤節曹妃之敬讓方之蔑如也皇業有造殷憂啟聖追惟魯衛建國永陽恭王纂嗣蕃號式顯乃拜爲太妃策曰維天監二年六月甲午朔

十日癸卯皇帝遣宗室員外散騎侍郎持節兼散騎常侍蕭敬寶策命永陽王母王氏爲國太妃曰於戲惟爾茂德內湛粹範外昭國序凝芬蕃庭仰訓是用式遵舊典載章徽服往欽哉肅茲休烈可不慎歟備禴璫之華而降心彌約居千乘之貴而處物愈厚旣而恭王不永禮從□□□訓導嗣孫載光榮祉年高事重志義方隆宜永綏福履而奄奪鴻慶以普通元年十月廿三日遘疾十一月九日已卯薨於第春秋五十有九詔曰永陽大太妃奄至薨逝哀摧切割不能自勝便出叙哀可給東園祕器喪事所須隨由口辦祖行有辰式宏茂典又詔曰故永陽大太妃禮數有殊德行惟光訓範蕃嗣式盛母儀卽遠戒期悲懷抽割可詳典故以隆嘉謚禮也粵其月廿八日戊戌祔瘞於瑯琊臨沂縣長干里黃鵠山用宣風烈以昭弗朽廼爲銘曰

清瀾悠邈其儀尙矣龍光疊照風流世祀猗歟罔匱於昭
不已誕資仁淑作嬪君子幽閑表操明德自躬推厚處薄
秉默居沖參差採芼揜映言工鑒昭彤管識懋休風凝芬
載湛芳猷允塞徙舍爲訓止閭成則曹號母儀豈伊婦德
穆茲閨闈形於邦國龍飛集運禮數攸鍾憲章盛典車服
有容泰而愈約貴則彌恭蕃祉方茂纂嗣克重巾帚差池
朝夕咸事雖曰任傳永請斯備是惟仁姑厥德可庇恂恂
濟濟蘭芬瓊祕光陰易晚祺福難畱閨儀罷映禴華奄收
奠遷朱邸駕指行楸芳口是勒大口方攸

北魏崔敬邕墓誌銘

祖秀才諱殊字敬異

夫人從事中郎趙國李休女

父雙護中書侍郎冠軍將軍豫州刺史安平敬侯

夫人中書趙國李詵女

魏故持節龍驤將軍督營州諸軍事營州刺史征虜將軍
大中大夫臨青男崔公之墓誌銘

君諱敬邕博陵安平人也夫其殖姓之始蓋炎帝之允其
在隆周遠祖尙父實作太師秉旄鷹揚尅佐撫殷若乃遠
源之富奕世之美故以備之前册不待詳錄君卽豫州刺
史安平敬侯之子胄積仁之基累榮構之峻特稟清貞少
播令譽然諾之信著於童孺瑤音玉震聞於弱冠年廿八
而儁華茂實以響流於京夏矣被旨起家召爲司徒府主
簿納贊槐衡能和鼎味俄而轉尙書都官郎中時高祖孝
文皇帝將改制創物大崇革正復以君兼吏部郎詮叙彞
倫九流斯順太和廿二年春宣武皇帝副光崇正妙簡宮
衛復以君爲東朝步兵景明初丁母憂還家居喪致毀幾

於滅性服終朝廷以君膽量凝果善謀好成臨事發奇前
畧無滯徵君拜爲左中郎將大都督中山王刺史出圍僞
義陽城拔凱旋君有協規之効功績隆盛授龍驤將軍太
府少卿臨青男忠勲之稱實顯於茲永平初聖主以遼海
戎夷宣化佇賢肅慎契丹必也綏接於是除君持節營州
刺史將軍如故君軒鑣始邁聲猷以先麾蓋踐壇而溫膏
均被於是殊俗知仁荒嶠識澤惠液達於逋遐德潤潭於
邊服延昌四年以君清政懷柔宣風自遠徵君爲征虜將
軍太中大夫方授美官而君嬰疾連歲遂以熙平二年十
一月廿一日卒於位縉紳痛惜媼舊咸酸依君績行蒙贈
左將軍濟州刺史加謚曰貞禮也孤息伯茂銜哀在疚摧
號罔訢泣庭訓之崩沈淚松楊之以樹洞抽絕其何言刊
遺德於泉路其辭曰

縣哉遐胄帝炎之緒爰厯姬初祖惟尙父曰周曰漢榮光
繼武邁德傳輝儒賢代舉於穆睿考誕質含靈秉仁岳峻
動智淵明育善以和獎幹以貞響發邅丘翼起槐庭慶鍾
盛世皇澤遠融入叅彞叙出佐邊戎謀成轅幕績著軍功
僞城颺偃蠢境懷風王恩流賞作捍東荒惠沾海服愛洽
遼鄉天情方渥簡爵惟良如何倉昊國寶淪光白楊晦以
籠雲松區杳而煙邃藐孤叫其崩窅親賓飈而垂淚仰層
穹而摧號痛尊靈之長祕誌遺德兮何陳篆幽石兮深搵
嗚呼哀哉

北魏故懷令李君墓誌銘

君諱超字景昇本字景宗後承始族叔在江左者懸同故
避改云秦州隴西郡狄道縣都鄉華風里人也雅著高節
敦襲世風言行足師興作成准修情孝友因心名義安貧

此碑今在偃師
此觀文多矣不知
何以錄此

樂道息詭遇之襟介然峻特標確焉之操弱冠舉司州秀才拜奉朝請除恒農郡冠軍府錄事參軍事宰沁水縣巨政崇治綽居尤最為受罪者所誣章憲臺誤聽被茲深劾除名為民於是廿年中浮沉閭巷玉潔金志卓爾無悶到熙平二年甫更從宦補荊州前將軍騎兵參軍事復作懷令已受拜垂垂述職遭疾正光五年八月十八日卒於洛陽縣之永年里宅時年六十一孤貞華首訖於二邑門從無兩遠邇酸恨懷之百姓長慕喪氣雖陳留之哀望胡季睿不是過也越六年正月丙午朔十六日辛酉葬洛陽縣覆舟山之東南元壤難窮陵谷時異刻茲陰石照序光塵泱泱顯族斂勞西垂代襲清則杏炳羽儀道妙之門緒風屬斯惟祖惟考倜儻瓌奇昌謨迭駕高獲明規杳量无隄元契不費總修異貫員應紛枝灼灼伊君山立淵渟棲真

區蓋程中區蓋不
 言之區蓋中州金
 石記云區者區測之
 區蓋出說文序云
 是非無正巧說表
 辭使天下學者疑
 蓋然則蓋者疑不
 宜言其身此說未
 知身否誤情初通
 人

宅正寢繩履程懿鏤為質醇素用情均治禮世氣重財輕亦既從招旁溢鴻聲隨牒出入密勿力誠爰莅近邑先邁儀形絕交獨坐化動陰冥尚德貽咎眾實區蓋拂衽歸來飭轅褫帶恂恂鄉閭万殊一會優柔善成无小无大垂白再仕汎爾沿流階倫稍降盛業愈道遂作後城士女承休轡頓方馳盡土悲愁尅節炯言引賞靡徵端恭妄矚家俗虛膺擢彼圯跡事罕篇繪長源未輸深圖乍卷蒞此逸機空生徒返茲寃易削疇毒難遣楨榭疎竦泉房寒遠孀孤內爛妹弟摧咷式鏤沈石託注幽篆

妻恒農楊氏父談為邾州主簿息女孟宜年卅六適恒農王始雋郡中正息女媛姿適遼西常彪侍御史息女仲妃適武威賈子謐涼州治中息道冲息女婉華息女休顏息女四輝息道逸年十六息道栖年十三

庾子山周大將軍懷德公吳明徹墓誌銘

同病相憐故言哀入痛誌文絕唱也

公諱明徹字通昭兖州秦郡人也西都列國長沙王公被

山河東京貴臣大司馬名高霄漢豈直西河有守智足抗

秦建平有城威能動晉而已也祖尙南譙太守父標右軍

將軍抗拒淮沂平夷濟漯代為名將見於斯矣公志氣縱

橫風情倜儻圯橋取履早見兵書竹林逢猿偏知劍術故

得勇爵登朝材官入選起家東宮司直後除左軍葛瞻始

嗣兵戈仍遭蜀滅陸機纔論功業卽值吳亡公之仕梁未

為達也自梁受終齊卿得政禮樂征伐咸歸舜後是以威

加四海德教諸侯蕭索煙雲光華日月公以明畧佐時雄

圖贊務鱗翼更張風飈遂遠冠軍侯之用兵未必師古武

安君之養士能得人心擬於其倫公之謂矣為左衛將軍

家世可正史傳之誤
史作祖名安者一字
也史作父樹蓋樹之
福六行字體往人矣

尋遷鎮軍丹陽尹北軍中候總政六師河南京尹冠冕百

郡文武是寄公無愧焉蕭湘之役馮陵島嶼風船火艦周

瑜有赤壁之兵蓋舳櫓魏齊有橫江之戰仍為平南將

軍開府儀同三司都督湘衡桂武四州刺史遂得左廣迴

肩麟車反暢長沙楚鐵更入兵欄洞浦藏犀還輸甲庫雖

復戎歌屢凱軍幕猶張淮南望廷尉之囚合淝稱將軍之

寇莫不失穴驚巢沉水陷火為使持節侍中司空車騎大

將軍都督南北兗青譙五州諸軍事南兖州刺史南平郡

開國公食邑八千戶鼓吹一部中台在元武之宮上將列

文昌之宿高蟬臨鬢吟鷺陪軒平陽之邑萬家臨淄之馬

千駟坐則玉案推食行則中分麾下生平若此功業是焉

既而金精氣壯師出有名石鼓聲高兵交可遠故得艦舳

所臨蓋於淮泗旌旗所襲奄有龜蒙魏將已奔猶書馬陵

明徽蓋城之敗世
皆咎其不聽蕭
摩訶言然其遣
馬軍先發而身
自殿後固壯士也

之樹齊師其遁空望平陰之鳥此下叙其敗也俄而南仲出車方叔涖止

暢藪文茵鈞膺偉革遂以天道在北南風不競昔者裨將

失律衛將軍於是待罪中軍爭濟荀桓子於焉受戮心之

憂矣胡以事君宣政元年屆於東都之亭有詔釋其鸞鑣

蠲其釁社始宏就館之禮即受登壇之策拜持節大將軍

懷德郡開國公邑二千戶歸平津之館時聞櫜馬之嘶舍

廣成之傳裁見諸侯之客廉頗眷戀寧聞更用之期李廣

盤桓無復前驅之望傷其困辱於周不能復為陳用霸陵醉尉侵辱可知東陵故侯生平

已矣大象二年七月二十八日氣疾暴增奄然賓館春秋

七十七即以其年八月十九日寄瘞於京兆萬年縣之東

郊詔贈某官諡某禮也江東八千子弟從項籍而不歸海

島五百軍人為田橫而俱死焉嗚呼哀哉毛修之埋於塞

表流落不存陸平原敗於河橋死生慚恨反公孫之柩方

且未期歸連尹之尸竟知何日遊魂羈旅足傷温序之心

元夜思歸終有蘇韶之夢遂使廣平之里永滯冤魂汝南

之亭長聞夜哭嗚呼哀哉乃為銘曰

九河宅土三江貢職彼美中邦君之封殖負才矜智乘危

恃力浮磬戢鱗孤桐垂翼五兵早竭一鼓前衰移營滅竈

空幕禽飛羊皮詎贖畫馬何追荀營永去隨會無歸存沒

俄頃光陰悽愴岳裂中台星空上將眷言妻子悠然亭障

魂或可招喪何可望壯志沉淪雄圖埋沒西隴足抵黃塵

碎骨何處池臺誰家風月墳隧羈遠營魂流寓霸岸無封

平林不樹壯士之隴將軍之墓何代何年還成武庫
庾子山周大將軍義興公蕭公墓誌銘
昔司徒之敷五教當堯讓之初丞相之總萬機值秦亡之
後若殷人受氏乃承微子之封梁運應圖實啟延陵之國

王隱晉書中平合蘇
詔平伯父承第九子尚
其免詔占語天上及地下
事不能盡知也祇與帝
別曰至今若修文郎
守職不得未遂絕

史補蕭世恪名紀太... 在神城... 字也

公諱太字世怡蘭陵人也太祖文皇帝之孫鄱陽忠烈王之子派別天潢支分若木直幹自高澄源已遠茂親明德是稱毛畢之功宗子維城乃建邢茅之國大同元年年十六封豐城縣開國侯食邑五百戶山臨鶴塞非無陶侃之賓氣連牛斗卽有張華之劍解褐給事中仍太子洗馬公子出身非郎官而同品中朝洗馬異式道而前驅以公居之誠爲高選大同元年入直殿省其年轉太子中書舍人南宮宿衛職司蘭鏡北閣從班榮叅顧問通籍兩宮得賢斯在大同三年授持節仁威將軍譙州刺史塞帷祥氣之境刺舉消憂之地南陽風俗文學更多美稷相迎童兒逾遠既而亂離瘼矣王室騷然大夫有行役之悲君子有無期之怨背關懷楚扁舟而行江漢奉當璧之君章華歸中興之主承聖元年拜侍中無雙對問實踵武於丁鴻多識

舊章足齊衡於王粲二年除持節平西將軍臨川內史仍轉平南將軍桂陽內史尙方鑄劍再轉金龜御史分符雙封銅虎豈直鄧攸清白見稱五鼓之歌劉寵廉能名爲一錢之郡遂以天保未定王途多梗還吳不可歸蜀無路臨淄負海翻然改途竄身清漳垂翅渤海蒙授車騎大將軍散騎常侍仍爲持節都督永州刺史而秦亭壓境邾柝聞城鼓角地鳴將軍天落雖復瓶缶聽聲無防於地道冠繩柴結不却於雲梯請命受降翻歸都護周朝以楚材晉用不停於平章趙璧秦求無論於羈遠以保定五年除使持節驃騎大將軍開府儀同三司義興郡開國公食邑一千三百戶天和二年授使持節都督蔡州諸軍事蔡州刺史楚頃襄之愛子旣布衣而戍谷魏安釐之母弟亦羈旅於邯鄲憂旣傷人降年不永春秋五十有一薨於蔡州之鎮

送故入關空餘袞服歸軒在道還更垂帷嗚呼哀哉有詔
贈官諡某禮也五年十一月葬於長安北原櫟里子之墳
正臨武庫太史公之墓直對臯門銘曰

元鳥遠烈相土宏謨東封宋社西歛秦圖人承佐漢國紹
開吳有美令德茂親藩邸建國皇支承家帝弟率由冥會
亮直天啟轅固聞詩唐都習禮博望之苑金華之宮文林
講德武帳參戎名書柱上策滿帷中託身淄右蒞政淮東
秦亭西逼楚澤南窮時驚獵火或懼秋風屬期遠畧逢茲
應變陣橫十里兵圍一面月暈孤城塵驚虛援春筍非糧
秋蒿無箭垂翅卧龍夷衿輟戰時值懷來恩加始賞王爵
愈峻戎章更上朱鷺才飛虞歌即嚮泣子留恨藏書長往
炎涼迭運零落山邱霜芬幕月松氣陵秋嗟南國之王子
成東陵之故侯

庾子山周大將軍瑯琊定公司馬裔墓誌銘

敘事有翦裁
負轉如云

公諱裔字遵允河內溫人也南正司天北正司地是謂羲
和之官即嗣重黎之政功之歸楚與章邯而並封豫之避
秦其毛公而俱去祖金龍仍居選部水鏡三臺父悅再牧
荆河威風千里而身遭禍機遂為季布所哭獲存遺嗣實
賴程嬰之忠國家追念功臣更撫叔敖之子言思官族還
求女齊之允公始應辟為河內功曹除員外郎常侍汲郡
治兵黃河浮馬摧鋒軹關之捷逐北長城之陣授平東將
軍北徐州刺史柳泉風塵三城席卷棠陰鋒鏑千室入關
遷車騎大將軍儀同三司開國龍門縣伯仍除巴州刺史
雖復巴水三迴夷歌數曲徒逢白竹之弩已濟青衣之功
朝廷以漢之功臣須開上將之府晉之代胄宜紹瑯琊之
國遷驃騎大將軍開府改封瑯琊公食邑一千五百戶宮

闡近密實俟忠貞。詔爲大御伯，仍除大御正，職司常伯。任
總夔龍，王道旣平。絲言惟允，尋除始州刺史、都督。始州諸
軍事，蠻夷恃險，狼顧鳴張。高山尋雲，深谷無景。九地縱橫，
三門起伏。峯危馬束，水險橋飛。遂得谷靜山空，冰消霧散。
仍爲信州刺史、都督。信州諸軍事，精兵守於白帝，足懼巴
州之城。船楫下於荊州，彌動西陵之戍。卽授使持節、大將
軍、都督西寧州諸軍事、西寧州刺史。將啟北戶之人，向通
雲南之國。聞寵若驚，奄從深夜。天和六年正月十八日亡。
春秋六十五。詔贈本官，加懷邵、汾、晉、四州刺史。諡定公。禮
也。以建德元年七月十三日葬於武功郡之三疇原。公愛
敬純深，有隱無犯。忠貞亮直，知無不爲。在戎四十二年，身
經六十九戰。至於多竈唱籌，並得成功。飛沙擁石，未嘗乖
律。恂恂教義，吳起西河之風。閑閑旗鼓，李牧長平之政。身

死之日，家無餘財。山水所資，一由詔葬。有始有卒，生榮死

哀。銘曰：

祝融是命，重黎克舉。公族乃建，天官卽序。避世於秦，成家
於楚。金行失馭，玉鏡淪輝。我之烈祖，識變乘機。黃旗東沒，
青蓋西飛。落星置道，長州出圍。及我皇父，荆河再撫。世遭
喪亂，身沒猾豎。嗟我遺嗣，崎嶇趙武。寒覆鳥翼，飢吞獸乳。
獲歸河內，更襲瑯琊。年方小馬，怨結長蛇。藏兵九地，置劍
千家。雪山埋馬，冰河陷車。旣乃班政，超然榮守。朱鷺頻飛，
金龜轉紐。築塞長榆，營軍高柳。玉案推食，河橋勸酒。石門
冰釋，金隄電散。蘆水門關，茅津成觀。馭風逸翮，修途始半。
建武功臣，先悲吳漢。沉寥搖落，游揚浸微。金城路斷，郿塢
人稀。風松雲蓋，白水山衣。賢已星隕，人沒蘭衰。

庾子山周譙國公夫人步陸孤氏墓誌銘

字文倫，妻。

詳一十五

夫人諱某字某本姓陸孤郡人也大夫拓境百越來庭丞相勒兵三江席卷高祖載爲劉義真長史畱鎮關中旣沒赫連因卽仕魏臨終誠其子孫曰樂操風土不忘本也言念爾祖無違此心祖政驃騎大將軍儀同三司恒州刺史父通柱國大將軍大司馬文安公匡贊經綸參謀揖讓名高廣武功重長平夫人七德含章四星連曜敬愛天情言容禮典九日登高作銘秋菊三元告始或頌春椒年十有四娉於譙國友其琴瑟愈恭節儉之心伐其條枚實秉憂勤之德鄴地登高之錦自濯江波平陽采桑之津躬勞蠶月天和元年册拜譙國夫人東武亭之妻旣稱有秩南城侯之婦還聞受封柱國殿下以名華分照增城峻土揚旌熨道問政邛都白狼之溪途艱黃牛之坂荔枝之山地險葡萄之國夫人別離親戚關河重阻夷歌一曲未足消憂

猿鳴三聲沾衣無已是以天厲之疾遂成沉痾玉瀝難開金膏實遠建德元年七月九日薨於成都私第春秋二十有一卽以其年十一月二十二日歸葬長安之北原詔贈譙國夫人禮也殿下神傷秋月掩淚長松周季直之畱書更深冥漠潘安仁之詞藻徒增哀怨豈直西河女子獨見銀臺東海婦人先逢金闕銘曰

芟陵反旆椒山止戈金精據嶺昌閭凌波西遊卿相東裂山河華亭冠冕穀水絃歌震維徙族燕垂從宦塞入飛狐關連鳴雁策預登阜功參臨澗寶鼎畱銘彫戈餘贊應圖淑令秉禮言歸魚軒馮軾澤雉文衣帝子謂也明月照鏡仙石支機帝子謂也行雲細起迴雪輕飛北降帝子南麾蜀守若水旣開靈山已鏤丹峽猿啼江神牛鬪星機北轉日轡西迴陽泉伏氣陰律沉灰鶴辭吳市鳳去秦臺神光離合燈影徘徊雙流

反葬百兩迴旌少女離位夫人去城帷堂野設帳殿郊營
山川奇事風月無情搖落邱隴荒涼封域樹樹秋聲山山
寒色草短逾平松長轉直節墳方固園陵永植

庾子山周太傅鄭國公夫人鄭氏墓誌銘

夫人諱某滎陽開封縣遠里人也七子賦詩足光賓客三
卿從政實靜諸侯驂乘則晉后停輿來朝則漢君識履華
胄蟬聯無虛史籍祖那秦州別駕父茂伯撫軍將軍涼州
刺史伯陽縣侯夫人令淑早聞芝蘭獨茂既容既德言告
言歸悌實溫清恭惟箴盟太傅弼諧周室股肱攸寄夫人
輔佐君子勤勞是司琴瑟既友條枚無伐故得用之邦國
成之孝敬某年月日封鄭國夫人瑜翟既加紘紼是務夫
有安世之貴躬服浣濯子有文伯之尊無忘機杼表裏惟
安閨闈且正醫門有疾對藥無徵天和三年三月二十日

薨葬於長安之石安原世子某兄弟並勗慈訓咸遵母儀
霜露深悲寒泉增慟銘曰

居德圃田當官教府置騎賓來開黌學聚福履家室賢才
踵武棠棣之華螽斯之羽人倫七德風化二南采采芣苢
萋萋葛覃節行聲玉副笄珈蓼柳園秉杼桑津浴蠶春秋
超忽零落無時家亡淑女國喪賢姬香墳永送舞鶴長辭
山深月闇風急松悲千年開閉將驗靈龜

蔡伯喈爲陳畱上孝子狀

臣前到官博問掾史孝行卓異者臣門下掾申屠曼稱孝
子平邱程未年十四歲時祖父叔病歿未抱伏叔尸號泣
悲哀口乾氣少喘息纔屬舅偃哀其羸劣嚼棗肉以哺之
未見食噓唏不能吞咽麥飯寒水乃間用之舅偃誘勸哽
咽益甚是後精美異味遂不過口常在柩旁耳聞叔名目

應以淚前太守文穆召署孝義童云以叔未葬不能至府
舍臣輒核問掾史邑子殷盛宿彦等辭驗皆合臣卽召來
見未年十四歲顏色瘦小應對甚詳臣問樂爲吏否垂泣
求去白歸喪所臣爲設食但用麥飯寒水不食肥膩舅本
以田作爲事家無典學者其至行發於自然非耳目間見
所做効也雖成人之年知禮識義之士恐不能及伏惟陛
下體因心之德當中興之運躬秉萬機建用皇極神紀騁
於無方淑暢洽於羣生故醇行感時而生美義因政而出
清風奮揚休徵誕漫太平之萌昭驗已著臣誠伏見幸甚
臣聞魯侯能孝命於夷宮張仲孝友侯在左右周宣之典
實始於此且烏以反哺託體太陽羔以跪乳爲贊國卿禽
獸之微猶以孝寵况未稟純粹之精爽立百行之權源其
人隱瘁而德曜彌光其族益章臣不勝願會使未美昭顯

本朝謹陳狀臣邕頓首

任彥昇齊竟陵文宣王行狀

以儷詞述實事於斯體尙稱

祖太祖高皇帝

父世祖武皇帝

南徐州南蘭陵郡縣都鄉中都里蕭公年三十五行狀

公道亞生知照隣幾庶孝始人倫忠爲令德公實體之非

毀譽所至天才博瞻學綜該明至若曲臺之禮九師之易

樂分龍趙詩析齊韓陳農所未究河間所未輯有一於此

罔不兼綜者與昔沛獻訪對於雲臺東平齊聲於楊史淮

南取貴於食時陳思見稱於七步方斯蔑如也初沈攸之

跋扈上流稱亂陝服宋鎮西晉熙王南中郎邵陵王並鎮

溢口世祖毘贊兩藩而任總西伐公時從在軍鎮西府版

何義門曰碑板行
狀之文自蔡中郎
以來皆華而無實
唐梁肅李華獨孤
及權德輿輩欲寔
而未往至日黎而
一洗其習劉又稱
爲使墓特一時相
之言細讀諸碑誌
此言非實也

寧朔將軍軍主南中郎版補行參軍署法曹於時景燭雲
火風馳羽檄謀出股肱任切書記遷左軍邵陵王主簿記
室叅軍既允焚林之求實兼儀形之寄刀筆不足宣功風
體所以宏益除邵陵王友又爲安南邵陵王長史東夏形
勝關河重復選衆而舉敦悅斯在除使持節都督會稽東
陽臨海永嘉新安五郡諸軍事輔國將軍會稽太守太祖
受命廣樹藩屏公以高昭武穆惟戚惟賢封聞喜縣開國
公食邑千戶又以奏課連最進號冠軍將軍越人之巫覩
正風而化俗篁竹之會感義讓而失險邪叟忘其西昃龍
邱狹其東臯會武穆皇后崩公星言奔波泣血千里水漿
不入於日者至自禹穴逮衣裳外除心哀內疚禮屈於厭
降事迫於權奪而茹戚肌膚沈痛瘡鉅故知鐘鼓非樂云
之本縗麤非隆殺之要改授征虜將軍丹陽尹良家入徙

戚里內屬政非一軌俗備五方公內樹寬明外施簡惠神
臯載穆轂下以清武皇帝嗣位進封竟陵郡王食邑如干
戶復授使持節都督南徐兗二州諸軍事鎮北將軍南徐
州刺史遷使持節侍中都督南兗徐北兗青冀五州諸軍
事征北將軍南兗州刺史兗徐接壤素漸河潤未及下車
仁聲先洽玉關靖析北門寢扃朝旨以董司岳牧敷興邦
教方任雖重比此爲輕徵護軍將軍兼司徒侍中如故又
授車騎將軍兼司徒侍中如故卽授司徒侍中又如故上
穆三能下敷五典闢元闡以闡化寢鳴鐘以體國翼亮孝
治緝熙中教奪金恥訟蹊田自嘿不彫其朴用晦其明聲
化之有倫繫公是賴庠序肇興儀刑國胄師氏之選允歸
人範以本官領國子祭酒固辭不拜八座初啟以公補尙
書令式是敷奏百揆時序夫國家之道互爲公私君親之

義遞爲隱犯。公二極一致。愛敬同歸。亮誠盡規。謀猷宏遠矣。又授使持節都督揚州諸軍事揚州刺史。本官悉如故。舊惟淮海。今則神牧。編戶殷阜。萌俗滋繁。不言之化。若門到戶說矣。頃之解尚書令。改授中書監。餘悉如故。獻納樞機。絲綸允緝。武皇晏駕。寄深負圖。公仰惟國典。俛遵遺託。俯擗天倫。踊絕於地。居處之節。復如居武穆之憂。聖王嗣興。地居旦奭。有詔策授太傅領司徒。餘悉如故。坐而論道。動以觀德。地尊禮絕。親賢莫貳。又詔加公入朝不趨。讚拜不名。劔履上殿。蕭傅之賢。曹馬之親。兼之者公也。復以申威重道。增崇德統。進督南徐州諸軍事。餘悉如故。並奏疏。案上。身沒讓存。天不憖遺。梁岳頽峻。某年某月日薨。春秋卅有五。詔給溫明秘器。歛以袞章。備九命之禮。遣大鴻臚監護喪事。朝夕奠祭。大官供給禮也。故以慟極津門。感充

長樂。豈徒春人。不相傾壘。罷肆而已哉。乃下詔曰。褒崇庸德。前王之令典。追遠尊戚。公情之所隆。故使持節都督揚州諸軍事中書監太傅領司徒揚州刺史竟陵王新除進督南徐州體睿履正。神監淵邈。道冠民宗。具瞻惟允。肇自弱齡。孝友光備。爰及贊契。協升景業。燮和台曜。五教克宣。敷奏朝端。百揆惟穆。寄重先顧。任均負圖。諒以齊徽。二南同規。往哲方憑。保佑永翼。雍熙天不憖遺。奄見薨落。哀慕抽割。震動於厥心。今先遠戒期。龜謀襲吉。茂崇嘉制。式宏風猷。可追崇假黃鉞侍中都督中外諸軍事太宰領大將軍揚州牧。綠綬綬。具九錫服命之禮。使持節中書監王如故。給九旒鑿輅黃屋。左纛輜輶車前後部羽葆鼓吹挽歌。二部虎賁班劔百人。葬禮一依晉安平獻王孚故事。公道識虛遠。表裏融通。淵然萬頃。直上千仞。僕妾不覩其喜。慍

近侍莫見其傾弛。他人之善若已有之。民之不臧。公實貽
耻。誘接恂恂。降以顏色。方於事上。好下規已。而廉於殖財。
施人不倦。帝子儲季。令行禁止。國綱天憲。寘諸掌握。未嘗
鞠人於輕刑。錮人於重議。人有不及。內恕諸已。非意相干。
每爲理屈。任天下之重。體生民之俊。華袞與緼絺同。歸山
藻與蓬茨俱逸。良田廣宅。符仲長之言。邱山洛水。協應叟
之志。邱園東國。錙銖軒冕。乃依林構宇。傍巖拓架。清猿與
壺人爭旦。緹幙與素瀨交輝。置之虛室。人野何辨。高人何
點。躡屩於鍾阿。徵士劉虬。獻書於衡岳。贈以古人之服。宏
以度外之禮。屈以好士之風。申其趨王之意。乃知大春屈
已於五王。君夫降節於憲后。致之有由也。其卉木之奇。泉
石之美。公所製山居四時序。言之已詳。文皇帝養德東朝。
同符作者。爰造九言。實該百行。遵衿禱於未萌。申炯戒於

茲。比非直且暮千載。故乃萬世一時也。命公注解。衛將軍
王儉綴而序之。山宇初構。超然獨往。顧而言曰。死者可歸。
誰與入室。尙想前良。俾若神對。乃命畫工。圖之軒牖。旣而
緬屬賢英。傍思才淑。匹婦之操。亦有取焉。有客游梁朝者。
從容而進曰。未見好德。愚竊惑焉。卽命刊削。投杖不眠。公
以爲出言自口。驥駮不追。聽受一謬。差以千里。所造箴銘。
積成卷軸。門階戶席。寓物垂訓。先是震於外寢。匠者以爲
不祥。將加治葺。公曰。此天譴也。無所改修。以記吾過。且令
戒懼不怠。從諫如順流。虛已若不足。至於言窮藥石。若味
滋旨。信必由中。貌無外悅。貴而好禮。怡寄典墳。雖牽以物。
役孜孜無怠。乃撰四部要畧。淨住子。並勒成一家。懸諸日
月。宏洙泗之風。闡迦維之化。大漸彌留。話言盈耳。黜殯之
請。至誠懇惻。豈古人所謂立言於世。沒而不朽者歟。易名

之典請遵前列謹狀

沈休文齊司空柳世隆行狀

公稟靈華嶽幼挺珪璋清襟素履發乎韶鼎及長風質洞

遠儀止祥華動容合矩吐言被律時沈攸之易明元年攸之及舉兵於郢狼據陝西氣

陵物上而太祖登庸作宰天厯在躬攸之播封豕之情總

全荆之力兕甲十萬鐵馬千羣水陸長驚志窺皇邑公抗

威川涘勇畧紛紜顯晦有方出沒無緒攸之乃反旆亘圍

親受矢石增櫓乘埤嚴衝駕雉雲輞俯闕地穴斜通半藏

晚餐負戶晨汲公乃綏衆以武應敵以奇靈鋒電曜威策

雲舉事切三版之危氣損九天之就殘寇外老逆黨內摧

焚舟委甲掬指宵遯史稱以權善彈琴世稱柳公使彈為上品第十自為消第公風標秀徹器範宏潤茂乎辭彩雅

善鼓琴一清談第二彈琴第三摛純蔡之高芬纂鍾嵇之妙曲雖嬰拂世務而素

業無改臨姑蘇而想八桂登衡山而望九疑七紆邦組三

臨蕩甸五職瑞扇一司百揆固可以齊衡八凱方駕五臣

江文通建平王太妃周氏行狀

竊聞侯服之譽非黃冠能敷玉食之門寧皂衣所述諒畏

褒虛美於君后被空名於鼎貴然有漢臣誅行晉史書德

者亦云實而已焉伏見國太妃稟靈惟岳集慶自遠世擅

淮汝族冠疇代故以載曜聲書式炳滕牒矣太妃誕異離

之正和函雲露之中氣凝采韶歲貫章笄年若廼彤管女

圖之學纂組綺縞之工升降處謙之儀柔靜居順之節

莫不中道若性不嚴而成故譽滿闈闕聲聞軒殿以元嘉

某年歸於故司徒宣簡王既而第高恒倫秩踰外品青軒

華轂用光國輝素壁丹墀實隆家貴具惟嫺娣靡不式瞻

而居尊以簡訓卑以宏躬謹蘭闈身攜椒第若衛娥之炯

行樊羸之英操方之蔑如也大明二年宣簡王薨太妃藉

南齊書論曰沈攸之十
年治兵曰首舉事居
楚上游方江東下世隆
首抗金師駐埤授榮
曾無汗馬勅寇車
沮力屈於高壘亂
爭先降薛郢路遠
之破元德不是過也

悲用禮撫孤用慈柔懿之德愈彰肅敬之間日被雖文伯
之母言不踰闕莒相之王行存乎勤無以過也大明某年
拜建平王太妃是時今王春秋方富德業未隆藉茲金響
終能玉播故綺襦出宰弱冠升朝者亦太妃劬勞之訓也
謂天益高降年不永以太豫元年二月三日薨於荊州內
寢凡厥遠邇以哀以歎今祖行有期泉窆無遠素旂望路
綵旌思歸所以垂宣徽容髣髴金石者謹牒行狀具以申
言

駢體文鈔卷二十五

合河爾氏
引輝家訓

駢體文鈔卷二十六

張平子大司農鮑德誄

昔君烈祖平顯奕世敬叔生牙美管交賴至于中葉種德
以邁種德伊何去虛適參建旄屯留其茂如林降及我君
總角有聲遺蒙萬穀寵祿斯丁守約勤學克勞其形濬哲
之資日就月成業業學徒童蒙求我舍厥往著去風卽雅
濟濟京河實爲西魯昔我南都惟帝舊鄉同于郡國殊於
表章命親如公弁冕鳴璜若惟允之實耀其光導以仁惠
教以義方習射矍相饗老虞庠羌髦作虐艱我西鄰君斯
整旅耀武月頻蠢蠢戎虜是罔是震知德者鮮惟君克舉
旣厭帝心將處台輔命有不永時不我與天實爲之孰其
能禦股肱或毀何痛如之國喪遺愛如何無思

曹子建王仲宣誄

二十四日史中...

建安二十二年正月二十四日戊申魏故侍中關內侯王君卒嗚呼哀哉皇穹神察詰人是恃如何靈祇殲我吉士誰謂不痛早世卽冥誰謂不傷華繁中零存亡分流天遂同期朝聞夕沒先民所思何用誄德表之素旗何以贈終哀以送之遂作誄曰

猗歟侍中遠祖彌芳公高建業佐武伐商爵同齊魯邦祀絕亡流裔畢萬勲績惟光晉獻賜封于魏之疆天開之祚未胄稱王厥姓斯氏條分葉散世滋芳烈揚聲秦漢會遭陽九炎光中矇世祖撥亂爰建時雍三台樹位履道是鍾寵爵之加匪惠惟恭自君三祖爲光爲龍僉曰休哉宜翼漢邦或統太尉或掌司空百揆惟敘五典克從天靜人和皇教遐通伊君顯考奕葉佐時入管機密朝政以治出臨朔岱庶績咸熙君以淑懿繼此洪基既有令德材技廣宣

強記洽聞幽讚微言文若春華思若涌泉發言可詠下筆成篇何道不洽何藝不閒碁局逞巧博奕惟賢皇家不造京室隕顛宰臣專制帝用西遷君乃羈旅離此阻艱翕然鳳舉遠竄荆蠻身窮志達居鄙行鮮振冠南嶽濯纓清川潛處蓬室不干勢權我公奮鉞耀威南楚荆人或違陳戎講武君乃義發算我師旅高尙霸功投身帝宇斯言旣發謀夫是與是與伊何嚮我明德投戈編郡稽顙漢北我公實嘉表揚京國金龜紫綬以彰勲則勲則伊何勞謙靡已憂世忘家殊畧卓峙乃署祭酒與軍行止算無遺策畫無失理我王建國百司雋乂君以顯舉秉機省闈戴蟬珥貂朱衣皓帶入侍帷幄出擁華蓋榮曜當世芳風掩藹嗟彼東夷憑江阻湖騷擾邊境勞我師徒光光戎路霆駭風徂君侍華轂輝輝王途思榮懷附望彼來威如何不濟運極

命衰寢疾彌留吉往凶歸嗚呼哀哉翩翩孤嗣號慟崩摧
發軔北魏遠迄南淮經歷山河泣涕如頽哀風興感行雲
徘徊游魚失浪歸鳥忘栖嗚呼哀哉吾與夫子義貫丹青
好和琴瑟分過友生庶幾遐年攜手同征如何奄忽棄我
夙零感昔宴會志各高厲子戲夫子金石難弊人命靡常
吉凶異制此驩之人孰先隕越何寤夫子果乃先逝又論
死生存亡數度子猶懷疑求之明據儻獨有靈游魂泰素
我將假翼飄颻高舉超登景雲要子天路喪柩旣臻將反
魏京靈輻回軌白驥悲鳴虛廓無見藏景蔽形孰云仲宣
不聞其聲延首歎息雨泣交頸嗟乎夫子永安幽冥人誰
不沒達士殉名生榮死哀亦孔之榮嗚呼哀哉

曹子建仲雍哀辭

其立言殊妙但具利談大類

曹階字仲雍魏太子之仲子也三月而生五月而亡昔后

稷之在寒冰鬪穀之在楚澤咸依鳥馮虎而無風塵之灾
今之元締文茵無寒冰之慘羅幃綺帳暖於翔鳥之翼幽
房閑宇密於雲夢之野慈母良保仁乎鳥虎之情卒不能
延期於暮載雖六旬而夭歿彼孤蘭之眇眇亮成幹其畢
榮哀綿綿之弱子早背世而潛形且四孟之未周將愿之
乎一齡陰雲回於素蓋悲風動其扶輪臨埏闔以歔歔淚
流射而沾巾階不見於魏志豈即邯鄲懷王邑邪

潘安仁楊荊州誄

維咸寧元年夏四月乙丑晉故折衝將軍荊州刺史東武
戴侯滎陽楊使君薨嗚呼哀哉夫天子建國諸侯立家選
賢與能政是以和周賴尚父殷憑太阿指阿衡得伊也矯矯楊侯晉之爪
牙忠節克明茂績惟嘉將宏王畧肅清荒遐降年不永元
首未華銜恨沒世命也奈何嗚呼哀哉自古在昔有生必

孫曰太阿二字人罕用

死身沒名垂先哲所躋行以號彰德以述美敢託旒旗爰
作斯誄其辭曰

邈矣遠祖系自有周昭穆繁昌枝庶分流族始伯喬氏出
楊侯奕世丕顯允迪大猷天厭漢德龍戰未分伊君祖考
方事之殷鳥則擇木臣亦簡君投心魏朝策名委身奮躍
淵塗跨騰風雲或統驍騎或據領軍篤生戴侯茂德繼期
纂戎洪緒克構堂基弱冠味道無競惟時孝實蒸蒸友亦
怡怡多才豐藝彊記洽聞目睇毫末心算無垠草隸兼善
尺牘必珍足不輟行手不釋文翰動若飛紙落如雲學優
則仕乃從王政散璞發輝臨軹作令化行邑里惠洽百姓
越登司官肅我朝命惟此大理國之憲章君莅其任視民
如傷庶獄明慎刑辟端詳聽參臯呂稱侔于張改授農正
于彼野王倉盈庾億國富兵強煌煌文后鴻漸晉室君以

左傳謂哲不忘

兼資參戎作弼用錫土宇膺茲顯秩青社白茅亦朱其紱
魏氏順天聖皇受終烈烈楊侯實統禁戎司管閭闔清我
帝宮苛慝不作穆如和風謂督勲勞班命彌崇茫茫海岱
元化未周滔滔江海疆場分流秉文兼武時惟楊侯旣守
東莞乃牧荊州折衝萬里對揚王休聞善若驚疾惡如讐
示威示德以伐以柔吳夷凶侈僞帥畏逼將承讐覺席卷
南極繼襄糧盡神謀不忒君子之過引曲推直如彼日月
有時則食負執其咎功讓其力亦旣旋旆爲法受黜退守
邱塋杜門不出游目典墳縱心儒術祁祁搢紳升堂入室
靡事不咨無疑不質位貶道行身窮志逸弗慮弗圖乃寢
乃疾昊天不弔景命其卒嗚呼哀哉子囊佐楚遺言城郢
史魚諫衛以尸顯政伊君臨終不忘忠敬寢伏牀蓐念在
朝廷朝達厥辭夕隕其命聖王嗟悼寵贈衾襚誄德策勲

考終定謚羣辟慟懷邦族揮淚孤嗣在疾寮屬含悴赴者
同哀路人增歎嗚呼哀哉余以頑蔽覆露重陰仰追先考
執友之心俯感知已識達之深承諱切怛涕淚霑襟豈忘
載奔憂病是沈在疾不省於亡不臨舉聲增慟哀有餘音
嗚呼哀哉

潘安仁楊仲武誄

楊綏字仲武滎陽宛陵人也中領軍肅侯之曾孫荊州刺
史戴侯之孫東武康侯之子也八歲喪父其母鄭氏光祿
勳密陵成侯之元女操行甚高恤養幼孤以保父夫家而
免諸艱難戴侯康侯多所論著又善草隸之藝子以妙年
之秀固能綜覽義旨而軌式模範矣雖舅氏隆盛而孤貧
守約心安陋巷體服菲薄余甚竒之若乃清才雋茂盛德
日新吾見其進未見其已也既藉三葉世親之恩而予之

邵曰安仁善於言表
而敦親故往還之禮
尤見真切

姑余之伉儷焉往歲卒於德宮里喪服周次綢繆累月苟
人必有心此亦欵誠之至也不幸短命春秋二十九元康
九年夏五月己亥卒嗚呼哀哉乃作誄曰

伊子之先奕葉熙隆惟祖惟曾載揚休風顯考康侯無祿
早終名器雖光勲業未融篤生吾子誕茂淑姿克岐克嶷
知章知微鉤深探賾味道研幾匪直也人邦家之輝子之
邁閔曾未齟髻如彼危根當此衝飈德之休明靡幽不喬
弱冠流芳雋聲清劭爾舅惟榮爾宗惟粹幼秉殊操違豐
安匱撰錄先訓俾無隕墜舊文新藝罔不畢肄潘楊之穆
有自來矣矧乃今日慎終如始爾休爾戚如實在已視子
猶父不得猶子敬亦既篤愛亦既深雖殊其年實同厥心
日昃景西望子朝陰如何短折背世湮沈嗚呼哀哉寢疾
彌留守茲孝友臨命忘身顧戀慈母哀哀慈母痛心疾首

嗷嗷同生悽悽諸舅春蘭擢莖方茂其華荆寶挺璞將剖
于和含芳委耀何曰此若毀屋以待乎此毀璧摧柯嗚呼仲武痛哉奈何德宮之艱
同次外寢惟我與爾對筵接枕自時迄今曾未盈稔姑姪
繼隕何痛斯甚嗚呼哀哉披帙散書屢覩遺文有造有寫
或草或真執玩周復想見其人紙勞于手涕沾于巾龜筮
既襲延隧旣開痛矣楊子與世長乖朝濟洛川夕次山隈
歸鳥頡頏行雲徘徊臨穴永訣撫櫬盡哀遺形莫紹增慟
余懷魂兮往矣梁木實摧嗚呼哀哉

潘安仁夏侯常侍誄

夏侯湛字孝若譙人也少知名弱冠辟太尉府賢良方正
徵仍爲太子舍人尚書郎野王令中書郎南陽相家艱乞
還頃之選爲太子僕未就命而世祖崩天子以爲散騎常
侍從班列也春秋四十有九元康元年夏五月壬辰寢疾

卒于延喜里第嗚呼哀哉乃作誄曰

禹錫玄珪實曰文命克明克聖光啟夏政其在于漢邁勲
惟嬰思宏儒業大小雙名顯祖曜德牧兗及荆父守淮岱
治亦有聲英英夫子灼灼其儔飛辯摛藻華繁玉振如彼
隨和發彩流潤如彼錦纈列素點絢人見其表莫測其裏
徒謂吾生文勝則史心照神交唯我與子且歷少長逮觀
終始子之承親孝齊閔參子之友悌和如瑟琴事君直道
與朋信心雖實唱高猶賞爾音弱冠厲翼羽儀初昇公弓
旣招皇輿乃徵內贊兩宫外宰黎蒸忠節允著清風載興
泱彼樂都寵子惟王設官建輔妙簡邦良用取喉舌相爾
南陽惠訓不倦視民如傷乃眷北顧辭祿延熹余亦偃息
無事明時疇昔之遊二紀于茲斑白攜手何歡如之居吾
語汝衆實勝寡人惡雋異俗疵文雅執戟疲揚長沙投賈

無謂爾高。恥居物下。子乃洗然變色。易容慨然。歎曰。道固不同。爲仁由己。匪我求蒙。誰毀誰譽。何去何從。莫惶匪緇。莫磨匪磷。子獨正色居屈。志申雖不。爾以猶致。其身獻替。盡規媚茲一人。讜言忠謀。世祖是嘉。將僕儲皇。奉轡承華。先朝末命。聖列顯加入侍。帝闈出光。厥家我聞。積善神降之吉。宜享遐紀。長保天秩。如何斯人。而有斯疾。曾未知命。中年隕卒。嗚呼哀哉。唯爾之存。匪爵而貴。甘食美服。重珍兼味。臨終遺誓。永錫爾類。歛以時襲。殯不簡器。誰能拔俗。生盡其養。孰是養生。而薄其葬。淵哉若人。縱心條暢。傑操明達。困而彌亮。柩輅旣祖。容體長歸。存亡永訣。逝者不追。望子舊車。覽爾遺衣。幅抑失聲。迸涕交揮。非子爲慟。吾慟爲誰。嗚呼哀哉。日往月來。暑退寒襲。零露沾凝。勁風淒急。慘爾其傷。念我良執。適子素館。撫孤相泣。前思未弭。後感

仍集積悲滿懷逝矣安及嗚呼哀哉

潘安仁馬汧督誄

孫月峯曰馬君事本奇而寫得亦極奇精神固是偉作

義門曰簡汰其半則道烈矣

惟元康七年秋九月十五日。晉故督守關中侯扶風馬君。卒。嗚呼哀哉。初。雍部之內。屬羌反。未弭。而編戶之氏。又肆逆焉。雖王旅致討。終於殄滅。而蜂蠆有毒。驟失小利。俾百姓流亡。頻於塗炭。建威喪元於好時。州伯宵遁乎大谿。若夫偏師裨將之隕。首覆軍者。蓋以十數。剖符專城。紆青拖墨之司。奔走失其守者。相望於境。秦隴之僭。輦更爲魁。旣已襲汧而館其縣。子精以眇爾之身。介乎重圍之裏。率寡弱之衆。據十雉之城。羣氏如蝟毛而起。四面雨射城中。城中鑿穴而處。負戶而汲。木石將盡。樵蘇乏竭。芻蕘罄絕。於是乎發梁棟而用之。芻以鐵鎖機關。旣縱礮而又昇焉。甃陳焦之麥。枋栢桷之松。用能薪芻不匱。人畜取給。青煙傍起。

叙守城之功極詳志而古雋

恨与痛俱深

機馬長鳴。凶醜駭而疑懼。乃闕地而攻。子命穴浚。壑真壺。鑄瓶甌以偵之。將穿響作。因焚橫火。薰之潛氏。殲焉。久之。安西之救至。竟免虎口之厄。全數百萬石之積。文契書於幕府。聖朝疇咨。進以顯秩。殊以幢蓋之制。而州之有司。乃以私隸數口。穀十斛。考訊吏兵。以櫜楚之辭。連之大將軍。屢抗其疏。曰。敦固守孤城。獨當羣寇。以少禦衆。載離寒暑。臨危奮節。保穀全城。而雍州從事。忌敦勲效。極推小疵。非所以褒獎元功。宜解敦禁劾。假授詔書。遽許而子固已下。獄發憤而卒也。朝廷聞而傷之。策書曰。皇帝咨故督守關中侯馬敦。忠勇果毅。率厲有方。固守孤城。危逼獲濟。寵秩未加。不幸喪亡。朕用悼焉。今追贈牙門將軍。印綬。祠以少牢。魂而有靈。嘉茲寵榮。然絜士之間。穢其庸致。思乎若乃下吏之肆其噤害。則皆妬之徒也。嗟乎。妬之欺善。抑亦賢

首之讐也。語曰。或戒其子。慎無為善言。固可以若是悲夫。昔乘邱之戰。縣賁父御魯莊公。馬驚敗績。賁父曰。他日未嘗敗績。而今敗績。是無勇也。遂死之。圍人浴馬。有流矢在白肉。公曰。非其罪也。乃誅之。漢明帝時。有司馬叔持者。白日於都市。手劍父讐。視死如歸。亦命史臣班固而為之誄。然則忠孝義烈之流。慷慨非命而死者。綴辭之士。未之或遺也。天子既已策而贈之。微臣託乎舊史之末。敢闕其文哉。乃作誄曰。

知人未易。人未易知。嗟茲馬生。位末名卑。西戎猾夏。乃奮其奇。保此汧城。救我邊危。彼邊奚危。城小粟富。子以眇身。而裁其守。兵無加衛。墉不增築。焚焚羣狄。豺虎競逐。鞏更恣睢。潛時官寺。齊萬虓闕。震驚台司。聲勢沸騰。種落煽熾。旌旗電飀。戈矛林植。彤珠星流。飛矢雨集。惴惴士女。號天

箕管作箕
即孫武書之
意軒也

以泣。爨麥而炊。負戶以汲。累卵之危。倒懸之急。馬生爰發。
在險彌亮。精貫白日。猛烈秋霜。稜威可厲。懦夫克壯。霑恩
撫循。寒士挾纊。蠢蠢犬羊。阻衆陵寡。潛隧密攻。九地之下。
愜愜窮城。氣若無假。昔命懸天。今也惟馬。惟此馬生。才博
智瞻。偵以瓶壺。剔以長漣。錘未見鋒。火以起烟。薰尸滿窟。
措穴以斂。木石匱竭。箕稗空虛。矚然馬生。傲若有餘。芻梁
爲礪。柿松爲芻。守不乏械。櫪有鳴駒。哀哀建威。身伏斧質。
悠悠列將。覆軍喪器。戎釋我徒。顯誅我師。以生易死。疇克
不二。聖朝西顧。關右震惶。分我汧虜。化爲寇糧。實賴夫子。
思暮彌長。咸使有勇。致命知方。我雖末學。聞之前典。十世
宥能。表墓旌善。思人愛樹。甘棠勿翦。矧乃吾子。功深疑淺。
兩造未具。飾隸蓋鮮。孰是勲庸。而不獲免。猾哉部司。其心
反側。斲善害能。醜正惡直。牧人逶迤。自公退食。聞穢鷹揚。

所謂猶將也
之勸佐者

會不戢翼。忘爾大勞。猜爾小利。苟莫開懷。于何不至。慨慨
馬生。碩碩高致。發憤囹圄。沒而猶眠。嗚呼哀哉。安平出商。
破齊克完。張孟連籌。危趙獲安。汧人賴子。猶彼談單。如何
吝嫉。搖之筆端。傾倉可賞。矧云私粟。狄隸可頒。况曰家僕。
剔子雙龜。貫以三木。功存汧城。身死汧獄。凡爾同圍。心焉
摧剝。扶老攜幼。街號巷哭。嗚呼哀哉。明明天子。旌以殊恩。
光光寵贈。乃牙其門。司勳頒爵。亦兆後昆。死而有靈。庶慰
冤魂。嗚呼哀哉。
孫執升曰。此是之橫守。守之可。恰人之。盡烈士之憤。曲。寫。公。却是
一氣。可。成。騰。騰。騰。其。筋。骨。故。自。不。同。

潘安仁傷子辭

予之長安。次於新安。千秋亭而弱子夭。感羸博之哀。乃傷
之曰。奈何兮。弱子邈奔爾兮。邱林還眺兮。墳瘞草莽兮。
木森森伊。遂世之遐。胄逮祖考之承。延咨吾家之不嗣。羌
一適而未甄。仰崇堂之遺構。若無津而涉川。葉落永離覆。

水不收赤子何辜罪我之由
潘安仁悲邢生辭

周文王之苗裔予元舅之洪胄厲慘確其不拔鄉譽著而
且就妙邦畿而高察雄州閭以推秀茂實暢矣而休名未
衍其財至貧其位至賤而死之日奔者盈庭停予車而在
郊撫靈櫬以增悲瞻輻容而想像曾無覲乎餘輝送子兮
境垂永訣兮路岐一別兮長絕盡哀兮告離

潘安仁爲任子咸妻作孤女澤蘭哀辭

澤蘭者任子咸之女也涉三齡未沒衰而殞余聞而悲之
遂爲其母辭

茫茫造化爰啟英淑猗猗澤蘭應靈誕育鬢髮蛾眉巧笑
美目顏耀榮苕華茂時菊如金之精如蘭之馨淑質彌暢
聰慧日新朝夕顧復夙夜盡勤彼蒼者天哀此矜人胡寧
不惠忍予眇身俾爾嬰孺微命弗振拊覽衾綈仰訴穹昊
弱子在懷旣生不遂存靡託躬沒無遺類耳存遺響日想
餘顏寢席伏枕摧心割肝相彼鳥矣和鳴嚶嚶矧伊蘭子
音影冥冥彷徨邱隴徙倚墳塋

潘安仁金鹿哀辭

嗟我金鹿天姿特挺鬢髮凝膚蛾眉蟻領柔情和泰朗心
聰警嗚呼上天胡忍我門良嬪短世今子天昏旣披我幹
又剪我根塊如癩木枯芟獨存捐子中野遵我歸路將反
如疑回首長顧

潘安仁哀永逝文

啟夕兮宵興悲絕緒兮莫承俄龍輻兮門側嗟俟時兮將
升嫂姪兮悼惶慈姑兮垂矜聞鳴雞兮戒朝咸驚號兮撫
膺逝日長兮生年淺憂患衆兮歡樂尠彼遙思兮離居嘆

河廣兮宋遠今奈何兮一舉邈終天兮不反盡余哀兮祖
之晨揚明燎兮援靈輶撤房帷兮席庭筵舉醑觴兮告永
遷悽切兮增歔俯仰兮揮淚想孤魂兮眷舊宇視倏忽兮
若髣髴徒髣髴兮在慮靡耳目兮一遇停駕兮淹留徘徊
兮故處周求兮何獲引身兮當去去華輦兮初邁馬迴首
兮旋施風泠泠兮入帷雲霏霏兮承蓋鳥俛翼兮忘林魚
仰沫兮失瀨悵悵兮遲遲遵吉路兮凶歸思其人兮已滅
覽餘跡兮未夷昔同塗兮今異世憶舊歡兮增新悲謂原
隰兮無畔謂川流兮無岸望山兮寥廓臨水兮浩汗視天
日兮蒼茫面邑里兮蕭散匪外物兮或改固歡哀兮情換
嗟潛隧兮既敞將送形兮長往委蘭房兮繁華襲窮泉兮
朽壤中慕叫兮擗標之子降兮宅兆撫靈櫬兮訣幽房棺
冥冥兮颺窈窈戶闔兮燈滅夜何時兮復曉歸反哭兮殯

宮聲有止兮哀無終是乎非乎何皇趣一遇兮目中既遇
目兮無兆會寤寐兮弗夢既顧瞻兮家道長寄心兮爾躬
重曰已矣此益新哀之情然耳渠懷之其幾何庶無愧兮
莊子 何日結得瘦惟悲之甚故不得已為是言也

陶淵明自祭文

歲惟丁卯律中無射天寒夜長風氣蕭索鴻雁于征草木
黃落陶子將辭逆旅之館永歸於本宅故人悽其相悲同
祖行於今夕羞以嘉蔬薦以清酌候顏已冥聆音愈漠嗚
呼哀哉茫茫大塊悠悠高旻是生萬物余得為人自余為
人逢運之貧簞瓢屢罄絺綌冬陳含歡谷汲行歌負薪鬻
鬻柴門事我宵晨春秋代謝有務中園載耘載耔廼育廼
繁欣以素臚和以七絃冬曝其日夏濯其泉勤靡餘勞心
有常聞樂天委分以至百年惟此百年夫人愛之懼彼無

成。渴日惜時存爲世珍。沒亦見思。嗟我獨邁。曾是異茲寵。非已榮。涅豈吾緇。捭兀窮廬。酣飲賦詩。識運知命。疇能罔眷。余今斯化。可以無恨。壽涉百齡。身慕肥遁。從老得終。奚所復戀。寒暑逾邁。亡旣異存。外姻晨來。良友宵犇。葬之中野。以安其魂。窅窅我行。蕭蕭墓門。奢恥宋臣。儉笑王孫。廓兮已滅。慨焉已遐。不封不樹。日月遂過。匪貴前譽。孰重後歌。人生實難。死如之何。嗚呼哀哉。

陶淵明祭從弟敬遠文

歲在辛亥月惟仲秋旬有九日從弟敬遠卜辰云窆永寧后土感平生之遊處悲一往之不返情惻惻以摧心淚愍愍而盈眼乃以鬪果時醪祖其將行嗚呼哀哉於鑠吾弟有操有槩孝發幼齡友自天愛少思寡欲靡執靡介後已先人臨財思惠心遠得失情不依世其色能溫其言則厲

樂勝朋高好是文藝遙遙帝鄉爰感奇心絕粒委務考槃山陰淙淙懸溜曖曖荒林晨採上藥夕閑素琴曰仁者壽竊獨信之如何斯言徒能見欺年甫過立奄與世辭長歸蒿里邈無還期惟我與爾匪但親友父則同生母則從母相及齟齬並罹偏咎斯情實深斯愛實厚念疇昔日同房之歡冬無緇褐夏渴瓢簞相將以道相開以顏豈不多乏忽忘饑寒余嘗學仕纏綿人事流浪無成懼負素志歛策歸來爾知我意嘗願携手寘彼衆議每憶存秋我將其刈與汝偕行舫舟同濟三宿水濱樂飲川界靜月澄高溫風始逝撫杯而言物久人脆奈何吾弟先我離世事不可尋思亦何極日徂月流寒暑代息歿生異方存亡有域候晨禾歸指塗載陟呱呱遺稚未能正言哀哀嫠人禮儀孔閑庭樹如故齋宇廓然孰云敬遠何時復還余惟人斯昧茲

近情著龜有吉制我祖行望旒翩翩執筆涕盈神其有知
昭余中誠嗚呼哀哉

顏延年陽給事誄 孫月峯曰嚴果無浮沈語攝注寂緊錄

義門台後陶微
士誄及茶屈原文
觀之始過其詩

東郡太守王景
度出走

惟永初三年十一月十一日宋故寧遠司馬濮陽太守彭
城陽君卒嗚呼哀哉瓚少稟志節資性忠果奉上以誠率
下有方朝嘉其能故授以邊事永初之末佐守滑臺值國
禍荐臻王略中否獯虜間覺劇剝司兗幽并騎弩屯逼鞏
洛列營緣戍相望屠潰瓚奮其猛銳志不違難立乎將卒
之間以緝華裔之衆罷困相保堅守四旬上下力屈受陷
勃寇上師奔擾棄軍爭免而瓚誓命沈城佻身飛鏃兵盡
器竭斃於旗下文補旗執不屈非夫貞壯之氣勇烈之志豈能臨敵引義
以死徇節者哉景平之元朝廷聞而傷之有詔曰故寧遠
司馬濮陽太守陽瓚滑臺之逼厲城固守投命徇節在危

無撓古之烈士無以加之可贈給事中振恤遺孤以慰存
亡追寵既彰人知慕節河汴之間有義風矣逮元嘉廓祚
聖神紀物光昭茂緒旌錄舊勳苟有概於貞孝者實事感
於仁明末臣蒙固側聞至訓敢詢諸前典而爲之誄其辭
曰

苦夷致果題子

貞不常祐義有必甄處父勤君怨在登賢苦夷致果題子
行間忠壯之烈宜自爾先舊勳雖廢邑氏遂傳惟邑及氏
自温徂陽狐續既降晉族弗昌之子之生立績宋皇拳猛
沈毅温敏肅良如彼竹栢負雪懷霜如彼駢駟配服駮
邊兵喪律王略未恢函陝堙阻灑洛蒿萊朔馬東驚胡風
南埃路無歸鞞野有委骸帝圖斯艱簡兵授才實命陽子
佐師危臺憬彼危臺在滑之垆周衛是交鄭翟是爭昔惟
華國今實邊亭憑巘結關負河縈城金柝夜擊和門晝扇

料敵厭難時維陽生涼冬氣勁塞外草衰邊矣獯虜乘障
犯威鳴驥橫厲霜鏑高鞞軼我河縣俘我洛畿攢鋒成林
投鞍爲圍翳翳窮壘嗷嗷羣悲師老變形地孤援濶卒無
半菽馬實拊秣守未焚衝攻已濡褐烈烈陽子在困彌達
勉慰痍傷拊巡飢渴力雖可窮氣不可奪義立邊疆身終
鋒栝嗚呼哀哉賁父隕節魯人是志汗督効貞晉策攸紀
皇上嘉悼思存寵異于以贈之言登給事疏爵紀庸恤孤
表嗣嗟爾義士沒有餘喜嗚呼哀哉

顏延年陶徵士誄

夫瘖玉致美不爲池隍之寶桂椒信芳而非園林之實豈
期深而好遠哉蓋云殊性而已故無足而至者物之藉也
隨踵而立者人之薄也若乃巢高之抗行夷皓之峻節故
已父老堯禹錙銖周漢而綿世浸遠光靈不屬至使菁華

請節受顏光祿酒
錢二千千呈其相元
素深

晉隱逸傳不見其不
履之意至南史和著只
既且載檀道濟嘗憤
東由揮西去之

淵明入宋不仕
書云晉徵士
特筆也

隱沒芳流歇絕不其惜乎雖今之作者人自爲量而首路
同塵輟塗殊軌者多矣豈所以昭末景汎餘波有晉徵士
尋陽陶淵明南岳之幽居者也弱不好弄長實素心學非
稱師文取指達在衆不失其寡處言愈見其默少而貧病
居無僕妾井曰弗任藜菽不給母老子幼就養勤匱遠惟
田生致親之議追悟毛子捧檄之懷初辭州府三命後爲
彭澤令道不偶物棄官從好遂乃解體世紛結志區外定
迹深棲於是乎遠灌畦鬻蔬爲供魚菽之祭織絢緯蕭以
充糧粒之費心好異書性樂酒德簡棄煩促就成省曠殆
所謂國爵屏貴家人忘貧者與有詔徵爲著作郎稱疾不
到春秋若干元嘉四年月日卒于尋陽縣之某里近識悲
悼遠士傷情冥默福應嗚呼淑貞夫實以誄華名由謚高
苟允德義貴賤何算焉若其寬樂令終之美好廉克已之

孫曰兩公係相知故
實未日真寶有
味
真西山曰淵明春三王
空蓋有乃祖長沙
公之志獨以力不待為
取肥遯以自絕食後
飲水之言街木填海
之喻至深痛切移志
不之察身

何注盛晉中興書曰
延之為安郡道經
尋陽常飲淵明食
自晨達昏及淵明年
延之為誄極其厚致

操有合諡典無愆前志故詢諸友好宜諡曰靖節徵士其

辭曰物尚孤生人固介立豈伊時邁曷云世及嗟乎若士望古

遙集韜此洪族蔑彼名級睦親之行至自非敦然諾之信

重於布言廉深簡潔貞夷粹溫而能峻博而不繁依世

尚同詭時則異有一於此兩非默置豈若夫子因心違事

畏榮好古薄身厚志世霸虛禮州壤推風孝惟義養道必

懷邦人之秉彝不隘不恭爵同下士祿等上農度量難鈞

進退可限長卿棄官稚賓自免子之悟之何悟之辯賦詩

歸來高蹈獨善亦既超曠無適非心汲流舊巖葺宇家林

晨烟暮藹春煦秋陰陳書綴卷置酒絃琴居備勤儉躬兼

貧病大否其憂子然其命隱約就閑遷延辭聘非直也明

是惟道性糾纏幹流冥漠報施孰云與仁實疑明智謂天

蓋高胡嘗斯義履信曷憑思順何寘年在中身疾維疢疾

視死如歸臨凶若吉藥劑弗嘗禱祀非恤僚幽告終懷和

長畢嗚呼哀哉敬述靖節式尊遺占存不願豐沒無求贖

省計却賻輕哀薄歛遭壤以穿旋葬而窆嗚呼哀哉深心

追往遠情逐化自爾介居及我多暇伊好之洽接閭鄰舍

宵盤晝憇舟車非駕念昔宴私舉觴相誨獨正者危至方

則闕哲人卷舒布在前載取鑒不遠吾規子佩爾實愀然
中言而發違眾速尤迎風先墜身才非實榮聲有歇叡音
永矣誰箴余闕嗚呼哀哉仁焉而終智焉而斃黔婁既沒
展禽亦逝其在先生同塵往世旌此靖節加彼康惠嗚呼
哀哉
浦之曰以雕文篆組之工寫屢貼清真之旨家難措筆者就命辭微也妙於
舉傾欹離所舍是至誄中念往一節尤俯仰情深矣
王僧達祭顏光祿文
惟宋孝建三年九月癸丑朔十九日辛未王君以山羞野

酌敬祭顏君之靈嗚呼哀哉夫德以道樹禮以仁清惟君
之懿早歲飛聲義窮幾象文蔽班揚性悻剛潔志度淵英
登朝光國實宋之華才通漢魏譽浹龜沙服爵帝典棲志
雲阿清交素友比景共波氣高叔夜嚴方仲舉逸翮獨翔
孤風絕侶流連酒德嘯歌琴緒遊顧移年契濶宴處春風
首時爰談爰賦秋露未凝歸神太素明發晨駕瞻廬望路
心淒目泣情條雲互京陰掩軒娥月寢耀微燈動光几牘
誰照衾衽長塵絲竹罷調擊悲蘭宇屑涕松嶠古來共盡
牛山有淚非獨昊天殲我明懿以此忍哀敬陳奠饋

劉令嫻祭夫徐悝文

維梁大同五年新婦謹薦少牢於徐府君之靈曰惟君德
爰禮智才兼文雅學比山成辨同河瀉明經擢秀光朝振
野調逸許中聲高洛下含潘度陸超終邁賈二儀既肇判

劉孝
悝有三
姓並著
才學通
徐悝有
文九請
拔所認

合始分簡賢依德乃隸夫君外治徒奉內佐無聞幸移蓬
性頗習蘭薰式傳琴瑟相酬典墳輔仁難驗神情易促
碎春紅霜雕夏綠躬奉正衾親觀啟足一見無期百身何
贖嗚呼哀哉生死雖殊情親猶一敢遵先好手調薑橘素
俎空乾奠觴徒溢昔奉齊眉異於今日從軍暫別且思樓
中薄遊未反尚比飛蓬如當此訣永痛無窮百年何幾泉
穴方同

謝惠連祭古冢文

東府掘城北漣八丈餘得古冢上無封域不用塹甃以木
為椁中有二棺正方兩頭無和明器之屬材瓦桐漆有數
十種多異形不可盡識刻木為人長三尺可有二十餘頭
初開見悉是人形以物棖撥之應手灰滅棺上有五銖錢
百餘枚水中有甘蔗節及梅李核瓜瓣皆浮出不甚爛壞

惠連此文盛稱於
世見宋書文學
傳後

劉三銀
考也

銘誌不存。世代不可得而知也。公命城者改埋於東岡。祭之以豚酒。既不知其名字遠近。故假爲之號曰溟溟君云爾。

元嘉七年九月十四日。司徒御屬領直兵令史統作城錄

事臨漳令亭侯朱林。具豚醪之祭。敬薦溟溟君之靈。參總徒旅。版築是司。窮泉爲溼。聚壤成基。一椁既啟。雙棺在茲。捨畚懷愴。縱鋪連沔。芻靈已毀。塗車旣摧。几筵糜腐。俎豆傾低。盤或梅李。盞或醢醢。蔗傳餘節。瓜表遺犀。追惟夫子。生自何代。曜質幾年。潛靈幾載。爲壽爲夭。寧顯寧晦。銘誌堙滅。姓字不傳。今誰子後。曩誰子先。功名美惡。如何蔑然。百堵皆作。十仞斯齊。墉不可轉。溼不可迴。黃腸旣毀。便房已頽。循題興念。撫偏增哀。射聲垂仁。廣漢流渥。祠骸府阿。掩骼城曲。仰羨古風。爲君改卜。輪移北隍。窀穸東麓。墳卽

新營。棺仍舊木。合葬非古。周公所存。敬遵昔義。還耐雙魂。酒以兩壺。牲以特豚。幽靈髣髴。歆我犧樽。嗚呼哀哉。庾子山思舊銘

此亦哀誄之文。非施于碑誌者。故附諸此。

元帝敗後。觀甯侯蕭永卒。庚辰。王侯隨例入國。同時。羈旅。親甯。二年。王侯。有。送葬。之。篇。子。山。著。思舊之銘。及。庚。卒。位。作。詩。云。惟。中。山。陽。當。懷。予。思。舊。篇。初。此。銘。也。

歲在攝提。星居鶡首。梁故觀寧侯蕭永卒。嗚呼哀哉。人之戚也。旣非金石所移。士之悲也。寧有春秋之異。高臺已傾。稷下有聞琴之泣。壯士一去。燕南有擊筑之悲。項羽之鼻。起帳中。李陵之徘徊岐路。韓王孫之質趙。楚公子之留秦。無假窮秋。于時悲矣。况復魚飛武庫。預存棄甲之徵。鳥伏翟泉。先見橫流之肇。星紀吳亡。庚辰楚滅。紀侯大去。鄆子無歸。原隰載馳。輾轉長別。甲裳失矣。餘皇棄焉。海傾酸棗。杞梓與樗櫟俱流。海淺蓬萊。魚鼈與蛟龍共盡。焚香復道。詎假遊魂。載酒屬車。寧消愁氣。芝蘭蕭艾之秋。形殊而共

痺。羽毛鱗介之怨。聲異而俱哀。所謂天乎。乃日蒼蒼之氣。所謂地乎。其實搏搏之土。怨之徒也。何能感焉。彫殘殺翮。無所假於颼風。零落春枯。不足煩於霜露。幕府昔開。賢俊翹首。為羈終歲。門人謝焉。至於東首告辭。西陵長往。山陽車馬。望別郊門。潁川賓客。遙悲松路。稽叔夜之山庭。尚多楊柳。王子猷之舊徑。唯餘竹林。王孫葬地。方為長樂之宮。烈士埋魂。即是將軍之墓。昔嘗歡宴。風月留連。追憶平生。宛然心目。及乎垂翅秦川。關河羈旅。降乎悲谷之景。實有憂生之情。美酒酌焉。建鄴之水。鳴琴在操。終思華亭之鶴。重為此別。嗚呼甚哉。麟亡星落。月死珠傷。瓶罄壘取。芝焚蕙歎。所望鐘沈。德亦聲出。風雲劍沒。豐城氣存。牛斗潛然。思舊乃作銘云。

不返。玉樹長埋。風流遂遠。荀伯舊縣。慶封餘邑。萬里歸魂。修門詎入。墳橫武庫。山枕盧龍。思歸道遠。返葬無從。徒留送雁。空靡長松。平陵之東。無復梧桐。松聲蕭瑟。長起秋風。疇昔隆貴。提攜語默。託情稽阮。風雲相得。有酒如澠。終溫且克。朝陽落鳳。大野傷麟。佳城鬱鬱。流寓於秦。山陽相送。唯餘故人。孀機嫠緯。獨鳳孤鸞。閨深夜靜。風高月寒。生平已矣。懷舊何期。匣中絃絕。鄰人笛悲。昔為幕府。今成總帷。

合河蕭氏
尉粹家譜

駢體文鈔卷二十六

